

رواية حب لا ينتهي كاملة



بقلم الاء الشريفي

لتحميل المزيد من الروايات زوروا موقعنا

ايجي فور تريندس

او يمكنكم زيارة الموقع مباشرة من خلال

الروابط التالية

www.egy4trends.blogspot.com

www.egy4trends.com

قصة باللهجة العامية المصرية تدور احداثها
عن قصة حب قوية تحدث كل الظروف ،
قصة حب تمثل المعنى الحقيقي لـ
التضحية والوفاء ولكن وقف القدر حائلاً
بينهما .. قصة حب خالد وفريدة التي لا
تنتهى

الحلقة الاولى

شخصيات القصة الأساسية :

فريدة: ٢٤ سنة / دكتورة تحاليل

الدكتور محمود: ٥٨ سنه / والد فريدة /

دكتور اسنان

فاطمة: ٥٢ سنة / والدة فريدة / لا تعمل

احمد وفيروز: ٢٠ سنة / اخوات فريدة ، توأم

ومرتبطين جداً ببعض / بيدرسوا مع بعض

في ٣ كليه صيدلة خاصة

نيرة: ٢٤ سنة / صديقة فريدة الوحيدة /

دكتورة تحاليل

خالد: ٢٧ سنة / مهندس معمارى

امينة: ٥٥ سنة / والدة خالد / موظفة

ايمن: ٢١ سنة / اخو خالد / طالب في كلية

حقوق

*

**

*

كان اول يوم فى السنة الجديدة وفريدة بتفرح

بكل سنة جديدة وبتحمد ربنا انها عاشت

سنة كمان بتصحى الصبح منتعشة جداً

كلها نشاط وحيوية وبتجهز عشان تروح

شغلها وهى الوحيدة من اخوتها اللى لازم

تفطر مع والدها ووالدتها

فريدة: صباح الخير يا بابا صباح الفل يا ست

الكل كل سنة وانتوا طيبين

محمود: صباح النور يا حبيبتى

فاطمة: صباح الخير يا حبيبتى ربنا يفرحك

ويبسلك كده دائماً بس ايه مفرحك اوى

كده

فريدة: ايه يا جماعه انتوا مش حاسين اننا

دخلنا سنة جديدة ولا ايه ومش عارفين انا

ببقى فرحانة قد ايه باى سنة جديدة

فاطمة: يا حبيبتى ربنا يفرحك كمان وكمان

ويطول فى عمرك

بدأوا فى تناول الفطار وساد الصمت لدقائق

معدودة

محمود: فريدة انتى فاكرة عمك مصطفى ..

مصطفى عبد الرحمن

فريدة: اه يا بابا مش ده اللي بيبيع اجهزة

طبية

محمود : ايوه هو ده .. عنده ولد هايل

عبدالرحمن مانتى عرفاه ما شاء الله عليه

محاسب فى بنك ومستقبله ممتاز و

قاطعته فريدة: وعايز يتقدملى صح؟!

محمود: وفيها ايه يا ديدا يا بنتى ماهو

مينفعش تفضلى رافضة الفكرة وانتى

لسه ٢٤ سنة

فريدة: يا سلام !! وهو انت مش عارف انا

رافضة الفكرة ليه واللى متقدملى ده هل

عرفته ظروفى ووافق عليها

محمود: يادى الظروف اللي انتى مسكنا

بيها يا بنتى دى كلها احتمالات ممكن

تحصل وممكن لا

عشان متتأخريش وصحى احمد عشان

تنزلوا سواا يالا اخلصى

فريدة: طيب يا ماما انا رايحة الشغل مش

عايزه حاجه

فاطمة : سلامتک يا حبيبتى ربنا يكتبلك فى

كل خطوة سلامة

نزلت فريدة

فيروز دخلت على احمد اوضته عشان

تصحيه

فيروز : اصحى يا فاااشل قوم يالا عشان

ننزل سوا

احمد بيصلها بعين واحدة: روحى انتى انا

مش قادر انزل الجامعه النهاردة

فيروز: قشطة براحتك انا عملت اللى عليا

*

*

خالد يعيش مع مامته واخوه ووالده متوفى

فى بيت خالد...

خالد: صباح الخير يا ماما

امينة: صباح الخير يا ابنى

خالد: ايه يا ماما مش قولتلك تصحينى بدرى

امينة: يا ابنى مانت راجع متأخر اوى امبارح
ونمت متأخر وقولت اسيبك تنام شوية اقعد

افطر

خالد: افطر ايه بقى يا ماما انا متأخر جداً

هفطر فى الشغل امال فىن ايمن

امينة: نايم

خالد: ليه معندوش حاجة

امينة: لا معندوش جامعة النهاردة عنده

كورس بالليل

خالد: ماشي مش عايزة حاجة قبل ما انزل

امينة: سلامتک يا نور عینی

ونزل خالد.....

*

*

فی شغل فريدة

نيرة: خير يا ديدا ضاربة بوزع الصبح ليه ده
حتى النهاردة سنة جديدة مش فرحانه ولا ايه

فريدة: بابا مُصمم ينكد عليا

نيرة: بباك يا فريدة ده مفيش حد بيحبك قده
ولا في حد في حنيتيه ولا طيبة قلبه

فریده: انا عارفة انه بيعمل كده من حبه

وخوفه عليا بس انا تعبت اوى يا نيرة

نيرة: اهدى بس وامتزعليش عشان خاطر ربنا

... هو كلمك فى جواز تانى

فریده: هو بيكلمنى فى غيره

نيرة: بس هما عندهم حق يا ديدا لازم يخافوا

عليك

فریده: انا مش هتجوز واحد عشان اتعسه

واظلمه معايا

نيرة: بصى يا ديدا يا حبيبتى انا مش مع انك

ترفضي بسبب الظروف دى انتى ممكن

تقولى مش عايضة اتجوز دلوقتى او مثلاً

تقابلى العريس وتقولى مش مرتاحه كده

مش هيكون فيه خلافات

فريدة: انتى صح يا نيرة انا بعد كده هعمل
اللى بتقولى عليه ده

*

*

فى بيت فريدة ...

جهزت فيروز واستعدت للنزول

فاطمة: انتى رايحة فين

فيروز: رايحة الديسكو ههههه هكون راичه

فين بس رايحة الجامعه

فاطمة: وفين حمادة

فيروز: قالى مش عايز انزل الجامعه النهاردة

فاطمة: نعم!!!! انا هصحيه

فيروز: استتنى يا ماما انا هروحله خليك انتى

دخلت فيروز اوضه احمد وبدأت تصحيه

فيروز:قوم يا احمد بدل ما ماما تجى تهزأك

احمد يا احمد اصحى ياااا انت

احمد:يادى النيلة ع احمد وسنين احمد عايزة

ايه من زفت

فيروز:قوم يالا اصحى عشان تروح الجامعه

يالا يا زفت بدل ما ماما تجيلك

احمد:خوفت انا كده يا خفة

فيروز:قوم يالا بجد كده هتأخر وعندنا

سيكشن مهم النهاردة

احمد:حاضر حاضر حااااااضر

احمد قام من السرير وفيروز كانت بتروقه

بدل مامتها

فيروز بعصبية ونرفزة وزعيق: يا ااااا احمد

انت يا استااااااااااا احمد

احمد جه عليها وبيزعق: في ايه يا متخلفة

انتى بتزعقى ليه

فيروز: ايه ده يا احمد ؟!!!!!!!!!!!!!!

احمد:..... ٢

واصل قراءة الجزء التالي

الحلقة الثانية

احمد: ايه ده جبتها منين !!!!!

فيروز: بتاعتك دى يا احمد !!!!!

احمد: ايه !!! لا مش بتاعتى

فيروز: وورينى كده (وقربت من احمد)

احمد: في ايه ابعدى عنى

فيروز:مش محتاجه اقرب انت ريحتك

سجاير وباين اوى انها بتاعتك

احمد:ووووووطى صوتك هفضحيني

فيروز:ولما انت عارف انها غلط وهتفضحك

بتشربها ليه

احمد:ملكيش دعوة يا فيروز

فيروز:من امتى يا احمد وانا ماليش دعوة

بيك

احمد:من النهاردة يا فيروز ملكيش دعوة بيا

مش معنى ان عملتك صاحبتى انك

تفتكرى نفسك واصية عليا

فيروز:لا يا احمد مش واصية عليك انا خايفة

عليك

احمد:وانا مش عيل يا ماما فيروز

مامتهم سمعت صوتهم العالی و جت عليهم

قالت: فی ایه یا اولاد بتخانقوا لیه

فیروز اول ما شافت مامتهم ارتیکت و خبت

علبة السجایر ورا ضرها عشان مامتها

متشوفهاش

وقالت : مفیث حاجه یا ماما ده حوار بینی

وبین احمد

فاطمة: لا فی حاجه وشكلها كبیره كمان انتوا

اول مرة تعلقو صوتكوا كده

احمد ساكت مش عارف یقول ایه فقررت

فیروز تخترع ای حاجه عشان خاطر احمد

وقالت: كل الحكاية انی فی واحده جت

اتعرفت علیا فی الجامعه واحمد بیقولی مش

كویسة بس كده

فاطمة:اخوكِ اكثر واحد يخاف عليكِ و على
مصلحتك اسمعى كلامه ويالا بقى اتأخرتوا
على كليتكوا

خرجت فاطمة واحمد بيبص لفيروز بخجل
لانها لبستها فى نفسها ومفتتتش عليه رغم
ان الدليل فى ايدها

فيروز بصت لاحمد بعتاب وزعل شديد
وقالتله : اتفضل علبة السجاير بتاعتك اهى
ومن النهاردة ماليش دعوة بيك ان شالله
حتى تشرب مخدرات . انا بس هستناك
عشان ننزل ادام ماما مع بعض عشان
متشكش اننا متخانقين

وخرجت فيروز من اوضة احمد وهى حابسة
دموعها بسبب كلام احمد ليها وبتقول
لنفسها :

ده احمد مش بس اخويا توأمى ده توأم
روحى وصاحبى وحبيبى اخص عليك يا
احمد هنت عليك تقولى كده وكل ده عشان
خايفه عليك واستنته ونزلوا من البيت
وراحوا الجامعه من غير اى كلام

*

**

*

فى شغل فريدة :

فريدة : الحقى يا نيرة الحقى

نيرة : فى ايه يا فريدة خستينى

فريدة:عينة الدم اللى ادتهالى دى صاحبها

مريض بالكانسر

نيرة: طب يا فريدة ربنا يشفيه المفروض
تكونى اتعودتى وتاخذى الامور دى عادى
يعنى

فريدة:يعنى ايه يبقى واحد المرض بياكل فى
جسمه وممكن يقضى عليه فى لحظة واخذ
الامور عادى

نيرة:فريدة اظن انتى انسانة مؤمنة وعارفة
ان ربنا اللى خلقنا وبيحبنا مبيأذناش واى
حاجه منه خير وبنحمده عليها سواء حلوة او
وحشة والمرض ده اكثر حاجه بتفيد الانسان
لانها لو ابتلاء ربنا هيكافئه ع صبره ولو عقاب
فده هيخفف من سيئاته فمتزعليش نفسك
دى حاجه بتاعة ربنا

فريدة : ونعم بالله بس انا بيصعب عليا
الناس اوى

نيرة:انتى اللى حساسة حبتين يالا بقى
خلينا ننجز الشيفت بتاعنا قرب يخلص)
الشيفت من ٩ الى ٤)

فريدة: اووووووه فكرتيني ده كنت ناسية
خالص

نيرة:ناسية ايه !!!!

فريدة:عايزة الحق المدير عشان اخذ اجازة
بكرة

نيرة:اجازة !! اجازة ليه

فريدة:بكرة ٢ فى الشهر يا نينو نسيتى ولا ايه

نيرة: اه صحيح طب الحقيه يالا

خذت فريدة اجازة .. وخلصت الشيفت بتاعها

هى ونيرة وروحوا سوا

*

**

*

في بيت خالد :

ايمن : ماما انا نازل ، ماما ماما مالك في ايه

امينة بتشاورله وبتتكلم بصوت يادوب

مسموع: مش عارفة يا ايمن ضغطي عالي

ايمن مش عارف يعمل ايه اتصل بخالد

ايمن : الو ايوه يا خالد تعالى بسرعة ماما

ضغطها عالي اوى وانا مش عارف اعمل ايه

خالد: طيب اديها دوا الضغط انا اصلاً خلصت

شغل وجاي في الطريق اهوه

وصل خالد البيت وكان معاه دكتور محمد
ابن خالته وكانت مامته ضغطها هدى شوية
بس لسه تعبانه

دكتور محمد فِضِل معاه يقيس الضغط كل
شوية ويديها ادوية ومحاليل لحد ما ضغطها
ظبط

خالد:ايه يا ست الكل خضتينا عليكِ ايه
زعلك وعلَى الضغط كده انت يا ايمن

ايمن : لا وربنا ما انا

امينة:اختك خلود وحشتنى اوى بقالى يومين
مسمعتش صوتها انا مش عارفه ايه كان
خلانا نوافق على الجواز دى ونسفرها بره
(خلود اخت خالد عندها ٢٤ سنة ومتجوزة
ومسافرة بره مصر مع جوزها)

خالد:يا امى يا حبيبتى هى بتحبه وسعيدة
معاه وناسية الدنيا وما فيها انتِ بقى
بتفكرى فى ايه

امينة:اختك عمرها ما بعدت عنى ومن يوم
ما ابوك مات وهى ما بتنمش بره حضنى
فجأه كده تسافر وتسيبنى

خالد: معلش يا ماما ما حنا معاكى اهوه ولا
انا وايمن يعنى. مش مكفينك

امينة: وهو حد تاغبنى ولا واجع قلبى غيرك

خالد: ليه بس كده

امينة: مانت مش عايز تجوز وتفرحنى بيبك
وبخلفتك نفسى افرح بيبك يا ابنى واشيل
عيالك

خالد/ يا امى انا عارف والله ومقدر بس

ابنك نفسه يتجوز واحده بيحبها

امينة: وانت يعنى لحد دلوقتى محبتش

خالد: للاسف يا ماما لسه انا محافظ ع قلبى

للانسانه اللى تصونى وتصون حبى وتكون

هى كمان محافظة على قلبها زي كده

ايمن: هههههه والله انت بتحلم البنات

دلوقتى كلها شمال

خالد: قصدك البنات اللى انت تعرفهم ماهو

الدبان هيتلم على ايه يعنى غير الزباله

ايمن: هههههه يعنى انا دبانه يا ابنى انت اللى

زيك انقرضوا ازاي واحد عنده ٢٧ سنه

ومهندس ومُز وشيك مش مظبطله ١٠ ولا

٢٠ بنت

خالد: يا ابنك ومُز؟! هههههه كبرت يا ايمن

بس كبرت زياده عن اللزوم بص يا ايمن لو

انت بتقول اختى اتجوزت واتسترت وانا

واثق ان خلاص حق بنات الناس مش
هيخلص فيها فانت غلطان لانك ممكن
تتجوز واحدة كانت بتعمل زيك ويمكن اكثر
ولو اتجوزت واحدة كويسة ممكن بنتك
تطلع شمال من الاخر ربنا مبيسبش حق
بنت مهما كان كما تدين تدان يا اخ ايمن
ايمن اتضايق من كلام خالد وقال : بيس
بيس انا نازل سلام ونزل

خالد: بقولك ايه يا حابه متجى نروح بكرة
المستشفى

امينة: مستشفى !! خير يا ضنايا انت تعبان
!!!!

خالد: لا لا مفيش حد تعبان انا عايز نروح
نطمئن عليك

امينة: ليه يا ابني مانا كويسة الحمد لله ولا

عشان ضغطى على شوية الدنيا اتهدت

خالد: يا ماما احنا هنروح نعمل فحص كامل

على كل حاجة وان شاء الله نداوم عليه كل

تلت شهر دى حاجه عاديه اطمئنان مش

اكثر

امينة: بس دى تكاليف ومصاريف يا ابني

خالد: مفيش حاجة تغلى عليك بكرة انا

هاخذ اجازة ونروح ان شاء الله

*

**

*

تاني يوم الصبح فى بيت فريدة... ..

محمود: يالا يا فريدة يا بنتى اتأخرنا كل ده

بتلبيسي

فريدة: خلاص اهو يا بابا انا جيت

محمود: طب يالا بينا

فاطمة: محمود فريدة متنسوش تظمنوني

فريدة: يااااااه يا ماما انتى لسه متعودتيش

فاطمة: بطلى هزار وطمنوني اول ما تخلصوا

محمود: ماشى ماشى يالا سلام ونزلوا

...

احمد صحى من النوم بس مستغرب ان

فيروز مجتش صحته ورخمت عليه كعادتها

فقام هو

فاطمة: صباح الخير يا حمادة اول مرة

تصحى من نفسك

احمد: هى فيروز فين

فاطمة : فى اوضتها لسه نايمه

دخل احمد اوضة فيروز وسحب كرسي
وقعد جنب السرير بتاعها

وقال: انا اسف يا زوزا بجد اسف انا مش
عارف قولتلك كده ازاي وعارف انك خايفه
عليا بس انا زي اي ولد في سني ده عادي
كلنا بنعمل كده

هنا قامت فيروز: لا يا احمد مش عادي
عشان انا وانت متفقناش على كده فاكر
واحنا داخلين الجامعه اتفقنا على ايه فاكر
وعدنا بعض بايه

مردش احمد فكملت: انا وعدتك اني مش
هصاحب ولاد ولا احب ولا اي حاجه من
العادي بتاع وانت وعدتني انك مش
هتصاحب بنات وتعلقهم بيك زي ما شباب
كثير بيعملوا انا وعدتك اني مش هعمل

حاجه غلط زى انى اشرب شيشة زى بنات
كتير وانت وعدتتى برضه صح

احمد: يا فيروز انا مش مُدخن انا كل فين
وفين كده بجرب سيجارة

فيروز: بص يا احمد انا من خوفي عليك
ممکن اعمل اى حاجه وانت لو مبطلتتش
السجاير دى هقول لبابا ماشي

احمد: احنا فينا من كده

فيروز: اه ... احمد: خلاص هبطلها قومى يالا
عشان نروح الجامعه

*

**

*

فى احدى المستشفيات الخاصة

دكتور القلب: يا فريدة يا بنتى ما تعملى
العملية وتريحى نفسك من كل التحاليل
والاشاعات الشهرية دى

(فريدة مريضة بمرض من امراض القلب
ممکن تخف بالعملية بس هى خايفه منها
ويتاخذ ادوية وتعمل متابعة شهرية
وخلص)

فريدة: لا يا دكتور انا كل ما اتخيل انى ممكن
اعمل عملية بحس بروحى بتتقبض
محمود: متحاولش يا دكتور مفيش فايده
ياما حاولنا معاها

الدكتور: براحتكوا انا بقول اللى فيه
مصلحتها ، عموماً انا كتبتلك كل التحاليل
والاشاعات المطلوبة وكمان رسم القلب
محمود وفريدة : شكراً يا دكتور وخرجوا

محمود:روحى انتى يا حبيبتى استنينى فى
ريسبشن المعمل لحد ما ادفع الفلوس
واجيب الوصل واجيلك

*

**

*

فى معمل المستشفى

خالد: ادخلى يا ماما وانا هستناكى هنا لحد
ما ياخدوا منك عينة الدم

دخلت امينة وانتظرها خالد فى الريسبشن ...
خالد قاعد بيلعب فى الموبايل وتقريباً
مفيش حد غيره

وهو مركز فى الموبايل باب ريسبشن
المعمل اتفتح ٤

واصل قراءة الجزء التالى

الحلقة الثالثة

دخلت دكتورة بتشتغل فى المعمل وقالت :

ايه ده مش معقولة خالد !!!!

خالد : مين ؟!!! ولاء !!! (ولاء جارة قديمة

لخالد)

ولاء : يااااه يا خالد وحشتنى جداً عامل ايه

وطنط امينة وايمن عاملين ايه

خالد : تمام الحمد لله كلنا بخير انتِ اخبارك

ايه وببائكِ ومامتك واخواتك عاملين ايه

ولاء: تمام الحمد لله بس بابا تعيش انت

خالد : البقاء لله ربنا يرحمه

ولاء: وخلود عامله ايه وحشاني اوى

خالد: خلود اتجوزت وسافرت مع جوزها

ولاء: بجد الف مبروك ربنا يسعدها

خالد: الله يبارك فيكِ بس انتِ بتعملى ايه

هنا

ولاء : انا بشتغل هنا دكتورة تحاليل

هنا دخلت فريدة اللي لفتت انتباه خالد جداً

لدرجة انه مكنش سامع ولاء بتقول ايه

بعد ما فريدة دخلت قعدت وكان بتقرأ فى

الملف الطبى بتاعها

ولاء لخالد : ايه يا خالد روحت فين كده انا

بكلمك

خالد: سورى يا ولاء معاكى

ولاء : معايا !!! طيب عن اذنك عشان عندى

شغل وابقى اسأل سلام

بعد ما مشيت ولاء

قعد خالد قصاد فريدة ومكنتش واخدة بالها
منه اصلاً لكن خالد مكنش قادر ينزل عينه
من عليها لدرجة انه سرح تماماً في كل
تفاصيلها لفتت انتباهه براءة وشها ودمعه
في عينها مش عارف دمعة فرح ولا حزن ومن
شدة سرحانه مخدش باله ان مامته خرجت
وكان زعلان جداً ان مامته خلصت ومضطر
يمشى بس هو عرف يتصرف

خالد/ماما تعالى اوديكِ كافتريا المستشفى
لحد ما اخلص حاجه في الحسابات

امينة/هتتأخر عليا

خالد/ لو تعبانه يالا اروحك يا حبيبتى

امينة/ لا يا ضنايا انا بس عايضة اروح عشان

اجهزلكوا غدا

خالد/ ريحى النهاردة وهنجيب اكل من بره

وصل خالد مامته الكافتريا ورجع على
المعمل وكان يقول لنفسه / يا ترى البنوته
دى بتعمل ايه هنا دكتورة ولا عيانه ولا ايه
وليه حزينه كده وياترى كانت سرحانه فى ايه
ولا مستنيه مين خيبة لا تكون متجوزه

وصل خالد المعمل بس للاسف ملقاش حد
... وهو ماشى سمع صوت بيقول : هههه
والله يا ديدا انتى غريبة امال لو مكنتيش يا
بنتى دكتورة كنتِ عملتِ ايه بس ..

كان صوت محمود بيكلم فريده

خالد مشى وراهم ... لحد ما وصولوا المكان
اللى بيتعمل فيه رسم القلب وقال لنفسه
/ اكيد ده بباها وعيان وهى بتجى معاها
عشان دكتورة والله وصبرت ونولت يا ااد يا
خالد بنت زى القمر ودكتورة ،، فووق يا اهل
ايه اللى بتقوله ده انت تعرف عنها حاجه

اصلاً وفاق على صوت فريدة بتقول / بابا

تعالى معايا متسبنيش لوحدى

هنا صُقع خالد وقال لنفسه / دى اكيد

عيانه لا لا ممكن بتعمل فحص طبي كامل

خلصت فريدة رسم القلب كل ده وخالد

مستنى ونسي مامته خالص ولما افكر انه

سايبها فى الكافتريا لوحدها جاتله فكرة وهى

انه خلى فريدة خارجة وخبط فيها مُتعمد

فطار فايل طبي من ايد فريدة اعتذر خالد

وناولها الفايل ومشى وطبعاً قدر يعرف من

الفايل اسمها بالكامل ورقم الفايل الطبي

بتاعها فى المستشفى

*

**

*

في الكافتريا ..

خالد/ انا اسف يا ماما اتأخرت عليكِ

امينة/ كل ده يا خالد

خالد/ معلش والله غصب عنى يالا بينا ..

ومشيوا

*

**

*

في جامعة احمد وفيروز..

ايداد(زميلهم في الكلية بس هو في ٥ صيدلة) :

لو سمحتى يا انسة

فيروز : افندم !!

ايداد : انا هنا معاك في الجامعة

فيروز : تشرفنا اى خدمة

اياد: بالراحة بس انا بس شوفتك كتير اوى

ومعجب بيك وعايذ اتعرف يعنى

فيروز: نعم!! ميرسي اوى بس انا

مبتعرفش

اياد: ولا بتصاحبي

فيروز مردتش عليه ومشيت وسابته لكن هو

فضل ماشي وراها وبيقولها كلام يضايقها

راحت عند احمد اخوها ونادته من وسط

اصحابه لانهم كانوا خلصوا وعايذة تروح

فيروز: يالا يا حمادة نروح انا زهقت

احمد: اصبري شوية يا زوزا هقعد مع

صحابي شوية ونروح

فيروز: انت شارب سجاير يا احمد (هى

شمت ريحته)

احمد لسه هيتكلم فيروز قائله : انا ماشية

سلام

ومشيت واياذ وراها : حلقك الواد هههه

والله تستاهلى عشان بتكدي قال

مبصاحبش قال هههههه ده انتى لافة ودائرة

وركبت فيروز التاكسي وروحت وهى بتعيط

بس مرضيتش تطلع غير لما احمد يوصل

عشان مامتها متشكش فى حاجه

*

**

*

فى بيت خالد

خالد قاعد سرحان ومشغول بفريده وكل

شوية يقول اسمها كأنه بيحفظه ودخلت

عليه مامته وهو بيقول لنفسه بصوت على :

اسمها فريدة وهى فعلاً فريدة اول مرة بنت
تشدنى كده

امينة / ايه يا خالوود بتكلم نفسك

خالد : الظاهر كده انى اتجننت هههههه

امينة : بعد الشر عليك ، قولى مين دى اللى
شدتك

خالد : بنوتة يا ماما زى القمر كلها براءة
وطفولة وعفوية شوفتها النهاردة فى
المستشفى

امينة / ودى تعرف عنها ايه

خالد / ولا اى حاجة يا ماما

امينة / يعنى يوم ما تعجبك واحدة تطلع
متعرفش عنها حاجه

خالد / انا عارف ايه الحظ ده

امينة / طب يا ابني دورلك على واحدة تانية

خلينى افرح بيبك

خالد / مش عارف يا ماما اصل البنت دى

شاغله تفكيرى خالص وان شاء الله هعرف

اوصلها

امينة / ربنا يوفقك

*

**

*

فى بيت فريدة :

فيروز فضلت مستنية احمد فى مدخل

العمارة عشان متدخلش من غيره وهنا

وصل بياها واختها

فريدة : فيروز ايه يا حبيبتي فى ايه مالك

قاعده كده ليه

محمود : انتِ متخائفة مع مامتك

فيروز : لا مفيش حاجة انا مستنية حمادة
راح يصور ورق مهم لازم نذاكره النهارده

محمود : تقومى تستنيه هنا ماتطلعى فوق
قومى يالا

فيروز : مانا يا بابا خوفت اطلع لوحدى ماما
تتخض عشان متعوده اننا بنرجع سوا
فريدة بصوت واطى: مالك يا فيروز شكلك
معيطة

فيروز : هقولك لما نطلع

طلعوا ودخلوا الشقة

فاطمة : حمد الله على السلامه ، ايه ده

فيروز ؟ فين احمد اخوك

فيروز : بيصور ورق وهيچى

دخلت فيروز وفريدة اوضتهم

فيروز بعنت مسج على الموبايل لاحمد
عشان تفهمه اللي حصل

فريدة : مالك يا فيروز شكلك مخطوف كده
ليه

فيروز : مخنوقة اوى

فريدة: طب احكىلى مالك

فيروز: واحد زميلى فى الجامعة عاكسنى
النهاردة وقالى كلام كتير مستفز وخارج

فريدة: طب مقولتيش لاحمد ليه

فيروز: احمد عصبى وهيروح يتخانق معاه

وممكن الموضوع يكبر وده عيل تافه

ميستهلش

فريدة: طب بصى يا زوزا يا حبيبتى انت
متحاوليش تحتكى بالواد ده والمكان اللى
موجود فيه متقفيش فيه ولا تدخله اصلاً
وان اعترض طريقك كملى ومتوقفيش اوك
يا حبيبتى

فيروز: ماشي يا ديدا ، اه صحيح عملتوا ايه
فى المستشفى

فريدة : زى كل شهر يا زوزا

فيروز : ما تعملى العمليه يا فريدة خايفه
من ايه احنا كلنا معاك وحواليك

فريدة : خايفه تكون سبب انى مكونش
معاكوا وحواليكوا

فيروز: بعد الشر متقوليش كده ، وبعدين
انت عارفه ان الموت ده بتاع ربنا والواحد

ممکن یموت وهو نایم فی سریره من غیر
عملیة

فريدة : ههههه ایه حکایتک انتِ ونیره انتِ
تدینى محاضرة عن الموت وهى تدینى
محاضرة عن المرض والرضى بالقضاء
والقدر

فیروز : نیره ؟ یااااا انا مشوفتهاش من زمان
اوى

فريدة : خلاص نستأذن ماما ونزورها النهارده
باللیل

فیروز : اوك ماشى

-----*

-----**-----

*-----

فی احدى الكافتریات

ايمن : ايه يا عم مالك سرحان كده فى ايه
كده

اياد : فى بنت معايا فى الجامعة عجبانى اوى

ايمن : انت بتحب ياااد هههههههه

اياد : حبك بُرص بقولك عجبانى عايز
اصاحبها

ايمن : طب متصاحب حد ماسك فيك

اياد : بُص بصراحه عمرى ما سمعت حد
بيتكلم عليها كلمة ومشوفتهاش بتكلم ولاد
الا ولد واحد معرفش ييقالها ايه

ايمن : تصدق يالا انك حمار ، متسأل حد من
صحابها مين اللى هى ماشيه معاه

اياد : ايوة صح انت صح

ايمن : طول عمرى صح بس على فكرة لو
سألت عليها هتلاقى عدادها مهرى ههههههه

اياد : بقولك مبتكلمش حد خالص

ايمن : هو انا اللى هفهمك يا اياد ما نص
البنات مبتكلمش حد فى مكان دراستها او
شغلها عشان الناس تقول عليها محترمة
ومقضيهاها بره

اياد : اياً كان يعنى هو انا هتجوزها

*

**

*

بالليل فى بيت نيرة... ..

فيروز وفريدة لسه هيضربوا الجرس سمعوا

صوت نيرة على (بتكلم الموبايل)

نيرة : حراااااام عليك بقى عايز ايه مش

كفايه اللي عملته

نيرة : خلاص انا مبقتش عايضة منك اى

حاجه ولا تزورنى ولا ازورك خليك فى اللي

انت فيه

فريدة لفيروز: الظاهر كده ده مش وقت

مناسب للزيارة يالا نروح

فيروز: طب استنى اكلم احمد يرجع ياخذنا

يارب مايكون بعيد ٢

واصل قراءة الجزء التالي

الحلقة الرابعة

فى شغل خالد

خالد : بقولك يا ادهم (ادهم مهندس

صاحب خالد ومعاها فى نفس الشغل)

ادهم : ههههههه عارف انها دكتورة وعارف
اسمها بالكامل ورقم الملف وبتقول
معرفش عنها حاجه

خالد : يا عم هتساعدنى ولا لا

ادهم : يا معلم انا مهندس ومفيش دكاترة
اعرفهم شغالين هناك متسأل محمد ابن
خالتك مش هو دكتور اكيد يعرف حد

خالد مستناش واتصل بمحمد ابن خالته
وسأله وحكاله نفس القصة اللي حكاهها
لادهم

محمد : انا ليا دكتور صاحبى شغال هناك
بس ده دكتور باطنه

خالد: يا محمد ماهو اكيد يقدر يعرف اى
معلومات بحكم انه شغال هناك

محمد: اوك ادينى رقم الملف واسمها

خالد اداله الاسم ورقم الملف وقاله : انا
متأكد من الاسم بس رقم الملف ممكن
يكون مش صح

محمد : اوك لو عرفت حاجه هكلمك سلام

-----*

-----**-----

*-----

في شغل فريدة ..

فريدة : ايه يا نيرة اخرك كده

نيرة : مكنتش جاية اصلا

فريدة : انا بكلمك طول الليل موبايلك

مقفول

نيرة : انا كنت قفلاه عشان بابا ميكلمنيش

(نيرة عايشة مع جدتها مامت مامتها)
ومامتها متوفيه وهى تلت سنين وبباها
اتجوز على طول ومن يومها وهى عايشة مع
جدتها وهى اللى ربتها)

فريدة : هو لسه عايزك تروحي تعيشى معاها
نيرة : اعيش معاها ههههه ، بابا عمره ما كان
عايزنى اعيش معاها اصلاً وان كان بيعزم عليا
اروحله فده عشان يكون عداه العيب

فريدة : امممممم

نيرة : عارفة يا فريدة انا عمري ما حسيت انه
ابويا جدتى هى امى وابويا واختى وصاحبتى
، انا مش فاكرة ماما اصلاً بس من صورها
جدتى نسخه منها وانا معرفش اى ام او اب
غير جدتى

فريدة : ربنا يخليها لك يارب

نيرة : يارب ، ماما دائماً بتقولى الميزة
الوحيدة فى انى اتجوزت بدرى هى انى بقيتلك
ام

فريدة : ربنا يخليكوا لبعض دائماً
نيرة : ابويا دائماً بقى يكلمنى عشان جايبلى
عديس كلهم كبار فى السن ولو مش كبير
يبقى ابن صاحبه يعنى جوازات كلها مصالح
عشانه

فريدة : وهو كلمك امبارح عشان كده
نيرة : اه وانا قولتله ميكلمنيش تانى ومش
عايزة اعرفه

فريدة ملقيتتش حاجه تقولها فسكتت

*

**

*

في جامعة احمد و فيروز :

احمد : طيب يا فيروز انا هروح اقعد مع
صحابي شويه لحد معاد السيكشن

فيروز : لا يا حمادة بلاش والنبي خليك معايا

احمد : في ايه يا فيروز هو انتِ صغيرة

فيروز : خلاص يا احمد روح

فيروز راحت لاصحابها كان واقف معاهم
بنت متعرفهاش

فيروز لاصحابها : يالا حظى بقى هقضى
معاكوا الوقت لحد السيكشن ما يبدأ

البنت دى : ليه هو المُز نفضلك

فيروز : مُز !!!!! هو مين حضرتك

هاجر(واحدة من صحاباتها) : دى رغدة لسه
متعرفين عليها من شوية ودى فيروز

رغدة: هاى يا فيروز مين بقى القمر ده

فيروز: ده اخويا توأمى

فضلوا يتكلموا شوية وبعدين طلعا

السيكشن

اياد: هاااا يا رغدة عرفتِ عنها حاجه

رغدة: اسمها فيروز فى سنة تالته ومتفوقه

ومحترمة وبباها دكتور ومش لونك خالص

على فكرة

اياد : ايه الهبل اللى بتقوليه ده يا رغدة انا

مالى متفوقه ولا محترمة مين الواد اللى

دايماً معاها ده

رغدة: اخوها توأمها يا سيدى

اياد: اخوها !!!!!

*

**

*

في عيادة دكتور محمود:

التليفون رن ...

المُتصل : سلام عليكم يا دكتور محمود

محمود: وعليكم السلام يا مصطفى عامل

ايه

مصطفى: زعلان منك انا مكلمك في خطوبة

بنتك من اكثر من اسبوع وانت مردتش عليا

محمود: والله يا مصطفى انا لسه مكلمها

اول امبارح بس

مصطفى : هاللا وايه الاخبار مش خير

محمود : معلش يا مصطفى ادينى فرصة
اسبوع بس

مصطفى : ماشي يا محمود بس يارب
ماستناش على الفاضى

محمود : ان شاء الله خير

-----*

-----**-----

*-----

بالليل فى بيت فريدة ...

محمود: مصطفى كلمنى النهاردة يا فاطمة
ومعرفتش اقوله ايه

فاطمة: قوله ان البنت مش موافقة

محمود: طب ادينى سبب يخلينى اقول
للرجل انها رافضه ابنه

فاطمة: اياً كان السبب يا محمود مش

هنجوز البنت غصب عنها

محمود: وليه ميكونش بريضاها

فاطمة : وهو حد قادر يقنعها

محمود: المفروض دى مهمتك يا ام احمد

فاطمة : هحاول معاها تانى وربنا يسهل.....

دخلت فاطمة الاوضه على فريدة و فيروز

كانت فيروز بتذاكر وفريدة قاعده فى البلكونة

فاطمة: ايه يا فيروز مبتذاكريش مع حمادة

ليه

فيروز: ماليش مزاج

فاطمة: ايه الجزمة والشراب اتخانقوا

ههههههههه

فيروز: لا بس هو مش عايز يذاكر

فاطمة: طيب فين فريدة

فيروز: في البلكونة

فاطمة : قاعدة لوحك ليه يا حبيبتى

فريدة: ماهو فيروز بتذاكر واحمد على النت

وحضرتك وبابا قاعدين مع بعض

فاطمة : طب انا جاية اقعد معاكى ولا عندك

مانع

فريدة: لا يا ماما طبعاً اتفضلى

فاطمة : هو انتِ يا ديدا عمر كده ما كان فيه

مشاعر ليكِ ناحية اى حد

فريدة: لا يا ماما انا متحكمة في قلبى

ومشاعرى

فاطمة : متحكمة ولا لاغيه

فريدة : اياً كان انا مرتاحة كده

فاطمة : بس احنا مش مرتاحين وعايزين

نظمن عليكِ

فريدة : هو مفيش حاجه تتظمنكوا عليا الا

الجواز

فاطمة: طب فهميني يا بنتى السبب

فريدة : رغم انى قولتلك السبب مليون مرة

بس هقولك تانى انا معنديش استعداد اظلم

حد معايا واتعسه انا واحدة مريضة واقل

مجهود بيتعبنى يعنى حتى لو اتجوزت

ممكن مخلفش الفرحة الزايدة ممكن

تموتنى والزعل الجامد ممكن يموتنى غير

الادوية الغالية اللى مش اى حد يقدر على

مصاريفها دى حياة حد يقدر يستحملها

مهما كان مين (وعلقت)

فاطمة: بس يا بنتى متعيطيش

فريدة: مانتوا مُصممين تجرحوني بالكلام عن

الجواز وتفكروني بعجزى

فاطمة: متقوليش كده يا فريدة وبطلى عياط

عشان خاطر امك

وحضنتها فاطمة ...

*

**

*

فى الكافتريا

اياد: انا سألت على البت

ايمن: بت مين اللى حكلى عليها امبارح

اياد: ايوة

ايمن: ههههههه انت لحقت ده انت واقع

اياد: يووووووه انا جزمة انى اتكلمت معاك

يالا انت

ايمن: خلاص يا عم انت هتمثل كمل

اياد: الواد طلع اخوها وييقولوا محترمة

ايمن : ماهى ياد محترمة فى الجامعه عشان

اخوها معاها افهم يا جحش

اياد: ممكن بس المشكله هصاحبها ازاي

واخوها معاها فى الجامعه

ايمن: يا عم سهيله صاحبها واتقابلوا بره

الجامعه هههههههه انت معقدها كده ليه+

*

**

*

فى بيت خالد ...

امينة: خالد محمد ابن خالتك على التليفون

خالد: ايوة يا محمد اذيك

محمد: تمام الحمد لله موبايلك مقفول ليه

خالد: تلاقيها الشبكة ، طمنى هاللا ايه الاخبار

محمد: صاحبي جاب اللي يقدر عليه من

معلومات بس في كام حاجه مهمة

خالد: يا عم انجز انا مستنيك من ساعة ما

قفلنا

محمد : اسمع يا باش مهندس +

واصل قراءة الجزء التالي

الحلقة الخامسة

محمد: اسمع يا باش مهندس .. هي اسمها

فريدة طبعاً عارف

محمد: بتروح المستشفى كل شهر يوم ٢ في
الشهر تحديداً عشان تتطمئن ان الحالة
مستقرة بصراحة كان ممكن اجبلك عنوانها
ورقم تليفونها بس صاحبي مرضيش عشان
دى اسرار عملاء

خالد: اها تمام يعنى هى يوم ٢ في الشهر
الجاي هتروح المستشفى

محمد: اه بس لو مجبتش نتيجة التحاليل
والاشاعات من انت ممكن تروح
المستشفى تجيهم بس اضمن حاجة انك
تروح الشهر الجاي

خالد: طب يا محمد ايه ابعاد المرض ده

محمد: هو مشكلته في الازمات يعنى ممكن
الفرحة الشديدة او الزعل الشديد يؤدي الى
ازمة قلبية وممكن الازمة تؤدي الى وفاة

كمان مرضى القلب ميقدروش يعملوا
مجهود شاق واغلب الستات المصابين
بالقلب مبيقدروش يخلفوا عشان ضغط
فترة الحمل والولادة ده غير

خالد يقاطعه: خلاص يا محمد كفايه عقدت
اهلى

محمد: طيب هروح انا عشان عندى شغل
وطمنى لو فى جديد
خالد: اوك سلام

-----*

-----**-----

-----*

فى بيت نيرة :

جدتها كوثر : نيرة ابوكِ كلمنى النهاردة
وعايزك تروحي تقعدى عنده كام يوم

نيرة: مش عايزة يا ماما اروح عنده

كوثر: بس لازم يا بنتى تروحيله ده مهما كان
ابوكِ وليكِ اخوات منه وهما اللي هيقولك

نيرة: اذا كان ابويا مبقاليش تفتكرى اخواتى
هما اللي هيقولى وبعدين انا مبحبش مراته

كوثر: عشان خاطر امك روحيله

نيرة: خاطر ك على راسي من فوق بس
برضه مش هروح

كوثر: بس هو كده هيقول ان انا اللي
منعاكى

نيرة: يقول اللي يقوله

كوثر: يا نيرة يا بنتى

نيرة: عشان خاطرى يا ماما لو بتحبينى
متتكلميش معايا فى الموضوع ده تانى

كوثر : حاضر يا بنتى زى ما تحبى

*

**

*

تانى يوم الصبح فى جامعة احمد وفيروز :

اياد لفيروز : صباح الخير

فيروز قامت مشيت لكن اياد اعترض
طريقها وقالها : انا اسف على كل الكلام اللى
قولته ليك المرة اللى فاتت بجد مكنش
قصدى

فيروز : اوك عن اذنك

اياد: استنى بس انتِ ليه مش عايضة تدينى
فرصة

فيروز: انا مبيدش حد فرصة ومحبش
الاسلوب ده ولا الطريقة دي ممكن بعد
اذنك تسبني امشى

هنا احمد شاف فيروز واياك واقفين مع
بعض وقرر انه يتصرف من غير ما يسبب
احراج لفيروز

احمد: سلام عليكم ، ايه يا فيروز مش يالا
عشان السيكشن

فيروز بارتباك : اه اه يالا

احمد: طب مين الكابتن مش تعرفيني

ايداد : انا ايداد يا معلم معاكوا هنا في الجامعة

احمد : اهلاً انا احمد اخوها عن اذنك يالا يا
فيروز

بعد ما مشيوا

احمد : كان عايز ايه

فيروز : معرفش فضل يقول كلام كده

مفهمتوش فكك

احمد : اوعى يكون بيعاكسك او بيضايقك

فيروز : لا يا احمد متخافش

احمد : طب ممكن متقفيش معاه تانى لا هو

ولا اى ولد فى الجامعه

فيروز : وانا من امتى يعنى بقف مع حد هو

كان بيسألنى على حاجه مش اكثر

دخلوا السيکشن

*

**

*

فى شغل خالد :

*

**

*

في عيادة دكتور محمود

محمود يتصل بـ مصطفى

محمود : سلام عليكم ايه اخبارك يا

مصطفى

مصطفى : الاخبار عندك انت

محمود: معلىش يا مصطفى كل شىء نصيب

وياريت ده مياثرش على علاقتنا كاصدقاء

مصطفى : لا طبعاً يا محمود كل شىء قسمة

ونصيب اسيبك بقي عشان شغلك مع

السلامه

*

**

*

في خلال هذا الشهر

خالد : تفكيره كله في فريدة لدرجة لا ياكل
ولا ينام وامه اتخانقت معاه بسبب ضعف
صحته

فريدة : تعيش حياة طبيعية تروح الشغل
وتحاول تكون في حالة نفسية افضل عشان
صحتها

احمد : للاسف مبطلش السجاير وفيروز
بتتخانق معاه كتير

فيروز : حزينة جداً على اخوها وخايفه عليه
وبتحاول تقنعه يبطل السجاير

نيرة : طول الشهر ابوها بيتصل عليها وهى

مبتدش

ايد : بيحاول مع فيروز واتعلق بيها بسبب

رفضها ليه

-----*

-----**-----

*-----

النهاردة ٢/٢

فى بيت فريده ..

محمود: معلىش يا حبيبتى مش هعرف ارواح

معاك النهاردة

فريده: لا يا بابا عادى انا مش صغيرة وبعدين

الشهر ده مش هعمل رسم القلب اللى

بحتاجك معايا فيه هما شوية تحاليل مش

اكثر

محمود: ماشي يا بنتى خدى بالك من
نفسك وطمينينى عليكِ اول ما توصلِ واول
ما تخلصى

فريدة : حاضر يا بابا

ونزلت فريدة

*

**

*

فى المستشفى

من الصبح بدرى راح خالد المستشفى
وفضل مستنى بس محدش جه لكنه
مفقدش الامل وقال لنفسه: والله ما
همشى من هنا الا لما اشوفها انا مستنى
اليوم ده بفارغ الصبر

للاسف استنى كثير وكان مضطر يمشى
وفجأة ظهرت ولاء

ولاء: ايه ده انت تانى هنا .. بتعمل ايه كده

خالد: ايه !! جاى مع واحد صاحبى انتِ
بتعملى ايه هنا

ولاء: انت نسيت انا قولتلك بشتغل هنا

خالد: اهاا اوكى عن اذنك عشان اتأخرت

ولاء: استنى بس هات موبايلك ده (وخذت
الموبايل من ايده ورننت على رقمها وسجلت
رقمه)

ولاء: كده انت معاك رقمى سجله بقى
وهستناك تكلمنى

خالد: ان شاء الله سلام

ولسه هيخرج عشان يمشى دخلت فريدة ،
خالد قدر يهرب من ولاء و متشوفوش ،خالد
مكنش مصدق نفسه وقلبه كان بيدق
بسرعة ومكنش عارف يتصرف ازاي بس
جاتله فكرة

خالد: انسه فريدة صح ؟

فريدة : حضرتك تعرفنى !!

خالد : يعنى

فريدة : يعنى ايه يعنى ما هو لا تعرفنى لا

متعرفنيش

خالد: انا عارف بياك و كنت عايز اطمن عليه

لانه اول مرة ميجهش معاك

فريدة : اهاا بابا كويس عنده شغل مهم في

العيادة النهاردة عشان كده معرفش يجي

معايا

خالد: طب الحمد لله انى اتطمنت عليه
حضرتك مش عايضة اى حاجه اعملهالك

فريدة : لا متشكرة عن اذنك

خالد: اذن ايه استنى بس

فريدة : فى ايه

خالد : فى ان دكتور محمود والدك جمايه
مغرقانى وانا مش هسيبك الا لما تخلصى
كل اللى انتى جايه تعمليه

فريدة : لا متشكره

خالد : مفيش متشكره ومفيش رفض ،

نسيت اعرفك بنفسى خالد ٢٧ سنه

ومهندس معمارى

فريدة : اهلاً وسهلاً

فريدة راحت للدكتور اللي متابعه معاها
ودخلت عنده بس خالد مدخلش معاها وبعد
كده راحت عملت التحاليل كل ده وخالد
معاها وكان بيخلص لها كل حاجة اول باول
ودار بينهم الحوار ده ///

خالد: معلش لو بتدخل بس هو اللي عندك
ده مينفعلوش عملية

فريدة : لا ينفع بس انا خايفة اعملها انا
مرتاحة كده

خالد بابتسامه عريضة: ربنا يريحك كمان
وكمان .. وفي سره : ويريحني انا كمان

فريدة : اوك انا كده خلصت كل حاجة ولازم
امشى فرصة سعيدة جداً

خالد: انا اسعد ، بس ممكن رقم موبايلك !!!

فريدة : لا طبعاً عن اذنك

ومشيت فريدة وجالها تليفون من نيرة

نيرة بتبكى : الحقينى يا فريدة

فريدة : مالك يا نيرة فى ايه

نيرة : بابا جه هنا وكان عايز يا خدى معاه

بالعافيه وضربنى يا فريدة

فريدة: طب اهدى يا نيرة وبطفى عياط انا

جياالك حالاً

انفعلت فريدة جداً عشان زعلت على

صاحبته واغمى عليها

خالد كان مراقبها من بعيد واول ما وقعت

راح جرى عليها وشالها ودخلها المستشفى

تانى

اسعفوها ونقلوها لغرفة الافاقه

واول ما فريدة فاقت اتصدمت من اللي

شافته+

واصل قراءة الجزء التالي

الحلقة السادسة

فاقت فريدة ولقيت خالد قاعد جنبها

وماسك ايدها اول ما شافته اتخضت وهو

كمان اتحرج فساب ايدها وبعد شوية

فريدة: ايه ده انت بتعمل ايه هنا !!!!

خالد بارتباك: مانا اللي جبتك من بره لما

اغمى عليك

فريدة : اغمى عليا !! ايوة صح نيرة لازم ارواح

لنيرة حالاً

خالد : اهدى بس الدكتور قال لازم تستدريحي

فريدة : لحظة لحظة ، انت دخلتني بعد ما
اغمى عليا لكن انت ايه مقعدك معايا هنا
وازاى

خالد يقاطعها : بصى انا هفهمك بس من
غير ما تتعصبي

فريدة : تفهمنى ايه

خالد : انا معرفش بياك وجيت النهاردة
مُتعمد عشان اشوفك واتكلم معاك وانا
اللى اخترعت قصه انى عارف بياك

فريدة : وانت تعرفنى من فين والتفاصيل
الكثير دى اللى عرفتها عنى عرفتها منين

خالد:هحكيلك ، انا كنت هنا الشهر اللى فات
مع والدتى وشوفتك فى ريسبشن المعمل
لفتى انتباهى جداً وأُعجبت بياك و.....

فريدة : ايه اللى انت بتقوله ده انت مجنون

خالد : ممكن تسبينى اكمل ، يومها فضلت
ماشى وراكِ فى كل حته تروحها لحد ما
خلصتِ رسم القلب وانتِ خارجه انا خبطت
فيكِ مُتعمد ولما الملف الطبى طار وانا
ناولتهولك قرئت اسمك من عليه ورقم
الملف وكلفت واحد صاحبي شغال هنا
يعرفلى اى تفاصيل عنك وعشان خصوصية
العملاء عرفنى انتِ بتيجي هنا ليه وامتى

فريدة (متنحة) : نعم !!!!!!!

خالد : بُصى يا فريدة انا مش هقول بحبك
لانى هبقى كداب انا مُعجب بيكِ اعجاب
شديد وبجد نفسي اعرفك اكثر ومفيش
مانع يعنى لو حيينا بعض واتجوزنا
فريدة بارتباك : انت مجنون صح قول عادى

خالد : خلاص نتجوز وبعدين نعرف ونحب

بعض براحتنا

فريدة : لا بجد انت مجنون

خالد : انا من يوم ما شوفتك وانا فعلاً

اتجننت بصى بقى انت اغمى عليكِ عشان

ربنا بيحبني ومكتوبلى اقولك كل الكلام ده

والمفروض نتعرف وهنتعرف ومش هطلب

منك رقم موبايلك عشان متحرجنيش انتِ

هتدهولى من نفسك

فريدة : اطلع بره

خالد : نعم !!!!

فريدة : بقولك اطلع بره

خالد : ماشي هطلع بس على فكرة ليكِ حق

متصدقيش بس انا مش بكذب

وخرج ... ودخل تانى قالها : بس انا وراك لحد

ما تصدق هيه وخرج تانى

فريدة كلمت بياها وجالها المستشفى اخدها

منها ولقى الحساب مدفوع طبعاً استغرب

بس فريدة كانت عارفة مين اللي دفعه بس

متكلمتش

خرجت فريدة وبياها مسندها وركبوا العربية

وطلعوا على البيت وخالد وراهم وبكده عرف

عنوان بيتها ...

*

**

*

فى بيت فريدة :

فاطمة (بتعيط):يا حبيبتي يا بنتى مش
قولتلك يا محمود متسيبش البنت تروح
لوحدها

محمود : وانا كنت عارف ان كل ده هيحصل
فريدة : يا جماعه متخانقوش انا كويسة اهو
الحمد لله كل ده وارد يعنى

فاطمة(بتعيط): كويسة ازاي بس ده انتى
لونك مخطوف وبعدين يعنى ايه يُغْمى
عليك وميكونش معاك حد

فريدة: يا ماما اهدى عشان خاطرى اعتبرى
ده حصل وانا فى الشغل مانا هكون لوحدى
برضه

فاطمة : طب ممكن اعرف بقى ايه اللى
زعلك

فريدة : يالهووى ده انا نسيت نيرة خالص

فاطمة : متغيريش الموضوع ايه اللي زعلك

فريدة : يا ماما نيرة عندها مشكلة ولما
كلمتنى وهى بتعيط زعلت عليها اوى
واغمى عليا معلش يا ماما ممكن تناولينى
الموبايل من الشنطة اكلهما

فريدة اتصلت بنيرة ...

نيرة : لسه فاكرة يا فريدة متشكرة اوى
فريدة : والله يا نيرة اغمى عليا بعد ما قفلت
معاك ودخلت المستشفى ولسه خارجه
حالا

نيرة : مستشفى !!!! طب انا جيالك حالا مش
انتِ فى البيت

فريدة : اه

نيرة : طب انا جاية سلام

*

**

*

في بيت خالد :

خالد : ماما يا ماما

امينة : ايه يا بنى في ايه

خالد : لقيتها يا ماما

امينة : هي ايه دي

خالد : البنت اللي كانت عجباني ، لقيتها
واتكلمت معاها يااااه يا ماما انا فرحان اوى

امينة : ربنا يفرح قلبك كمان وكمان ، هااا

بقى هنروح نخطبها امتى

خالد : نخطب ايه يا ماما لسه بدرى

امينة : بدري ليه بقى مش بتقول اتكلمتوا
يعنى اتفقتوا

خالد : بُصى ادعيلي انتِ بس وكله هيبقى
تمام انا هروح اكلم ادهم
خالد اتصل بادهم ...

خالد: ايوة يااد لقيت البنت

ادهم : ازاي

خالد حكى لادهم كل اللي حصل

ادهم : طب تمام اديك عرفت بيتها ادخل من
الباب بقى

خالد : لا يا عم انا بس اتأكد انها موافقة بدل
ماحرج امى واحرج نفسي مع الناس

ادهم : امممم تمام بس هتقنعها ازاي

خالد : اولاً انا عايزك تاخدلى اجازة اسبوع من

بكرة

ادهم : اسبوع ليه كل ده

خالد : عشان هالبدلها قدام بيتها

ادهم : تصدق يالا انها عندها حق وانك

مجنون فعلاً

خالد : مجنون مجنون المهم اتجوزها

ادهم : خلاص هخدهالك اى حاجه تانية قبل

ما انام

خالد : لا يا معلم متشكر سلام

*

**

*

فى بيت فريدة ...

نيرة : انا مبقتش عارفة اعمل ايه مع ابويا

مش عارفة عايز منى ايه

فريدة : نيرة ده مهما كان بياك وله حق فيك

نيرة : وفين حقى انا لما رمانى وانا تلت

سنين وراح اتجوز ومرضيش حتى ياخذنى

اعيش معاه ده كان مبيوافقش انى اروح

ازوره خميس وجمعه كان يقولى لا متجيش

او يقول لاماما لا متبعتيهاش انا هاجيلها

وكان بيجى يعقد شوية ويمشى متفكرنيش

وعيطت

فريدة : اهدى يا حبيبتي كل اللى بتحكيه ده

كويس وتمام وعندك حق بس ده ميمنعش

انه ابوك

نيرة : عيزانى اعمل ايه يعنى

فريدة : ابطليله حفته وروحيله يمكن هو
مستحملش او مراته مستحملش ويقولك
امشى ساعتها مش هيقدر يقولك تعالى تانى
نيرة : تصدق فكرة حلوة اوك انا هعمل كده
فريدة: عايزة احكيلك على حاجه مهمه)
وحكت فريدة لنيرة كل اللى حصل مع خالد
(

نيرة:ده بيحبك اوى يا ديدا

فريدة : حُب ايه يا بنتى هو بنفسه قال انه
مبيحبنيش هو مُعجب وعايز يتعرف مش
اكثر

نيرة: تمام بس هو برضه اللى قال انه عايز
يتجوزك بُصى من وجهة نظرى هو بيحبك
بس خاف يقولك كده لانك اكيد هتكديه
ماهو ميعملش كل ده الا اذا كان بيحبك

فريدة: كبرى دماغك اصلاً الموضوع كله

مش فى دماغى

نيرة: ليه بس

فريدة بصت لنيرة زى ما تكون بتقولها مش

هنعيده تانى وسكتوا ...

-----*

-----**-----

*-----

فى بيت خالد :

ايمن : الا يا واد يا اياد عملت ايه مع البت

اياها

اياد : هاءا ايه !! هانت هانت

ايمن : يعنى اتصاحبتموا ولا لسه

اياد : على وشك

ایمن باستهزاء : علی وشك ههههه طب ربنا
معاك

ایاد: ما تیجی یاد نازل شویة هو انا جای من
بیتنا عشان اقعد فی بیتکوا

ایمن : مالیش مزاج انزل

ایاد: یا عم تعالی نشیش وهنطلع تانی علی
طول

ایمن : نشیش !! بیس هغیر هدومی

بعد ما لبس ونازل ...

خالد: رایح فین یا ایمن

ایمن : نازل مع ایاد فی مشوار

خالد : فین یعنی

ايمن قرب من خالد وقاله بصوت واطى :
محبكتش تعمل فيها ابويا قدام اياك لما
ارجع هقولك

خالد: طيب متتأخرش ومتسهرش بره
اياك: والله هو مكنش عايز ينزل انا اللى
غصبت عليه وعموماً مش هنتأخر

ايمن : شوفت

خالد: ماشي يالا انزلوا

تليفون خالد رن ..

المُتصل عبدالله صاحب خالد : الو ايوة يا
خالد متجى نخرج شوية

خالد: ايوة يا عم هنروح فين

عبدالله: اى داهيه ان شاء الله نلف بالعربية

خالد: اوك شوية وهعدى عليك

عبداللّٰه:طب متجيب ادهم معاك

خالد: ادهم بينام بدرى

ونزل خالد.....

*

**

*

خالد وعبداللّٰه فى العربيه

خالد: هنروح فين

عبداللّٰه: انا كلمت هشام ويحىى ومستيننا

فى الكافيه

خالد:اوكى تمام خلىنا نلعب بلاى ستيشن او

حتى كوتشينة

وراحو الكافيه وقعدوا وبعد شوية سمع

خالد صوت ايمن

بص حوالیه وشافه وهو بیشیش هو وایاد
ومعاهم بنتین

حب یعرفه انه شافه بس من غیر میحرجه
فراح عنده

ایمن اول ما شافه ارتبک : خاالد انت بتعمل
ایه هنا

خالد : انا هنا مع اصحابی ولما لقیتک هنا
قولت اجی اقولک انی هنا ومتروحش عشان
نروح سوا

ایمن بدأ یبلغ ريقه : قشطة هستناک

خالد : ماشی ... ومشی رجع لاصحابه

*

**

*

فى بىء فرىءة ...

فرىءة: ما ءبائى معاىا النهارة ونروح الشغل
بكرة سوا

نيرة: وهسىب ماما لوحءها

فرىءة : مجءش من يوم

نيرة:لا يا فرىءة مقءرش اسىبها لوحءها

فرىءة : يا بنتى هى لىله وبعءىن مش خالك
اللى هو ابءها ساكن معاكوا فى نفس العمارة
هءقلقى علىها لىه بقى

نيرة: طب اسءنى هكلمها اسءأذن منها

كلمء نيرة مامءها ووافءء

بعء شوىة فىروز ءءلء علىهم جىبالهم
عصىر وساءوءشاء

فيروز: ماما بعتالكم الاكل ده وبتقولك يا نيرة

كلى واكلى فريدة كويس

نيرة: هههههه حاضر هاتي الساندوتشات دى

طيب عشان انا ميته من الجوع

فيروز ادتهاهم وقعدت تاكل معاهم وبعد

شوية كانت خارجه من الاوضة

نيرة لفيروز:رايحه فين ما تخليكى قاعده

معانا

فيروز: لااا انا عندى مذاكرة كتير هروح

اشوف حماده عشان نذاكر سوا

دخلت فيرو اوضة احمد ولقيت ٣.....

واصل قراءة الجزء التالي

الحلقة السابعة

دخلت فيروز اوضة احمد ولقيت بباها
ومامتها قاعدين في اوضة احمد وواضح ان
في مشكلة لان وششهم باين عليها الزعل

طلعت تجرى عليهم

وقالت : ايه يا بابا في ايه احمد عمل حاجه ولا

ايه

محمود : انت متتكلميش خالص اكيد انت

عارفه كل بلاويه ومداريه عليه

فيروز : بلاوى ايه بس يا بابا هو انت عملت

ايه يا احمد

محمود : انت مالك انت ايه حشرك

فاطمة : يا محمود اكيد لو في حاجه فيروز

تعرفها

فيروز (متنحه): طب فهموني في ايه وانا

اقولكوا الحقيقة

محمود: اخوك المُحترم بيشر ب سجاير

فيروز بارتباك : سجاير !!!! لا لا اكيد لا

محمود : امال علبة السجاير دي بتاعة مين

فيروز : لا يا بابا اكيد مش بتاعته ايه يا احمد

ما تتكلم مش دي اللي احنا لاقيناها سوا في

بلكونة اوضتك وشكلها بتاعة جيرانا اللي

فوق

فاطمة : شوفت يا محمود مش بتاعته

محمود : انتِ بتستهيلي يا بت انتِ ، انتِ

ناسية اني دكتور اسنان وسهل اعرف من

اسنانه

فيروز بصت لاحمد ومش عارفة تقول ايه

محمود : واد انت متكدبش كله الا الكذب
بتاعتك ولا مش بتاعتك

احمد : اه بتاعتى

فيروز اُحرجت لانها كدبت ..

محمود : بره بقى يا ست فيروز وحسابك
معايا بعدين وخذى امك فى ايدك
خرجت فيروز وفاطمة من الاوضة ...

احمد : يا بابا واللهِ انا

محمود يقاطعه : اقعد يا بنى واسمعنى
كويس لو انت بتشرب سجاير عشان عندك
مشاكل ومخنوق يبقى ربنا ابقى لك من
السجاير لانه عمره ما هيضيعك ولا يدمر
صحتك زى السجاير يعنى لو مخنوق صلى
اقراً قرآن وربنا هو اللى هيفك ضيقتك ولو
انت بتشربها رجولة فالرجولة عمرها ما كانت

بشرب السجاير الرجولة مواقف واكيد
فاهمنى اما لو بتشربها عشان بتقلد
صحابك فهما مش هينفعوك لما تقف قدام
ربنا ولو لا قدر الله صحتك ادمرت منها
برضه مش هينفعوك

احمد بصوت واطى : يا بابا

محمود: اسمعنى للاخر ، انا واثق من تربيتى
ليك وواثق انك عملت كده فى ساعة شيطان
كلنا بنضعف بس انا مش هغصبك على
حاجه انا هسيبك تعمل اللى انت مقتنع بيه
بس اعمل اللى فى مصلحتك والصح بس
مش اللى انت شايفه صح لا اعمل الصح
اللى انت اتربيت عليه وهترى عيالك عليه
اتفضل علبة السجاير بتاعتك اهيه ... وخرج

احمد اتضايق من نفسه خاالص ورمى

علبة السجاير فى الزبالة

*

**

*

في الكافيه :

خالد مشى من الكافيه هو وايمن وعبداللله
واياد ..

وصل اياد وعبداللله كل واحد لبيته وبعد كده
رروح هو وايمن

اول ما دخلوا البيت

خالد : هو ده المشوار اللى انت راичه مع
اياد هو ده اياد صاحبك المحترم

ايمن : هو في ايه انا عملت ايه لكل ده

خالد : و حياة خالتك !!! بتاع بنات وصايع
وبتشرب شيشة وسجاير ده اللي انا شوفته
بعينى ما بالك اللي انت مخبيه

ايمن : انا مش مخبى حاجه وان كنت
مقولتللكش انى بشيش ولا بشرب سجاير
فاحتراماً ليك وعارفك هتعمل زى العيال
وهتروح تقول لماما وهتعمل عليا واصى

خالد :الاحترام اللي واضح جداً انك متعرفش
حاجه عنه هو انك تعمل الحاجه قدام الناس
كلها ومتخافش مادام صح والعييل هو اللي
دايماً ايده على قلبه ليتكشف ومن ناحية
واصى عليك فانا فعلاً واصى عليك ده
بحكم انى اخوك الكبير

ايمن : بلا اخويا الكبير بلا اخويا الصغير انا
مش صغير على محاضراتك دى وان كنت

بتذلى بالفلوس اللى بتصرفها عليا فمش

عايز منك حاجه

خالد : انت متخلف يالا انت حد جاب سيرة

فلوس ولا انت اللى مريض

ايمن : مش لازم تجيب سيرتها هو انا حمار

انا فاهم قصدك

خالد : والله انك حمار فعلاً ومش فاهم اى

حاجه انا بصرف عليك لان ده حقك انت

اخويا زى مانا من حقى احافظ عليك

ايمن : خالد بقولك متعش الدور عليا

خالد يقاطعه : غور يالا من وشى لاني لو

اتعصبت عليك هجيب اجلك وليا كلام تانى

معاك بس مش دلوقتى لما تتربي الاول

ايمن ملوحاً بيديه : بلا كلام تانى بلا تالت

(ودخل اوضته)

*

**

*

تانى يوم الصبح ...

فريدة ونيرة رايعين الشغل وطبعاً خالد من
اول شروق الشمس وهو قاعد فى عربيته
تحت بيت فريدة

اول ما نزلوا اتمشوا شوية لحد اول الشارع
وبعد كده وقفوا تاكسى وطبعاً خالد طلع
ورا هم

وصلوا المعمل وعرف طبعاً انها دكتورة
تحاليل وبتشتغل فى المعمل ده

طلع خالد المعمل ..

فى ريسبشن المعمل ..

خالد : لو سمحت عايز اعمل تحاليل

موظف الاستقبال : تحاليل ايه او فين

روشته الدكتور

خالد : لا لا انا لسه هروح للدكتور عايز اعمل

صورة دم كامله

موظف الاستقبال : تمام حضرتك اول مرة

تشرفنا

خالد : اه دى اول مره

موظف الاستقبال: طب ياريت حضرتك

تملى البيانات دى (واداله ورقة وقلم)

بعد ما خالد ملئ البيانات ودفع الحساب

وخذ الوصل

خالد : لو سمحت فى دكتورة بتشتغل هنا

اسمها فريدة محمود

موظف الاستقبال : ايوه يا افندم في حاجه
ولا ايه

خالد : لا دى قريبتى وكنت عايزها هى اللى
تسحب منى العنيه

موظف الاستقبال : ماشى مفيش مشكله
اتفضل حضرتك استريح شويه

بعد شويه موظف الاستقبال نادى على اسم
خالد ودخل خالد على فريده بس هى
مكنتش مركزة

فريده (من غير ما تبص عشان كانت
بتحضر الامبولات) : اتفضل يا افندم هنا
خالد : متشكر اتفضلى (بيديلها الوصل)

فريده: ايه ده !! مين !! انت بتعمل ايه هنا !!!!

خالد : ايه ده مش انتِ فريدة بتاعة امبارح يا

سبحان الله انتِ بتعملى ايه هنا

فريدة : يا سلام !!! انا بشتغل هنا

خالد: عشان تعرفى ان ربنا بيحبنى

ومكتوبلى انى اشوفك تانى

فريدة : طب اتفضل عشان اسحب العينة

خالد : بس بالراحة

بصت فريدة لخالد باستنكار ومتكلمتش

معاه لحد ما خلصت وبعد ما خلصت

فريدة : النتيجة بكرة الصبح ان شاء الله عن

اذن حضرتك

خالد : استنى بس ، ممكن اعرف انتِ مش

عايزة تسمعيني ليه

فريدة : ياريت حضرتك تاخذ بالك ان ده
مكان شغلى ومينفعش اتكلم فى اى حاجه
بره الشغل عن اذنك

هنا دخلت نيرة وقالت : فريدة لو سمحت
عيزاكي فى المعمل

فريدة : اوكى انا جاية وبصت لخالد وقالت :
عن اذنك عندى شغل

خالد بخيبة امل : اوكى اتفضلى

-----*

-----**-----

*-----

فى جامعة فيروز واحمد ...

اياد : اذيك يا معلم عامل ايه

احمد : تمام مش انت اياد صح !!

اياد : ايوة يا معلم شوفتك جيت اصبح ولو
انك شوفتتى كذا مرة وطنشت مش عايز
نبقى اصحاب يعنى

احمد : انا معرفكش اوي عشان اسلم
وعموماً تشرفنى صحويتك يا معلم

جت فيروز على احمد واياذ ومجموعة شباب
بيهرجوا سوا

فيروز اتصدمت لما شافت اياذ مع احمد
ومنسجمين جداً مع بعض بس احمد لما
شافها راح لها على طول

احمد : ايه يا فيروز انتِ كويسه

فيروز : اه بس كنت جاية اطمئن عليك

احمد : هههههه ساعات بحس انك امى

فیروز بابتسامه مُغتصبَة : مانت ابنی یاااد ،
قولى الواد اللی اسمه ایاد واقف معاك لیه

احمد : مش لسبب هو جه اتعرف علینا

وصاحبنا مش اکتر

فیروز : طب متقربش منه اوی انا اسمع انه

مش کویس

احمد : قشطه روحی لصاحبك وانا هروح

لاصحابی وتتقابل فی السیکشن

فیروز کانت واقفة بتدور علی صحباتها وهنا

رغده شافتها وراحت عندها ...

فضلوا یرغوا شویة وبعدها جه علیهم ایاد

ورغده مشیت اول ماهو جه

ایاد : صباح الخیر

فیروز مردتش

اياد : ايه يا فيروز مبتريش ليه

فيروز : هاا سوري مخدتش بالي

اياد : انتِ لسه زعلانه من الكلام اللي قولته

انا اعتذرتلك

فيروز : اظن لو في حد مفروض تعتذرله هو

احمد صاحبك لانك عاكست اخته واظن

لوشافنا دلوقتي هيكون شكلك وحش اوى

اوى

اياد : عندك حق بس هقولك كلمه واحده

بس وهمشى وفكري فيها على مهلك

فيروز ساكته

اياد : بحبك

وسابها ومشى

نيرة : فريدة .. (بصوت عالي) ايه فريدة
سرحانه فى ايه كده وسيبانى اكلم نفسي

فريدة : سورى يا نيرة فى حوار شاغلنى ،
فاكرة لما دخلتى المعمل عليا النهاردة كنت
ساعتها بسحب عينه لشاب طويل واسمرانى
شوية

نيرة : اه ما شاء الله عليه امووور اوى

فريدة : ده يبقى خالد

نيرة باستغراب : اللى انتِ حكتيلى عنه
امبارح

فريدة: ايوه هو ده ، الغريبة انه بيقول انه
جاي المعمل ده بالصدفه وانه ميعرفش انى
شغاله فيه

نيرة : يمكن بيتكلم جد والنصيب جايه
لعندك او هو عرف يوصل للمعمل

ووقفوا تاكسى وركبوا وطبعاً كل ده وخالد

وراهم

فريدة : مش عارفة بقى انا هحاول اصده

وابعده عن طريقى

نيرة : لا تعليق

التاكسى وصل نيرة الاول لبيتها وبعد كده

فريدة

اول ما فريدة نزلت من التاكسي شافت ...

+.....

واصل قراءة الجزء التالي

الحلقة الثامنة

اول ما فريدة نزلت من التاكسى لقيت عبد

الرحمن (اللى كان متقدم لها)

فريدة بصدمة: عبد الرحمن !!

عبدالرحمن : اذيك يا فريدة

فريدة : تمام الحمد لله وانت

عبدالرحمن : بُصى انا جاى اوضحلك حاجه
مهمة لما والدى كلم والدك كان بناءً على
رغبتي انا وانا طلبته منه يخطبك ليا يعنى
دى مش رغبة ابويا

فريدة: مش فاهمة

عبدالرحمن: قصدى انى انا اللي عايز اتجوزك
يعنى مش رغبة بابا ولا انه طلب منى بس
قولت بدل ما اجى اتكلم معاك ادخل البيت
من بابيه ولما رفضتى خوفت تكونى فاهمه
ان بابا ضغط عليا

فريدة : يا عبدالرحمن انا مرفضتش لعيب
فيك بالعكس انت انسان كويس جداً واى

بنت تتمناك المشكلة مش فيك اطلاقاً

المشكلة فيا انا

عبد الرحمن : فى حد تانى !!!!

فريدة: لا اولانى ولا تانى ، انا مش هقدر

افهمك بس صدقنى ده لمصلحتك انت

عبد الرحمن : لا لازم افهم عشان دماغى

هتفضل تودى وتجيب

فضلت فريدة تحاول تتهرب منه وهو

مصمم يعرف السبب فى الوقت ده كان خالد

قاعد فى عربيته بيكلم نفسه : ايه ده بقى !!

مين ده !! هما واقفين كل ده بيقولوا ايه !!

هو خطيبها !! لا لا لو خطيبها كانوا طلعا

وهى مش لابسه دبله ولا حتى هو . اممممم

يمكن مرتبطين !! يادى النيلة هما بيقولوا

ايه كده !! اووووف اتصرف ازاي دلوقتى ...

بعد الحاج عبد الرحمن فريدة قالت : انا
هقولك السبب بس متسألنيش عن اى
تفاصيل

عبد الرحمن :قولى بس يارب اقتنع !!

فريدة: انا مريضة

عبدالرحمن (مصدوم): انتِ بتقولى ايه ، انتى
بتقولى كده عشان ترفضينى بذوق صح
فريدة: لا يا عبد الرحمن هى دى الحقيقة
عن اذنك

عبدالرحمن: طب استنى بس(وحاول
يوقفها)

فريدة: يا عبدالرحمن وقفنا غلط وميصحش
كده انا قولتلك الحقيقة وياريت تقدر ده
ومتجرحنيش اكثر من كده

عبدالرحمن: اسف بجد اسف مكنش قصدى

عن اذنك (ومشى)

وبعد كده طلعت فريدة

-----*

-----**

-----*

فى عربية خالد :

خالد بيكلم نفسه : يعنى حبكت يجى الاخ

ده يقف معاها مش كان زمانى روح

كلمتها دلوقتى اوووف استغفر الله العظيم

وبعدين مين ده اصلاً ويبقالها ايه

فاق خالد من سرحانه على جرس موبايه

لقى المُتصل رقم مش مستجل

المُتصل: الو ازيك يا خالووود عامل ايه

خالد:خالد !!! مين معايا

المُتصل :ايه ده يا خالد انت مش عارفنى

خالد:لا مش واخد بالى مين حضرتك

المُتصل:انا ولاء يا خالد

خالد: اهااا ولاء اذيك عامله ايه

ولاء:تمام انت مش مسجل رقمى ولا ايه

خالد:واضح كده انى نسيت اسيقه او سيفته

مرتين المهم فى حاجه ولا ايه

ولاء: هو لازم يكون فى حاجه عشان اكلمك

خالد: لا مقصدش طبعاً انتِ عامله ايه

ولاء:تمام بس انت مكلمتنيش ليه استنيتك

تكلمنى من ساعة ما خدت الرقم

خالد:انا خدت الرقم !!! اه اه واحنا في
المستشفى لما رنيتى على نفسك وكده

ولاء : اه مستنياك من ساعتها

خالد: ساعتها ايه بس يا ولاء الكلام ده كان
امبارح

ولاء:برضه مكلمتنيش ليه

خالد:مكنش في مناسبه تخلىنى اكلمك
ولاء:هو احنا لازم يكون في بينا مناسبات
للكلام

خالد:امال هتصل من باب الفراغ ولا ايه
ولاء:قصدك انى فاضية صح متشكرة اوى

خالد: في ايه يا ولاء هو كل كلمة هقولها
هتمسكى فيها

ولاء: واضح انك مش مبسوط من مكالمتى
ليك عموماً أسفه على الازعاج سلام(وقفلت
(الخط)

خالد لنفسه: ايه المجنونة دى هو حد جه
جنبها !!! اصلاً مش وقتها خالص

-----*

-----**

*-----

فى جامعة احمد وفيروز ...

فيروز: احمد ياريت متصاحبش اياك ده

احمد: فى ايه يا فيروز حاطه الواد فى دماغك
ليه

فيروز: انا محطتوش فى دماغى هى اللى
حاطتنى فى دماغه

احمد : نعم !!! انتِ بتقولى ايه

فيروز : مقولتش

احمد: لا قولتى الواد ده بيعاكسك او

بيضايقك

فيروز: بصراحه اه عاكسنى قبل كده

وضايقنى قبل ميتعرف عليك

احمد: طيب وبعد ما صاحبنى حصل منه

حاجه

فيروز: بطريقه غير مباشرة

احمد: ومقولتليش ليه

فيروز : خوفت تعمل مشكله وهو عيل تافه

ميستهلش

احمد: تمام حسابه معايا بعدين .. يالا خلىنا

نغور من هنا

وروحوا

*

**

*

في بيت خالد :

ايمن بيكلم ايام في التليفون ...

اياد: يعنى قالك حاجه

ايمن: يا عم مانت عارف خالد بيعمل فيها

ابويا قال كلمتين وفضينا الموضوع

اياد: انا مش عارف ياد انت طالع لمين خالد

اخوك غيرك خالص

ايمن: كل واحد وله شخصيته فكك فكك ،

عملت ايه مع البت اللي معاك في الجامعه

ايمن: سُغَل بنات يا عم هو انا اللي هقولك

يا يوده

ايد: يا ااد انت افهم با بهيم احنا عرفنا بنات

شمال كتير وبقينا نقدر نعرف البنت

المحترمه من الشمال

ايمن: انت عايز دلوقتي قرفت اهلى بام البت

دى

ايد: جتك القرف وانت سادد نفسي اقفل

يالا .. سلام

ايمن لنفسه : ياترى شكلها ايه دى اللي

وقعت ايد على بوزه!!!!

هنا دخل خالد...

خالد: انت مبتروحش جامعتك ليه

ايمن:مين قالك لا طبعاً بروح بس انا مُعتمد

على الكورسات اكثر

خالد:طب شد حيلك يمكن ربنا ينفخ في

صورتك وتدخل سلك النيابه ولو انى مش

عارف واحد صايع زيك يبقى وكيل نيابة

ازاى هههه

ايمن:انا كان نفسي ابقى ظابط واشتغل في

الاداب يالهوى ده انا كنت ههههه

خالد:نصيحة من اخوك الكبير سيبك بقى

من الحورات دى صدقنى يا ايمن الولد زى

البنت لازم يحافظ على قلبه للبنت اللى

يحبها بجد ويجوزها ، البنت اللى بتصاحب

كتير سمعتها بتبوظ كذلك الولد ، يعنى لو

اتقدمت لواحد و ابوها عرف كل بلاويك

هيوافق عليك اكيد لا

فيروز : ايه يا دودو سرحانه في ايه كده

فريده : هالامممم ولا حاجه

فيروز : لا بجد مالك

فريده : اصل عبدالرحمن ابن عمك مصطفى

اللى كان متقدملى

فيروز تقاطعها: ايه وافقتى عليه

هنا دخل احمد ...

احمد: ايه ده اللى وافقتوا عليه

فريده: كويس اوى انك جيت يا حمادة اقفل

الباب عشان احكيلكوا على حاجه مهمه

احمد وفيروز : خير

وحكت فريده كل اللى حصل مع عبد

الرحمن

احمد: انتِ ازای یا فریده تقویلله حوار التعب

ده انتِ عارفه ان بابا مبيحكيش لحد

فيروز: استنى بس يا احمد مش يمكن

مبيقاش عنده مانع

فریده: انا لما قولتله كده قولت عشان هو

الح عليا وانا كنت زهقت من الحاحه

احمد: هو انتِ موافقه عليه

فریده: لأ

احمد: حصل خير متزعليش نفسك

فيروز: هو ايه اللى لأ ، ماله عبد الرحمن ايه

عيبه

احمد بص لفيروز نظرة غاضبه: في ايه في

فيروز ما هي حرة حتى لو مفيهوش عيب

مش عيزاه ايه الغلط في كده

طبعاً فيروز كانت فهمت وسكتت

بعد شوية سمعوا صوت امهم بتنادى وكان

عالى جداً

فاطمة : يا فريدة يا احمد يا فيروز

الحقوووووونى ٣

واصل قراءة الجزء التالي

الحلقة التاسعة

اول ما فريدة واحمد وفيروز سمعوا صوت

مامتهم طلعا يجروا من الاوضة ...

لقيوا بياهم مُغمى عليه حاولوا يفوقوه لكنه

مافقدش وكان الحل ان احمد يكلم الاسعاف

جه الاسعاف اسعفه ونقلوه المستشفى

وكلهم راحوا معاه .. فاطمه ركبت معاه

الاسعاف واحمد وفيروز وفريده ركبوا

العريه وراهم ...

في المستشفى :

الدكتور: هو عنده السكر !!

فاطمة: لا معندوش

الدكتور: بس دى كانت غيبوبة سكر ، واضح

انه مريض بالسكر بس مكنش يعرف

كلهم فى نفس واحد: غيبوبة سكر !!!!

فاطمة: طب وهو فاق من الغيبوبة دى ولا لا

!!

الدكتور: اه الحمد لله احنا عملنا اللازم وهو

هيستريح هنا شوية وهيروح معاكوا ان شاء

الله

بعد شوية دخلوا يطمنوا عليه وهما قاعدين

معاه :

فريدة:مالك يا فيروز لونك مخطوف ليه كده

فيروز:عندى الم فى جنبى هيموتنى

فريدة:بعد الشر عليكِ الم ولا مغص

فيروز:مش عارفة يا فريدة شوية وهيخف

بعد شوية بدأت فيروز تفقد اعصابها من

شدة المغص وصوتت من الالم

بعد ما الدكتور كشف عليه قال : لازم تعمل

عملية الزايدة حالاً

اتنقلت فيروز للعمليات وعملت العملية

واتحجرت فى المستشفى اسبوع لان الزايدة

كانت انفجرت وسببت تسمم ..

فريدة اتصلت بنيرة:

فريدة:الو ازيك يا نيرة

نيرة:تمام الحمد لله وانتى

فريدة:الحمد لله ، عيزاكى تاخديلي اجازة

لاخر الاسبوع

نيرة:ليه يا فريدة خير !!

فريدة:بابا كان تعبان جاله غيبوبة سكر

نيرة:هو عنده سكر اصلاً

فريدة:بقى عنده ، وفيروز عملت عملية

الزايدة وهتتجز اسبوع وانا لازم اكون

معاهم

نيرة:الف سلامه عليهم ده كله حصل امتى

!!!

فريدة:من حوالى ست ساعات

نيرة:الف سلامه وبكرة هجيلك ان شاء الله

هما فى مستشفى ايه

فريدة:مستشفى المعادى

نيرة:بكرة هجيلك ان شاء الله

وخلصوا المكالمه

*

**

*

تانى يوم الصبح فى شغل فريدة ونيرة:

خالد:صباح الخير (واداله الوصل اللى

هيستلم بيه النتيجة)

موظف الاستقبال:صباح النور، طب اتفضل

حضرتك استريح لحد ما اطبعها

خالد:هى دكتورة فريدة مجتش

موظف الاستقبال:لا لسه

خالد:طب هتجى امتى

موظف الاستقبال:لا معرفش هى مواعيد
الشيفت بتاعها من ٩-٤ غير كده معرفش

خالد:اوكى متشكر

هنا دخلت نيرة وخالد راح عندها ...

خالد:لو سمحتِ يا انسة

نيرة بنيرة سريعه : خالد !!!!

خالد:حضرتك تعرفينى ؟؟

نيرة:اه ، لا لا بصراحة اه اعرفك فريدة حكتملى

عن اللى حصل منك

خالد:كويس اوى وفرقتى عليا كلام كتير هى

هتيجى امتى

نيرة:هى مش هتجى النهاردة ولا الاسبوع ده

خالص

خالد بصدمة:ولا الاسبوع ده !!!!! ايه الحظ ده

بس ، طب مش هتجى ليه

نيرة:عندها ظروف بياها تعبان واختها عملت

عمليه

خالد:ممكّن تساعدينى انا محتاج حد

يساعدنى عشان فريدة مش مديانى فرصة

هى مرتبطه !!

نيرة:توء مش مرتبطه

خالد: طب بُصى انا مش هعطلك ممكن

تاخذى رقم موبايلى ووقت ما تكونى فاضية

تكلمينى

وخذت نيرة رقم خالد وقررت انها تساعده

لان نفسها صاحبتهها تحب وتتحب

*

**

*

فی جامعة احمد و فیروز :

رغدة بمیاصة : هاای ازیک

احمد: مردش هو عمل کده 0.0

رغده: مش انت برضه اخو فیروز

احمد: اه انا

رغدة: انا صاحبتها ، هی مجتش النهاردة لیه

احمد: عندها ظروف و مش هتتعرف تجی

رغدة: اوکی میرسی قولها رغدة بتسلم

علیکی

احمد لنفسه : بقی المایصه دی صاحبت

فیروز !!!!!

احمد كان واقف مع اصحابه وجه اياذ فضلوا
يتكلموا شوية ويهزورا بس احمد مداش اياذ
وش

اياذ:ايه يا معلم اللي واخذ عقلك بتحب ولا
ايه

احمد: لا مبحبش

اياذ:ليه بس ده حتى البنات على قفا مين
يشيل

احمد: متعرفنى على اختك يمكن تطلع
حلو

اياذ بصدمة: ايه يا احمد عيب اللي بتقوله ده
احمد بزعيق : ولما انت عاملى فيها دكر
وعارف العيب بتعاكس اختى ليه !!!

اياد بصدمة اكبر : حتى لو حصل يعنى انا

مكنتش لسه صاحبتك

احمد : وانت جيت صاحبتنى ليه عشان

ابقى كوبري لحضرتك

اياد : والله ما حصل منى حاجه وحشة انا

كل اللى قولتلهما انى عايز اتعرف عليها وبعد

كده اعتذرتلها لما انت جيت علينا وبعدها

اتصاحبنا وانا مقربتلهاش من بعدها

احمد : والمفروض انى اصدقك واكذبها

اياد : براحتك يا احمد تصدق او لا (ومشى)

*

**

*

فى بيت نيرة :

نيرة فضلت محتارة تكلم خالد ولا لا وفي

النهاية اتصلت

نيرة: الو ، خالد معايا

خالد : ايوة مين حضرك

نيرة: نيرة صاحبة فريدة سورى نسيت اقولك

اسمى واحنا فى المعمل

خالد: لا ولا يهملك انا مستنيكى اصلاً

نيرة: انا مكنتش هتصل ، خوفت تشك ان

فريدة عارفه وتاخذ عنها فكرة وحشة او

تعرف بعد كده ان ساعدتك وتزعل منى

خالد: انا متأكد انها متعرفش وتأكدى ان

كلامنا ده محدش هيعرف بيه بس انا فعلاً

محتاجك تساعدينى

نيرة: اوكى بس انا ايه اللى اقدر اعمله

خالد: بصى انا عارف كويس انها صعب

تصدقنى بس انا

نيرة تقاطعه: حتى لو صدقت مش هترتبط

بيك

خالد : هو انا وقيع اوى كده

نيرة: هههههه لا طبعاً مقصدش فريدة

رافضه فكرة الارتباط تماماً

خالد : ليه

نيرة:عشان ظروفها الصحية

خالد : لا انا هغير فكرتها ،طب انت مصدقة

انى بحبها بجد

نيرة:اهو بعد بحبها بجد دى صدقتك

خالد: طب ازاي فريدة تصدقنى

نيرة: لما فريدة ترجع الشغل هعزمها على
خروجه فى اى مكان وانت تكون موجود واول
مانا اقوم تجى تقعد معاها وتقولها كل اللى
فى نفسك بس طبعا هتقول انك كنت
ماشي وانا بالعربية

خالد: طب مانا قولت ومصدقتش

نيرة: قول تانى وتالت هتخسر ايه يعنى
والاقناع سيبه ليا انا اتفقنا

خالد: اوكى اتفقنا

نيرة: عن اذنك انا مضطرة اقفل

خالد: اوكى بس كلمينى طمنينى عليها

نيرة: حاضر مع السلامه ا

ادهم:هدعيلك بس لو ظبطت معاك
ظبطتنى مع صاحبته

خالد: بس ده معناه خطوبة وجواز مش
صحوية

ادهم: صحوية ايه يا عم خالد احنا كبرنا على
الحاجات دى

خالد: كده تمام

-----*

-----**

-----*

فى الجامعة ..

اياذ بيدور على فيروز وملقهاش فى الجامعة
خالص فراح لرغدة

اياد: بقولك يا رعدة متعرفيش حاجه عن

فيروز

رعدة بمايصة: ايه يا يوودة انت بتحب ولا ايه

اياد: اخلصى يا رعدة

رعدة : امممم هقولك بس ظبطنى مع

اخوها

اياد: انتِ مش هاين عليكى تعتقى حد من

الجامعة .. (بزعيق) اخلصى تعرفى حاجه

عنها

رعدة: لا معرفش

اياد لنفسه: جتك القرف لولا الحوجه

مكنتش كلمتك ابو شكلك

اياد راح لاحمد ..

اياد: على فكرة بقى انت مش جدع

احمد: ده اللی هو انا

ایاد: یا سیدی حقک علیا انت واختک واللہ
ماکنت اقصد

احمد: عایز ایہ یعنی

ایاد: یا احمد انت جدع وانا مش عایز
اخسرك

احمد: مانا عارف انی جدع عشان کده قطعت
معاک بس

ایاد: فی ایہ یا احمد انت هتعیش علیا ما
قولت اسف

احمد: وانا قولتلك خلاص بس مینفعش
نبقی اصحاب هیبقی دایماً عندی احساس
انک بتبص لاختی

ايداد: حقا تغير على اءءك وانا اءءرمك
على كده ومش هفرض نفسي عليك

ومشى ...

-----*

-----**

-----*

فى شغل خالد ...

خالد اءصل ب نيرة :

خالد: صباح الخير ازيك يا ءكءورة

نيرة: صباح النور انا ءمام ازيك اءء

خالد: بءير ، اسف لو هعءلك عن شغلك

واسف اءءر لو بءعءك

نيرة: لا مفيش ازعاج ولا حاجه احنا اخوات
وعلى فكرة اطمن فريدة بخير انا كنت معاها
امبارح

خالد: هههه ربنا يطمنك ، بس انا عايز اطلب
منك طلب صغير

نيرة: اتفضل

خالد: عايز اسم المستشفى اللي اخت
فريدة فيها وكمان رقم الاوضه

نيرة: ليه !!

خالد: بصراحة لحد دلوقتى مش عارف ليه
بس هفكر كده واشوف ممكن اعمل ايه
نيرة: اوكى هما فى مستشفى المعادى ،

اوضه ٣٠٤

خالد:سؤال اخير ، هي فريدة بس اللي مع
اختها ولا في حد تانى

نيرة:هي فريدة ال ٢٤ ساعه مع فيروز
ومامتهم بتروح وبتجى لانها قاعده مع بياهم
فى البيت لانه تعبان برضه

خالد: تمام اوكى يا نيرة انا متشكر اوى
نيرة:العفو

خالد: فى رعاية الله... وقفلوا

خالد قاعد يفكر يعمل ايه وبيسأل نفسه
هو خد اسم المستشفى ليه!! المهم انه
جاتله فكرة حلوة اوى وقرر ينفذها اول ما
يخلص شغل ، يا تري ايه هي الفكرة+

واصل قراءة الجزء التالي

الحلقة العاشرة

تانى يوم الصبح فى المستشفى :

باب اوضة فيروز بيخبط بدرى ...

تك تك تك .. تك تك تك

فتحت فريده الباب لقيت حد من العاملين

فى المستشفى ...

العامل: اتفضلى الورد ده لحضرتك

فريده:متشكرة اوى

فريده لفيروز: ابوة يا عم جايلك ورد ؛)

فيروز:ايه ده بجد مين اللي جايبه .. يالهوى

انا عمرى ماجانى ورد ده اكيد حد بيموت فيا

بقى

فريده: اكيد هههههه

فيروز:طب لو فيه كارت اقريه والنبي

فريدة:حاضر يا ست المستعجله ، اه في
كارت اهو (وبدأت فريدة تقرأه بصوت عالي -
حبيبتى ف) وسكتت

فيروز:حبيبتى !!!! هههههه كملى شكله
هيطلع في الاخر من حمادة

وقعدت فريدة وقرأته في سرها (حبيبتى
فريدة ، الف مليون سلامه على بياكى
واختك واتمنى تكونوا كلكم في افضل حال ،
حبيبك- ان شاء الله يعنى- خالد)

فيروز: ايه يا فريدة سكتى ليه هو مكتوب
ايه في الكارت

فريدة:خُدى اقرأى

هنا فيروز اتوترت وافتكرت انه يخصها

فيروز قرأته واتصدمت وقالت : ايه ده يا

فريدة مين ده !!!!

فريدة:هحكيلك (وحتك لها القصة كلها)

فيروز بابتسامة عريضه وانبهار بخالد: الله !!

بجد عمل كل ده !! يا بختك يا ديدا

فريدة باستغراب: مالك يا بت انتى ايه

السهوكة دى !! ومالك مندهشة اوى كده ليه

فيروز: اصل اللى يحاول يوصلك بكل الطرق

دي وكمان بيعتلك ورد ده اكيد كائن فضائي

يا بنتى ده بعثلك ورد فاهمة يعنى ايه ورد ،

انا لو مكانك وجابلى ورد احبه وش

فريدة: هههههه والله انك انتى اللى خفيفة

وطايشة

فيروز:قصدك انك بتتقلى عليه يعنى

فريدة:هقولك زى ما حمادة بيقول فكك

فيروز : ممكن سؤال قبل ما أفكنى ، هى

نيرة عارفة

فريدة: اه انا حكيتها اصلها شافته لما جه

المعمل

فيروز بتنهيدة ارتياح وابتسامة : تمام اوى

-----*

-----**-----

*-----

فى شغل خالد :

خالد : واد يا ادهم تفتكر لو كلمت صاحبته

اطمن عليها ابقى شخص مبالغ فيه

ادهم : عادى مانى اصلاً شخص مبالغ فيه

خالد : بجد

ادهم : اه والله بجد ، ماهو مش ممكن
تعمل كل ده لواحدة شوفتها بالصدفه
ومتعرفش عنها حاجه

خالد: مش انت ياالا اللي قولتلى ارواح
بتتلاقى والحب مش عارف ايه وكان ناقص
تدينى محاضرة

ادهم: ايوة انا قولت كده وده حقيقى بس
مش معنى كده ان حياتك تتوقف عليها
وكلامك كله عليها

خالد : فُكك ، اكلم صاحبته ولا لا

ادهم: طب متجيب اكلمها انا ههههههههه

خالد: بطل هزار بقى ورد بجد

ادهم: من رأي استنى لما هى تكلمك
وعشان متقولش عليك لازقة

بعد شوية ...

تليفون خالد رن ..(رقم مش متسجل)

خالد : الو ..

المُتصل : صباح الخير يا خالد

خالد بتنهيده زهق (اصله عرف انها ولاء): امم

صباح النور

ولاء: ها عامل ايه النهاردة

خالد: والله انا فى الشغل ولما بكون فى

الشغل ببقى زهقان وقرفان بس الحمد لله

ولاء: حتى بعد ما سمعت صوتى زهقان

وقرفان

خالد: لحظة واحدة يا ولاء (وعلق المكالمه

hold) وقال لادهم : نادى عليا يالا اصل

معايا مكالمه عايز اقلها

في بيت خالد :

ايمن اتصل باياد : الو يا اياد اذيك

اياد: تمام ايمن انت عامل ايه

ايمن: الحمد لله ، بقولك ايه

اياد: قولى ايه

ايمن: انا هاجى معاك جامعتك النهاردة

بيس

اياد: قشطة عدى عليا انا مستنيك

بعد شوية ايمن راح لاياد وراحوا الجامعه ...

في الجامعة بتاعة اياد..

ايمن:متوريني البت الى انت حبيتها دى

اياد: اهااا انت عشان كده جيت معايا

ايمن: لا وربنا انا جاي اغير مناظر

اياد: هو انا حكيترك على اللى حصل مع

اخوها

ايمن : لا

اياد: طب تعالى نقعد واحكيك (وحكى له

كل اللى حصل)

رغدة شافت اياد راحت له ...

رغدة: هاى يا يوووده صباح الخير

ايمن: صباح النور يا عيون صاحب يوووووده

رغدة بدلع : هههههه هو انت صاحب اياد

ايمن: ايوة صاحبه الاتيخ

رغدة: ومعانا هنا فى الجامعه

ايمن: للاسف لا

رغدة: وليه للاسف

رغدة: يااااه دى صداقة قويه جداً يا بختكوا

ببعض

ايمن: تعالى معايا وانا هحكيلك على

صداقتنا انا وهو

رغدة: هههههه اجى فين

ايمن : تعالى بس عن اذنك يا يوودة(وغمز

لاياد وخذها ومشى)

*

**

*

فى بيت خالد:

خالد روح من الشغل

امينة: حمد الله على السلامه يا خالد

اجهزلك غدا

خالد: الله يسلمك يا ماما ، ياريت ده انا

ميت من الجوع

خالد قاعد بياكل ...

امينه: مش هتصدق مين زارني النهاردة

خالد: مين !!

امينه:الحاجه سعاد

خالد: الحاجه سعاد مين !!

امينة: ام نبيل ، جارتنا القديمة

خالد بصدمه : ام ولاء !!!!!!!

امينة بخُبت : اه ام ولاء ، وولاء جت معاها

كمان

خالد: اممممم طيب

امينة : بس انا زعلانه منك

خالد: ليه يا امى

امينه: ليه مقولتليش ان البنت اللي عاجبتك

هى ولاء !!!

خالد مفزوع : مين قالك كده

امينه: ولاء هى اللي قالتلى انها قابلتك فى

المستشفى كده يا حبيبي تخبي على امك

ده حتى ولاء غاليه عليا وبحبها والموضوع

ممکن يكمل بسهولة

خالد: ولاء مين اللي بتحبها وموضوع ايه

اللى يكمل بسهولة ، اوعى يا ماما تكونى

اتكلمتى معاهم فى حاجه

امينة : بصراحة اه انا اتفقت معاهم ان احنا

هنزورهم قريب

خالد: طب الحمد لله انا افتكرت خطبتها ولا

حاجه

امينه: امال يا روح امك الزياره دى ليه اكيد

عشان نخطبها

خالد: انت بتتكلمى جد !!! انت قولتيلهم ان

انا عايز اخطبها

امينه: مقولتش كده بطريقة مباشرة بس

اكيد هما هيفهموا

خالد:ليه يا ماما عملتى كده مش كنت على

الاقل تاخذى رأيى

امينه: (قامت وسابت خالد عشان

متتكلمش فى الموضوع كتير) وهى ماشية :

اهو ده اللى حصل بقى ..

*

**

*

فى المستشفى ...

نيرة خلصت شغلها وراحت تزور فيروز ..

نيرة: بخ عامله ايه النهاردة يا قمر

فيروز: نيرة كويس انك جيتى تعالى عايزة

اقولك على حاجه قبل ما فريده ترجع

نيرة: هي فريده فين

فيروز: تعالى بس قرى بسرعه

نيرة: خير يا بنتى خضتيني

فيروز: فريده حكى لى على موضوع خالد وانا

بصراحة نفسي الموضوع ده يكمل شكله

بيحبها بجد

نيرة: انا كمان نفسي اوى بجد

فيروز: يبقى نحاول نوصل لخالد ده ونسقى

معاه خطة مُحكمة

فاطمة تقاطعها: يا بنات حاجه زى كده

تفرحنى قولولى الحقيقة فريدة بتحبه

نيرة: لا مش كده انا هحكيلك يا طنط

(وحكتلها حوار خالد كله)

فاطمه: طب وهو مدخلش من الباب ليه

نيرة: يا طنط لو دخل من الباب هيترفض زيه

زى غيره لكن هو كده مُميز ولفت انتباهها

اكثر واكيد هتحبه واول ميحصل هيتقدملها

على طول

فاطمة: نفسي اطمن عليها قبل ما اموت

نيرة: ربنا يطول فى عمرك يا طنط واحنا مش

هنسيبها الا لما نجوزها له فرشي واضحكى

بقي

فاطمة: ربنا يخليكى يا حبيبتى ياريت يا نيرة

كان عندى ولد اكبر كنت جوزتهولك

فيروز: ياريت والله

نيرة: انتوا عيلتى من غير ما اجوز فيها :)

*

**

*

عدى الاسبوع اللي فريدة خدته اجازة ..

خالد بيظمن على فريدة وبيعرف اخبارها من

نيرة ، وبيتهرب من زيارة اهل ولاء

ايمن ورغدة اتصاحبوا

نيرة راحت عند باباها

اياذ بيحاول يعرف اى حاجه عن فيروز

وبيحاول يصالح احمد

فيروز خرجت من المستشفى بس لسه

مش هتنزل الجامعه قبل اسبوع كمان

ولاء بتتصل بخالد كثير مرة يرد و عشرة لا

*

**

*

النهاردة اول يوم شغل لفريدة بعد الاجازة ...

فريدة: صباح الخير يا نيرة

نيرة: صباح الخير يا حبيبتى ، بابا و فيروز

عاملين ايه

فريدة: لا احسن كثير الحمد لله

نيرة: طب الحمد لله معلى لو كنت

مزوتكوش الكام يوم اللى فاتوا عشان قاعده

عند بابا وكده

فريدة: اه صحيح عامله ايه هناك

نيرة: بصراحة بيعاملوني احسن معامله من
اول بابا لحد اخويا الصغير بس برضه مش
مرتاحه

فريدة: عشانك مش متعودة بس

نيرة: بقولك يا ديدا ما تجى نخرج النهاردة
شويه نتغدى برة او نعمل اى حاجه بقالنا
كتير مخرجناش

فريدة: خليها الاسبوع الجاى تكون فيروز بقت
احسن ونزلت جامعتها

نيرة باحباط: اوكى

فريدة: اه صحيح يا نيرة فى حاجه مهمة كنت
عايزة اسألك عليها

نيرة: خير

فريدة : هو0

واصل قراءة الجزء التالي

الحلقة الحادية عشر

فريدة : هو خالد جه الشغل وانا مش هنا

نيرة:بتسألى ليه بقى

فرة: مش عشان اللى فى دماغك على فكرة

نيرة: يمكن جه وانا مشوفتوش

فريدة: امممممم يمكن ، بس يعنى انتِ

متأكده انك متكلمتيش معاه خالص

نيرة:فى ايه يا فريدة ما قولتلك لا

فريدة: اصل خالد بعثلى ورد على

المستشفى يعنى قدر يعرف المستشفى

وكمان رقم اوضة فيروز

نيرة: انتِ بتتكلمى جد !!! عرف الحاجات دى

منين

فريدة: معرفش

نيرة:عايزة اسألك سؤال ، هو خالد ده
ماشغلش تفكيرك ولو شوية صُغنتتين
فريدة: لأ وكفاية بقى عشان عندنا شغل

*

**

*

فى شغل خالد :

خالد منهمك فى الشغل وجاله اتصال :

خالد: الو ايوة يا نيرة اذيك

نيرة:تمام الحمد لله انت عامل ايه

خالد: احسن بمكالمتك

نيرة:فريدة رجعت الشغل بس مش موافقة

على الخروج بتقول الاسبوع الجاى

خالد: امممم انتوا شغلکوا من ٩ ل ٤ صح

نيرة: اه

خالد: يعنى فريدة بتكون فى البيت على ٣٠:٤

او ٥ الا ربع

نيرة: يعنى حاجه زى كده انت ناوى على ايه

خالد: خليها مفاجأة

نيرة: زى مفاجأة الورد كده

خالد: ههههههه انتِ عرفتى

نيرة: اه فريدة حكلى

خالد: بجد وقالتهك ايه يعنى ها قالت ايه

نيرة: ولااا الهوااا

خالد: ده انتِ مُحبطة

اياد: اهدى يا احمد وبطل عصبية واسمعنى

احمد: خير ، ارغى

اياد: انا عايز اخطب اختك

احمد: نعم !!!

اياد:اللى سمعته انا عايز اخطب فيروز

احمد: انت فى بينك وبينها حاجه

اياد: انت حمار ياالا لو فى بينى وبينها حاجه

هتقولك انى عاكستها ، هاا قولت ايه

احمد: بص انت كده عداك العيب مقدرش

الومك لانك داخل البيت من بابہ بغض

النظر عن انك عاكستها بس هتخطب ازاي

وانت لسه بتدرس

اياد: انا فى اخر سنة واصلاً بشتغل مع خالى

فى صيدليته ، انا قولت اتكلم معاك الاول ، انا

عايز اخلص امتحانات الترم ده واتقدم وتبقى
مجرد فاتحه واول ما اخلص الترم التانى
واتخرج نعمل خطوبة

احمد : كل اللي بتقولوه تمام بس انا مش فى
ايدى اعملك حاجة الا انى اخذك معاد من
ابويا وتجى انت واى حد من اهلك

اياد: خلاص انا هتكلم مع امى النهاردة وعلى
الاسبوع الجاى اجى البيت

احمد: بس اياك لحد ما يكون الموضوع
رسمى تتعرض لفيروز بنظرة حتى

اياد: عيب يا معلم متخفش

احمد: اوكى اول ما تكلم اهلك كلمنى وانا
هكلم ابويا

*

**

*

في بيت خالد :

امينة : حمد الله على السلامة هتتغدى

خالد : لا يا ماما انا هاخذ دش ونازل تانى

امينة : شغل

خالد : لا مشوار مع صحابى

امينة : طالما مش مهم بلاش تروح عيزاك

معايا في مشوار

خالد : ضرورى يا ماما

امينة : ضرورى جداً هحضرلك غدا لحد ما

تاخذ دش

(خالد اتضايق جداً لانه كان نازل يشوف
فريدة بس مضطر يروح مع امه)

(-بعد ما خالد خد الدش واتغدى نزل هو
مامته مكنش عارف المكان ومامته كانت
بتوصفه واحياناً كانت بتتكلم فى التليفون
عشان تتأكد من الوصف -)

بعد ما وصلوا العمارة ...

امينة : الدور الثالث شقة ١١

خالد: ههههه هى دى المشكله احنا بقالنا
ساعه بنلف

امينة : اهو الاسانسير جه

خالد ضرب الجرس واتفاجئ بولاء بتفتحه

ولاء : اهلاً وسهلاً يا طنط اهلاً يا خالد اتفضلوا

خالد مصدوم ومش عارف يرد ولا حتى

يمشى بس امه زقته جوا الشقة

سعاد(ام ولاء) : يا مرحب يا مرحب والله

نورتونا ما شاء الله خالد اتغير خالص عن

اخر مرة شوفته

امينة : ما شاء الله ولاء هي اللي بقت

عروسة وزى القمر ربنا يحفظها لك وتفرحى

بيها

سعاد : تعالوا اتفضلوا اقعدوا ده نبيل ووليد

هيفرحوا اوى بخالد

امينة : اه صحيح هما فين

سعاد : نادى يا ولاء نبيل من جوه ، اما وليد

نبطشى النهاردة للاسف بس ان شاء

تتعوض

(سعاد وامينة فضلوا يتكلموا كثير وخالد)

(متجاهل كل حوارتهم وبيتكلم مع نبيل)

سعاد : بس انتِ يا ام خالد كان المفروض

تجوزى خالد بعد خلود على طول

امينة : واللهِ يا ام نبيل احنا

قاطعها خالد : انا يا طنط مبفكرش فى الجواز

والارتباط دلوقتى مش فى دماغى اصلاً

اتصدمت ولاء وامها وام خالد من رد خالد

*

**

*

فى بيت فريدة :

فاطمة : فيروز مفيش اخبار جديدة

فيروز : اخبار عن ايه يا ماما

فاطمة : عن الشاب اللى معجب بفريدة

فيروز : لا يا ماما اخر حاجه الورد اللى بعته

فاطمة : اه يانا يا قلبى نفسي افرح بفريدة

واطمن عليها

فيروز : ان شاء الله خير يا ماما اطمنى

هنا دخلت فريدة ...

فريدة : ايه يا زوزا عامله ايه النهاردة

فيروز : تمام الحمد لله

فريدة : شدى حيلك بقى عشان نخرج

وعشان مذاكرتك

فيروز: متربطيش نفسك بيا يا ديدا لو عايزة

تخرجى اخرجى

فريدة: مش هخرج الا بيك

فاطمة:ربنا يخليكو لبعض يا بنات وافرح

بيكوا يارب

هنا دخل احمد : طب وانا مش عايزة تفرحى

بيا

فاطمة:ههههه وافرح بيك يا حبيبي

احمد: طب ايه مش هتغدينا انا ميت من

الجوع

فاطمة: ساعة والغدا هيكون جاهز

وخرجت فاطمة

احمد: عايزكوا فى موضوع

فريدة وفيروز: خير

احمد: فى عريس متقدم لفيروز

فريدة بفرحة : بجد يا احمد

فيروز متنحة : عريس ليا انا مين ده !!

احمد: هقولك بس استعدى للصدمة

فيروز وفريدة: مين يا احمد

احمد: اياد

فيروز: مين !!!!!!!!

فريدة:اياد مين

احمد: ده واحد زميلنا في الجامعة هو اتكلم

معايا وقالى اخدله معياد مع ابوكى بس

مينفعش اخليه يجى هنا قبل ما اعرف رأيك

انتِ ، هااا بقى ايه رأيك

فريدة: طب هو كويس وفي سنة كام اصلاً

احمد: اخر سنة في صيدلة هيتخرج السنة

دى وبالنسبة اذا كان كويس او لا فانا كلفت

مجموعة من اصحابي يسألوا عليه وفي خلال
يومين هيجيبه قراره

فيروز: طيب لما تسأل عليه وتتأكد انه
كويس هبقى اقولك رأيي ولو انى اشك فى
موضوع انه كويس ده

فريدة: بص يا احمد اسأل عليه ولما تتأكد
منه ومن اخلاقه يبقى نشوف

احمد: بيس هروح اغير هدومى

وبعد ما خرج احمد ...

فريدة: ايه رأيك يا فيروز

فيروز: مش وقته يا فريدة عايزة انام شوية

فريدة: اوكى يا حبيبتي نوم الهنا

*

**

*

في عربية خالد ...

امينة: ايه بقى اللي انت قولته واحنا عند
الناس ده يصح كده

خالد بعصبية: يعنى هو يصح انك تاخذينى
من قفايا زى الخروف واتفاجع بنفسي في
بيت اهل ولاء

امينة: مانا بقالى اسبوع بتحايل عليك نروح
نزورهم وانت بتتهرب منى

خالد: انى اروح عندهم معناه انى عايز اخطب
ولاء

امينة: ومالها ولاء يعنى

خالد: مملهاش بس انا مبحبهاش

امينة: وانا من يوم ما حضرتك اتخرجت
مستنياك تحب ومبتحبش امتى بقى هفرح
بيك لما شعرك يشيب انت مينفعش
معاك الا كده

خالد: لو سمحتِ يا ماما متعمليش حاجه
تخصنى من نفسك على الاقل خدى رأيي

امينة: هتخطب ولاء يا خالد

خالد: لو فضلتي مُصرّة لا هخطب ولاء ولا
غيرها وسبيني اركز في السواقة

*

**

*

بعد اسبوع في بيت فريدة ...

فريدة وفيروز ونيرة قاعدين فى البلكونة ..

نيرة: هااا يا بنات هـنـخرج ولا ايه النظام

فيروز: ما تخلوها بكرة

نيرة: اكيد مش النهاردة بس لازم نتفق

فريدة: انتوا ليه محسنى ان الخروجه دى

مهمة رسمية وعايزة تخطيط ما احنا بقالنا

سنين وقت ما بتهب فى دماغنا نخرج بنخرج

فى ايه يا بنات

فيروز: يا ديدا عشان انا عندى مذاكرة وكده

فلازم نتفق على الخروجه

فريدة: طب اتفقوا انا كده كده عادى اى

وقت مناسب

نيرة: ايه رأيكوا بكرة بعد الشغل وجامعة
فيروز نروح سیتی ستارز نتغدى هناك
وندخل سینما

فيروز: فكرة كويسة وانا اصلاً معنديش كلية
بكرة ايه رأيك يا ديدا
فريدة: كويسة بس نرجع البيت نغير وونفوق
وكده

فيروز ونيرة : اوووكى تمام

هنا دخل احمد ...

احمد: اذيك يا نيرة

نيرة: تمام يا احمد الحمد لله انت عامل ايه
احمد: الحمد لله ، فيروز ممكن لحظة عايزك

فيروز: اوووكى عن اذنك يا نيرو

فى اوضة احمد ...

فيروز: في حاجه ولا ايه

احمد: مقولتيش رأيك في حوار اriad

فيروز: بَص يا احمد انا مش هقدر اتخطب

قبل ما فريده تتخطب

احمد : دى فاتحه يا فيروز وبعدين فريده

مش عايضة تتجوز و انا اصلاً مبتكلمش

عموماً انا بتكلم عن اriad

فيروز : مش عارفه بقى

تليفون احمد رن

احمد: لحظة واحدة .. الو

المُتصل (كريم ابن خال احمد وملازم شرطه

) : احمد اذيك يا معلم بَص انا سألتك على

الحوار اياه

احمد : اهااا طب واياه الاخبار

كريم: مش هينفع فى التليفون تعالى قابلنى

احمد: اوكى انا جاى

ونزل احمد

-----*

-----**-----

*-----

فى كافيهِ ...

احمد: اذيك يا كريم ها ايه الاخبار

كريم : معلش فى السؤال انت ليه طلبت

منى اسالك على الولد ده

احمد : عشان انت ساكن فى نفس منطقته

وبما انك ظابط يعنى تقدر تجيب قراره

بسهولة ولو انك لسه ملازم

كريم:هههههه لا لا انا قصدى ايه سبب

سؤالك عليه

احمد: امممم اها هو متقدم لاختى

كريم : نعم !! متقدم لفيروز ... !!

احمد: اه

كريم : وهى رأياها ايه

احمد: وانت يهكم رأياها فى ايه

كريم: احم ،، طيب انا هقولك اللي عرفته

احمد: ياريت انت بقالك اسبوع بتجبلى

اخباره

كريم: انا سألت ناس كتير وكانت الاغلبية

بتأكد انها

واصل قراءة الجزء التالي

الحلقة الثانية عشر

كريم : انا سألت ناس كتير وكانت الاغلبية بتأكد انه صايح وبتاع بنات ومصاحب بنات كتير اوووى وبيعشم اغلبهم بالخطوبة اوالجواز

احمد : تمام فى حاجه تانية

كريم : وانت عايز اكثر من كده

احمد : يعنى مثلاً بيشرّب مخدرات او ايه اخر علاقاته بالبناات يعنى صحوبية ولا حاجه اكبر من كده

كريم : لا مفيش حد جاب سيرة مخدرات وبعدين اللى يعرف كمية البنات دى كلها والمفروض انه مرتبط بيهم عاطفياً اكيد الموضوع مش مجرد خروج وتنطيط واصلاً

هو بيشر ب سجاير وشيشة مش بعيد عليه
المخدرات يعنى والله اعلم

احمد : انت بتفسرلى حلم

كريم :: ههههههه لا انا بس مش عايز اظلم
الواد

احمد : طب مش يمكن الكلام ده قديم وهو
اتغير

كريم : اتغير مين يا معلم ده كان بيثيش
مع شلة بنات من كام يوم

احمد : والله انا هنقل الصورة لفيروز زى ما
هى ولو انها شكلها مش موافقة

كريم : بجد !! قصدى ولما هى مش موافقة
انت بتسأل ليه ما كنت ترفض وخلص

احمد : هو كلامها كان مايع كده يعنى لا هو
اه ولا لأ بس احساسى بيقول انها مش
موافقة عموماً هروح انا وخلينا على اتصال

كريم :: تمام يا معلم

-----*

-----**-----

*-----

تانى يوم فى شغل فريده :

فريده : انا شاكة فيك انت و فيروز

نيرة : انا و فيروز !! ليه

فريده : الحساس بيقولى الخروجه دى وراها

حاجه

نيرة : ابدأ دى خروجه زى اى خروجه

فريده : متأكده !!

نيرة: هنخرج النهاردة انا وفريدة وفيروز

خالد: فيروز مين !!

نيرة: اخت فريدة

خالد : ااااه طب اختها وضعها ايه

نيرة: ماتخفش اختها عارفة كل حاجه

وهتساعدك معايا

خالد: انا مصر كلها مُتعاطفه معايا ههههههه

طب هتخرجوا فين

نيرة: سیتی ستارز انا مش عارفة اتكلم

دلوقتی لما اروح هكلمك يالا سلام

*

**

*

في جامعة احمد :

اياد: صباح الخير يا احمد ايه الاخبار

احمد : بخير الحمد لله

اياد: وايه اخبار الحوار اللي كلمتك فيه

احمد : معلش يا اياد مفيش نصيب

اياد : ليه ابوك رفضنى كده من غير ما

يشوفنى

احمد : انا مكلمتش ابويا اصلاً ماهو

مينفعش اقدمله واحد انا معرفش عنه

حاجه

اياد : طب متسألوا عنى

احمد : مانا سألت وللاسف محدش قال

كلمة كويسة

اياد : ليه قالوا ايه

احمد : قالوا انك صايح وبتاع بنات ومصاحب
بنات كتير اوووى ومعشم اغلبهم بالخطوبة
اوالجواز

اياد : ومن فينا مش كده ما كلنا كشباب
بنعمل كده ووقت ما بنحب بجد بنسيب
حياة الهلس دى ونستقر

احمد : والله انا قولت كده بس اللى سألتهم
قالوا انك لسه من كام يوم كنت مع شلة
بنات بتشيشوا سوا يعنى بعد ما كلمتنى فى
حوار اختى

اياد: يا احمد والله انا هتغير عشان فيروز
احمد: نصيحة يا اياد لو عايز تتغير اتغير
عشان نفسك وملكش دعوة بأختى عن
اذنك (وسابه ومشى)

*

**

*

في شغل خالد :

خالد : هخرج معاها النهارده .. هخرج معاها
النهاردة (بيلحنها ^_^)

ادهم : لا حول ولا قوة الا بالله انت اتبهلت
يا خالد

خالد : هخرج معاها النهاردة يا ادهومة

ادهم : ادهومة هههههه ده لو ليا صاحبة
تتكسف تقولى ادهومة ،، هتخرج مع مين

خالد : مع فريدة

ادهم : بجد !! انت فعلاً هتخرج معاها بجد

خالد (بنبرة هدوء وحزن): مش بالظبط

ادهم : یعنی ایه مش بالظبط

خالد: هی هتخرج مع صاحبته واختها وهما
اتفقوا معايا انهم هيخلوني اشوفها واتكلم
معاها

ادهم : والله !!!

خالد : اه

ادهم : اراهنك انها النهاردة هتخسر اختها
وصاحبته هههههه

خالد: ليه بتقول كده

ادهم : اولاً عشان بيستغفلوها ثانياً ممكن
تكون مش قبلاك اصلاً وهما كده بيورطوها
خالد: اسكت بقى يا ادهم مضيعش فرحتى

ادهم: انت للدرجة دى حبيتها

خالد: ليه بتقول كده

ادهم: انت هتطير من الفرحة لمجرد انك
رايح تشوفها ومن غير ما هي تعرف امال لو
قالتلك بحبك هتعمل ايه

خالد : هههههه انا ممكن يجزالي حاجه عارف
يا ادهم

جرس تليفون خالد يرن ويقاطعه ...

خالد : ايه الرقم ده

ادهم : مين

خالد : رقم مش متسجل استنى ارد ... الو

المُتصل : الو اذيك يا خالد

خالد : ولاء !!

ولاء : اه انا ده رقمى الجديد

خالد : اهاا عامله ايه

ولاء : تمام ، هو انت ليه خليت مامتك تتكلم

مع امى ليه مكلمتنیش انا

خالد: مش فاهم حاجه انتِ بتتكلمى عن ايه

ولاء: ليه خليت مامتك تقول لامامتى انك

عايز تخطبنى ومتكلمتش معايا الاول

خالد (مصدوم) : نعم !!!!!

ولاء: ايه فى ايه

خالد: معلش يا ولاء انا عندى شغل وده

مش وقت مناسب للكلام

ولاء : اوووى سوري باى

ادهم : فى ايه يا ابنى مين ولاء دى

خالد (حكى لادهم حوار ولاء من اوله

وتوريطة فى الخطوبة)

ادهم : طب وانتم هتعمل ايه

خالد : مش عارف

ادهم : احسن حاجه انك متروحش غير لما
تقابل فريدة وتعرف راسك من رجلك في
الحوار ده لانها ممكن ترفض يبقى ساعتها
تطلعها من دماغك وتفكر في ولاء اما لو
وافقت هنفكر ونشوف تحل الحوار ده

خالد : كلامك صح بس لو

ادهم : متتناقش في الحوار ده الا لما تعرف
رأى فريدة

خالد : اوكى

*

**

*

في بيت فريدة :

فيروز : انت كنت فين يا حمادة

احمد : في الجامعة

فيروز : جامعة !! احنا معندناش حاجه

النهاردة

احمد: لا انا روحت اقابل جماعه اصحابي

بقولك يا فيروز انت كنت موافقة على اriad

فيروز : انت سألت عليه

احمد : جاوبى بس انت عيزاه

فيروز: بصراحة الواد ده مبنزليش من زور

تقيل على قلبى

احمد : كده فل اوى لاني مش موافق عليه

فيروز: انت سألت عليه

احمد: اه والكل بيقول اخلاقه وحشة

فيروز: هااا لا مفيش هقوم اغير هدومي
فريدة ونيرة زمانهم على وصول واحنا
خارجين

احمد : رايجين فين

فيروز : هنتغدى في سیتی ستارز وندخل
سينما

احمد: طب متمشوش لوحدكوا هروح
استأذن بابا واخذ منه العربية اوصلكم وارجع
اخذكم

فيروز: اووكى

-----*

-----**-----

*-----

في احدى الكافتريات

ايمن : مالك يا اياد

اياد: مفيش مصدع شوية بس

ايمن : طيب فُك بوزك ده هتقابل المُمزز اللي

جايين بالبوز ده

اياد: مُمزز ايه

ايمن : بنتين انما ايه مقولكش حاجه اخر

حاجة

اياد: انت عمرك ما قرفت من نفسك يا ايمن

ايمن : اقرف من نفسي !! ليه ان شاء الله

عاملها على نفسي

اياد: يعنى العيشة اللي احنا عايشنها دى

ايمن : مالها عيشتنا ده احنا عايشين احسن

عيشة سُرب وُمُمزز وتهيبس

ایاد : ماهو ده المُقرَف ، انا قرفت من نفسی

ومن عیشتی

ایمن : کل ده عشان البت الوقیع اللی انت

حبیتها هی اللی هتغیرک یعنی

ایاد : انا مش هتغیر عشان حد انا هتغیر

عشان نفسی ، محدش هینفعنی وانا واقف

ادام ربنا

ایمن : فی ایه یاالا انت ، انت عامل ایه دماغ

ایه سطلتک اوی کده

ایاد: انا فوقت یا ایمن ومش هغضب ربنا

تانی انا ماشی سلام

ایمن بینادی علیه : ایاد واد یا ایاد ..

یخریبیتک ده انت لسعت

*

**

*

فی بیت فریده :

فیروز : ایه ده یا فریده هتلبسی ایه کده

فریده : انا لبست خلاص

فیروز : لا استنی الطقم ده مش او ی انتِ

عندك احسن من کده

فریده : بس انا مستریحه فی ده

فیروز: استنی بس

(واختارت فیروز لفریده طقم اشیک

واقنعتها تلبسه ولبسته)

فیروز: حلو او ی قمر یا دیدا

فریده : انتِ اقمر هههه

فيروز: اه صحيح احمد هيودينا بعربية بابا
ويرجع ياخذنا

فريدة : طب استنى اكرم نيرة عشان نعدى
عليها يارب ما تكون خرجت بس

(اتصلت فريدة بنيرة وعرفتها انهم هيعدوا
عليها)

-----*

-----**

*-----

في سیتی ستارز ...

فريدة ونيرة وفيروز بيتغدوا ...

فريدة : نيرة

نيرة: ايوة

فريدة: حاسة انى شوفت خالد ، انتِ شوفتیه

نيرة : خالد مين

فريدة : خالد يا نيرة اللي حكتلك عنه

نيرة : اه وهو ايه اللي هيجيبوا هنا

فريدة : مش عارفه حاسه انى شوفته امم

يمكن بيتهياالى

فيروز : يالا بقى خلصوا عايزة اشترى شوية

حاجات قبل السينما

نيرة: لا خليها بعد السينما

فريدة: لا لسه بدرى على السينما تعالى

نشترى شوية حاجات

نيرة: ولا بدرى ولا حاجه تعالوا نتمشى شوية

(فضلوا يتمشوا وبعد كده راحوا السينما

واختاروا الفيلم ودخلوا)

فى صالة السينما :

(خالد كان قاعد جنب فريدة باتفاق مع نيرة
بس فريدة مش شيفاه عشان الضلمة ،
خالد متكلمش خالص معاها كان يببص لها
بس لحد ما جت استراحة)

خالد بصوت على : حلو اوى الفيلم يا فريدة
مش كده

((فريدة التفت لقيته خالد ، اتصدمت)
وقالت : مين !! ايه ده !! انت بتعمل ايه هنا

خالد: بشوف الفيلم

فريدة بصت لنيرة وفيروز بزعل وخرجت بره
صالة السينما ...

نيرة وفيروز بينادوا عليها وهى مبتردش
وماشية بسرعة لحقوها ...

نيرة لفريدة : ايه الهبل اللي انتِ عملتيه ده

فريدة : انا برضه ، بتستغفلوني جايبني هنا
عشان خالد يشوفني

نيرة : لا مش عشان يشوفك عشان يتكلم
معاك وانت تسمعيه

فريدة : ومين قالكوا اني عايزة اسمعه

نيرة : من حقه انك تسمعيه من حقه انه
ياخد فرصة

فريدة : انت مالك هتفكري مكاني يعني ولا
هتاخدي قرارات مكاني

فيروز : في ايه يا فريدة انت بتتكلمي كده ليه
معها هي دي جزاتها انها خايفة عليك
وعايزة مصلحتك

فريدة : اخرسى انت ، انت مش فاهمة حاجة

فيروز: لا فاهمة كل حاجة وانتِ مش هتيجي

الا بكده

فريدة: يعنى انتِ يا فيروز كنتِ عارفه !!!!

بتضحكى عليا كل ده

فيروز : يوووووه بقى هتقعدى معاه

وتسمعيه يعنى هتقعدى معاه وتسمعيه

فريدة : انتوا اتجنتوا ايه اللي بتقولوه ده

(فضلوا يتكلموا ويزعقوا فى بعض وجه

خالد عليهم) وقال٣

واصل قراءة الجزء التالي

الحلقة الثالثة عشر

خالد جه عليهم وقال : انتِ ليكى حق تزعلى

وتتخانقى بس هما عملوا كده من حبهم

ليكى وخوفهم عليكى هما عايزين

مصلحتك مش اكثر

فريدة : وهى مصلحتى فى انى اسمعك

واتكلم معاك وبعدين

خالد قاطعها : مش يمكن مصلحتك فعلاً فى

انك تسمعينى

فريدة : مش عايزة اسمعك وانا ادرى واحدة

بمصلحتى

خالد بزعيق : هو فى ايه محدش قادر عليكى

، هتسمعينى يعنى هتسمعينى اتفضلى

بقى عشان نقعد فى اى حته

(فريدة اتخضت من اسلوبه فى الكلام

ومعرفتش ترد)

خالد بنفس النبيرة الحادة : يااالا

(فيروز ونيرة شدوها ووصلوا لكافيه)

بعد ما قعدوا :

خالد لنيرة وفيروز : ايه

فيروز : ايه

خالد : ايه انتوا ، ماتتوا عملتوا اللي عليكموا

روحوا بقى كملوا الفيلم خرينا نخلص

ونقول الكلمتين

نيرة : ههههه من اولها بتبيع كده يالا يا فيروز

(ومشيو)

خالد : تشرى ايه ؟

فريده بعصبية : متشكرة قول اللي عندك

عشان نخلص

خالد :: لا بقى ماهو لو اتعصبنا على بعض
لا انا هعرف اشرح ولا انتِ هتعرفى تفهمى ،
ممکن تهدي

فريدة : هديت

خالد : لا اهدي اكر

فريدة : يوووووه

خالد : خلاص يا ستى اسمعى الحوار كله
يتلخص فى جملة واحدة (انا عايز اتجوزك)

فريدة : بُص يا خالد انت انسان كويس واى
بنت تتمناك و.....

خالد قاطعها : لا لا فكك من الجو ده لا ياكل
ولا يشرب معايا

فريدة : جو ايه

خالد : جو بتاع اى بنت تتمناك وانت مفيش
فيك غلطة والمشكلة فيا وانت تستاهل
واحدة احسن منى الجو ده مينفعش فى
قعدتنا دى

فريدة : بس الكلام ده بجد انا مبشتغللكش
خالد : لا يا فريدة الكلام ده انت بتقوليه لاي
حد بيتقدملك وبناء على كده بيمشى نافش
ريشه ومتأكد انه احسن منك ، احنا قعدنا
القاعدة دى عشان فى كلام كتير لازم تفهميه
والا كنت روجت اتقدمتلك بس عشان عارف
انى هترفض زى غيري عشان كده قررت
اتكلم معاكى

فريدة : ايه هو الكلام

خالد : اولاً أنا لو اتقدمتلك فانا اتقدمتلك
عشان عجبتينى مش جوازة والسلام ، ثانياً

انتِ شرطك ان اللى يتجوزك لازم يكون
عارف ظروفك وموافق عليها وانا عارفها
وموافق ، ثالثاً لو كانت دى حجة مش اكثر
فانا فعلاً مستعد اعيش معاكى ولو يوم
واحد والله يا فريدة مش عايز اكثر
فريدة(وكانت بدأت تنسجم مع خالد) :
سكت ليه

خالد :: انا بقول نجيب حاجة نشربها ريقى
نشف هطلب لنا عصير
(بعد ما طلبوا العصير)

فريدة : انت مش فاهم عواقب اللى انت
بتقوله ده

خالد : عواقب !! ايه الاثورة اللى انتِ فيها
دى ، بصى يا فريدة انا مش عايز منك حاجه

غير انك تبقى مراتى مش عايز اكثر من انى
اصحى من النوم ابص فى عينيكِ

فريدة : بس انا ممكن مخلفش

خالد : دى حاجه بتاعة ربنا ، مانا ممكن
اتجوز واحدة مفيهاش حاجه و متخلفش
ويمكن انا اللى مبخلفش اصلاً ، انا انسان
بطبعى مبفكرش ولا بشغل دماغى باللى
جاي او بالمجهول لانه فى ايد ربنا لكن انا
بفكر فى الحاضر انا حبيتك او اعجبت بواحدة
مثلاً سواء انتِ او غيرك .. هحاول اوصلها
واتجوزها اما بقى اللى خلفه والجوده
مبشغلش دماغى بيه واللى ربنا عايزه
هيكون

فريدة (بنبرة اعجاب شديدة بكلام خالد) :
ونعم بالله بس انا مش مصدقة ان كل ده
عشان شوفتنى مرة واحدة

خالد : ههههه والله ولا انا مصدق ، انا طول
عمرى محافظ على قلبى للانسانه اللى
هتجوزها واول ما شوفتك فى المستشفى
شدتيني وتمنيت اكمل حياتى معاكى
فريدة : بس انا حياتى مش مضمونة

خالد : ههههههه مش هتموتى ناقصة عُمر
على فكرة والاعمار دى بتاعة ربنا مش يمكن
انا اموت قبلك

فريدة : بعد الشر عليك

خالد: انا قصدى ان محدش عارف مين
هيموت قبل مين وكلنا اعمارنا مش
مضمونة لانها مش فى ايدينا وبعدين مش
يمكن تحبينى وتسمعى كلامى وتعملى
العملية

فريدة : انا بس عايز اطلب منك طلب

خالد : عيوني

فريدة : متكلمش نيرة او فيروز تانى

خالد : ليه يعنى غيرانة ولا ايه ؛)

فريدة : لا مش فكرة غيرة الموضوع هو انا

محبش احس انى متراقبة

خالد : ده معناه انك هتدينى رقم موبايلك

وهتحددلى معياد مع اهلك صح !!

فريدة : اووكى يا خالد انا هديك رقمى

وقريب هقولك تجى تقابل بابا بس توعدنى

انك مش هتكلم نيرة او فيروز

خالد : اوعدك انى مش هكلم نيرة او فيروز

فريدة : مهما كانت الظروف

خالد : ولو انى شاكك فى الوعد ده ، بس مهما

كانت الظروف حاضر

فريدة : اووكى كفاية كده بقى انا همشى

خالد: ايه الاشتغالات دى فين الرقم

فريدة : اها هات اكتبهولك

بعد ما تبادلوا ارقام الموبايلات ...

خالد : فريدة ، انا بجد اتعلقت بيك اوى

ومبسوط اوى النهاردة ده احسن يوم فى

عمرى

فريدة : ربنا يسعدك كمان وكمان

خالد : طول ما انتِ معايا هبقى اسعد واحد

فى الدنيا

فريدة: يادوب امشى عن اذنك

(ورocht فريدة ونيرة وفيرون)

*

**

*

في بيت خالد :

ايمن اتصل ب اياد

ايمن : ايه ياد الهبل ده انا سبتك لحد ما

تفوق

اياد : ومين قالك اني كنت مسطول

ايمن : لا والله وده طبيعي

اياد: هو ده الطبيعي اللي انا كنت فيه هو

اللي مش طبيعي

ايمن : انا نفسى اعرف ايه اللي شقلب

حالك كده

اياد لنفسه : امتى هتقتنع يا ايمن ان انا
فوقت ومش عامل دماغ ، ربنا يهديك

*

**

*

بالليل فى بيت فريدة :

فريدة قاعده لوحدها فى البلكونة بتعيط
دخلت عليها فيروز اتخضت وسألتها

فيروز : مالك يا فريدة بتعيطى ليه حصل
حاجه

فريدة : مخنوقة شوية

فيروز : من ايه بس ؟ انتِ لسه زعلانه منى
انا ونيرة

فريدة : لا مش زعلانة منكم انتوا برضه

عايزين ليا الخير

فيروز : طب خالد قالك حاجه تضايقك

(هنا زادت فريدة فى العياط)

فيروز : يبقى هو خالد اللي يضايقك فى ايه يا

فريدة هو قالك ايه

فريدة (وهى بتحاول تهدأ) : فاكرة يا فيروز

لما قولتى لاحمد هو ليه اى عريس بيتقدم

لفريدة مبيرجعش تانى

فيروز بتوتر : مين قالك انا مق.....

قاطعتها فريدة : انا سمعتك يا فيروز

ومزعلتش منك بس خالد وضحلى حاجات

انا مكنتش واخدة بالى منها

فيروز : مش فاهمة !!!!

فريدة : بيقولى ان اللى بيتقدملى بيمشى
وهو فاكر نفسه احسن منى بسبب انى بقوله
انت انسان كويس واى واحدة تتمناك
وبسبب

فيروز قاطعتها : يا ستى اهم راحوا لحال
سبيلهم فكك منهم خلىنا فى اللى جاى خالد
(فريدة عيطت تانى -معلش يا جماعة كانت
مخنوقة اوى ^_^ -)

فريدة وهى بتعيط : ماهى المشكلة الاكبر
فى خالد ، صعبان عليا نفسى اوى ان فى
واحد زى خالد بيحببنى كده وفى نفس الوقت
انا مش قادرة اقرب منه

فيروز : مش قادرة تقربى منه ليه اظن خالد
انسان كويس وعارف كل ظروفك ومش
مُعترض وفوق ده كله بيحبك واوى كمان

فريدة : انا انجذبت لخالد جداً بس مش
هقدر اظلمه

فيروز : يا ستى الرجل راضى انك تظلميه

فريدة : انا مش انانية يا فيروز انا مش هقدر
اقرب من خالد

فيروز : انتِ اتصلتى عليه

فريدة : لا انا قافلة الموبايل وبكرة هغير
الخط

فيروز لسه هتتكلم فريدة اتكلمت وقالت :
انا داخله انام تصبى على خير ولو سمحتى
يا فيروز متكلميش خالد او نيرة (ودفنت
فريدة دماغها تحت المخدة وانهارت من
العياط)

*

**

*

في بيت خالد :

امينة: انت كنت فين كل ده

خالد : كان عندي شغل يا ماما مانا كلمتك
وقولتلك

امينة : بس انت اتأخرت اوى

خالد : معلىش اصل بعد الشغل قابلت
جماعه اصحابي

امينة : هتتعشى

خالد : لا انا اتعشيت برا ، ماما انتِ كلمتى

اهل ولاء في حاجه

امينة : مش بالظبط

خالد : يعنى ايه

امينة : يعنى قولت لام ولاء تجس نبض ولاء
عشان انت متخرجش لما تتقدم

خالد : ومين قالك انى هتقدم لولاء اصلاً

امينة : يا ابنى مالها ولاء وبعدين مش انت
قولت انك شوفتها فى المستشفى وأعجبت
بيها

خالد : يا ماما ولاء كويسة جداً بس انا
محبهاش ثانياً اللي شوفتها فى المستشفى
واحدة تانيه خالص غير ولاء

امينة : مانى متعرفش عنها حاجه ومش
عارف توصلها

خالد: يعنى انت عارفة انى مكنتش اقصد
ولاء

امينة : وهتفرق ايه ولاء من غيرها ما كلهم

بنات

خالد : تفرق فى ان انا بحب مين ، وبعدين
واضح كده ان ام ولاء اتكلمت معاها مباشرة
لان ولاء اتصلت تسألنى

امينة : يادى الخيبة ، يبقى كده انت لازم
تتقدملها لانك لو متقدمتش هتخرجنى مع
ام ولاء وهتكسر قلب ولاء

خالد : ما يولع قلب ولاء المهم قلبى انا
ميولعش ومينفعش بعد ما وعدت البنات
اللى بحبها اروح اقولها عن اذنك هخطب
واجيلك

امينة : طيب بص بما انك لقيت الست هانم
اللى بتحبها يبقى نتفق اتفاق ، لو مكناش

على اخر الاسبوع ده فى بيتهم بنخطبها

متجلبش سيرتها وهتخطب ولاء

خالد (بثقة) : ماشى موافق

-----*

-----**-----

*-----

فى كافيہ :

ايمن قاعد بيشيش كعادته مع مجموعه من

اصحابه بنات وولاد جت عليه رغبة ...

رغبة : لو سمحت يا ايمن عيزاك

ايمن : خير يا رغبة ، اقعدى بس الاول

رغبة : لا مش هقعد وياريت تقوم معايا

عيزاك لوحدنا

ايمن : حاضر يا ستى ..

(وقام معاها وقعدوا على تربيذة لوحدهم)

رغدة : انت مالك بقى فى ايه

ايمن : مالى مانا كويس اهو

رغدة : زعلان منى ليه

ايمن : انا مش زعلان انتِ اللى مبتسمعيش

الكلام

رغدة : مانت بتقول كلام غريب ، ازاي اعرفك

بقالى اسبوعين بس واروح معاك بيتك

ايمن : وهى هتفرق اسبوعين من سنتين

مش احنا فى النهاية بنحب بعض

رغدة : ايوة يا ايمن بس

ايمن يقاطعها : انا مبحبش البسبسه دى ،

انت شكلك اصلاً مبتثقيش فيا

رغدة : لا يا ايمن انت عارف انى بثق

ايمن : امال ايه المشكلة بقى

رغدة : ميصحش انى اعمل كده

ايمن : يا حبيتى انا عايز اقعد معاكى على

راحتنا من غير ما احس ان كل العيون

بتبصلنا

رغدة : خلاص يا ايمن هفكر واكلمك

ايمن : على اقل من مهلك بس اهم حاجه

فى الاخر متزعلنيش

*

**

*

فى بيت فريدة :

فيروز قاعده مع احمد فى اوضته بيذاكروا ،

دخلت عليهم مامتهم جايلهم عصير

فاطمة : اخبار المذاكرة ايه

فيروز : الحمد لله

احمد :حاجه قرف

فاطمة : احمد ربنا على الوحشة قبل الحلوة

احمد : الحمد لله طبعاً ، هو مفيش

ساندوتش مع كوباية العصير دى

فيروز : خلينا نخلص مذاكرة وبعدين ناكل

انت لما بتاكل بتنح ومبتذاكرش

فاطمة : اخص عليكى يا فيروز ، هروح يا

حبيبي اعملك اسطول ساندوتشات بالعند

فى فيروز

فيروز : دلعى فيه كده ماهو الواد الحيلة

فاطمة : هى الساعه كام

احمد : ١١ ونص

فاطمة : طب هروح اصحى فريدة عشان

عندها دوا

فى اوضة فريدة ..

قعدت فاطمة جنب فريدة وبدأت تصحيحها

لكن فريدة مكنتش بتصحى فكشفت

فاطمة الغطا من على دماغ فريدة

فاطمة صرخت : الحقووووووونى الحق يا

محمود فريدة٢

واصل قراءة الجزء التالي

الحلقة الرابعة عشر

محمود واحمد وفيروز سمعوا الصوت

وجريوا على اوضة فريدة

محمود: فى ايه يا فاطمة مالها فريدة

فاطمة بتعيط :بصحيحها مبتردش عليا ولقيت

دم على المخدة

محمود : دم !!!

فاطمة : اتصرف البنت هتروح منى

محمود : احمد روح خبط على عمك ياسين

اللى فى الدور اللى تحت وقوله اللى حصل

خليه يجى بسرعه

احمد : حاضر يا بابا

فاطمة : ياسين مين البنت لازم تتنقل

مستشفى

محمود : اصبرى يا فاطمة دكتور ياسين

هيشوفها ممكن يكون ده من زعل مش

عايزين نستعجل

فاطمة : يا برودك !!! البت غايبة الوعى
وبتنزف وتقولى منستعجلش بت يا فيروز
كلمى اى مستشفى يبعثوا اسعاف

فيروز : يا ماما اهدى بابا بيتكلم صح انا قبل
ما اسيبها كانت زعلانة

فاطمة بانهييار : يا ناس دى مريضة قلب اى
غلطة ممكن تروح فيها

(وهنا دخل دكتور ياسين واحمد ، بدأ دكتور
ياسين يكشف على فريدة واول حاجه قاس
الضغط)

ياسين: فريدة ضغطها على جداً والدم ده
بسبب شعيرات فى منخيرها نزفت من علو
ضغطها

فاطمة ومحمود فى نفس واحد: محتاجه
تتنقل مستشفى

ياسين : لاسف اه هى حالتها مش خطيرة
بس عشان ظروفها الصحية أفضل انها
تتنقل مستشفى

(وبالفعل اتنقلت فريدة للمستشفى
وظبطولها الضغط واخذت مهدأ وعملت
تحاليل واشاعات للاطمئنان على القلب
وكل حاجه تمام وخرجت من المستشفى
الصباح)

-----*

-----**-----

*-----

الصباح فى شغل خالد:

ادهم : صباح ال بوزك ده ميوحيش بخير،

ايه اللى حصل

خالد: حصل كل خير

ادهم : امال مبوز ليه

(حكى خالد لادهم كل اللى حصل فى مقابلة

فريدة)

ادهم : طب ما تمام اوى اهو فى قبول

وهتكلمك عشان تقولك امتى تجى تقابل

ابوها

خالد: ما هى المشكلة ان من ساعة ما

مشيت وموبايلها مقفول

ادهم : بص هو منطقى يعنى انها مش من

اول يوم تدلق زى الجردل وتكلمك حتى لو

عايزة تكلمك من باب البرستيچ تتقل عليك

بس لو انت قلقان كلم صاحبته

خالد : ما هى خلتنى اوعدھا ان مهما كانت

الظروف مكلمش صاحبته او اختها

ادهم : امممممم البت دى مش سهلة

خالد : بت فى عينك ما تتكلم عدل عنها

ادهم : يا سيدى اسف بس هى مش سهلة

باللى عملته ده هى كانت بتاخذ حضرتك

على قد عقلك

خالد : ايه !!! بتسكتنى يعنى !!! ازاي انا

عارف بيتها وشغلها يعنى مش سهل تخلع

منى

ادهم : اصبر يومين لو متصلتش روح لها

شغلها

خالد : يومين :)

ادهم : هههههه مش مستحمل يومين يا

كميلة

خالد : اه صحيح نسيت اقولك اللى حصل

مع ولاء (وحوكاله)

ادهم : انت لازم تقابلها او تكلمها حتى
وتفهمها عشان متعلقش بيك اكر

خالد: عندك حق النهاردة هكلمها

-----*

-----**-----

*-----

فى بيت فريدة:

فيروز: معلش يا ديدا مضطرة اسيبك واروح
الجامعه عندى سيكشن مهم

فريدة : لا يا حبيبتى انا كويسة جداً الحمد
لله وبكرة هنزل شغلى ان شاء الله بس
معلش كلمى نيرة وفهميها اللي حصل

فيروز: اوكى انا نازلة سلام

فاطمة : ممكن اعرف كان مالك امبارح وايه
وصلك لكده

فريدة : مفيش يا ماما كنت مخنوقة شوية

فاطمة : من ايه بس يا حبيبتى

(فريدة سكتت شوية وسرحت بس قررت
انها تحكى لمامتها وحكت لها حوار خالد من
اوله لآخره)

فاطمة : يا بنتى متحسببها شوية بمشاعرك

فريدة : واظلمه يا ماما

فاطمة : اذا كان هو مش محملك اى

مستولية وبيقولك انه هيبقى مبسوط

فريدة: يا ماما هو بيقول كده عشان الممنوع

مرغوب

فاطمة : خلاص هو يجى يقابل ابوكى
ونعمل خطوبة ونشوف بقى فى فترة
الخطوبة هيحصل ايه

فريدة : لا يا ماما

فاطمة : يا بنتى طاوعينى واسمعى كلام
امك تكسبى خرينا نعمل خطوبة اهى دى
بقى مفيهاش ظلم ، قولى موافقة بقى
ريحي قلب امك

فريدة : ماشى يا ماما لو كان ده هيرحك

فاطمة : ان شاء الله انتِ اللى هتكوني
مرتاحة ده انا نفسي اعمل فرح لمجرد انك
غيرتى فكرتك عن موضوع الارتباط

فريدة : ماما احنا قولنا خطوبة مؤقتاً

فاطمة : خطوبة خطوبة انا راضية بركاتك يا

شيخ خالد

*

**

*

في جامعة احمد وفيروز :

رغدة واقفة مع فيروز واصحابها شافت اياد

استأذنت منهم وراحت له

رغدة : صباح الخير يا اياد

اياد: صباح النور اذيك يا رغدة

رغدة : تمام الحمد لله ، انت تعرف ان انا

وايمن اتصاحبنا

اياد : والله لحقتوا بالسرعة دى ؟!!

رغدة : يعنى قربنا لبعض واتفقنا بسرعه

واتصاحبنا

اياد: مبروك

رغدة : انا عايضة اسألك عن ايمن تعرف عنه

ايه

اياد: اعرف عنه كل حاجه بس اكيد عمرى ما

هقول حاجه وحشة على صاحبي

رغدة: بس انا بنت وانت واجب عليك

تنصحنى وتوعينى

اياد: انت طول عمرك ماشية بدماغك يا

رغدة وياما نصحتك تحافظى على نفسك

وعلى سمعتك وانت مسمعتيش الكلام

اشمعنى دلوقتى طالبة النصيحة منى

رغدة: عشان ايمن صاحبك واكيد انت تعرفه

كويس

اياد: ماللى حذرتك منهم قبل كده كنت

اعرفهم كويس

رغدة: اللي فات حاجه وايمن حاجه انا بحبه

بجد

اياد: اوووووبس انتِ برضه عايزة ايه

رغدة : هو ايمن كويس ، شخص اثق فيه

اياد: اشمعنى

رغدة: بصراحة كده هو طلب منى اروح معاه

بيته وانا محتارة

اياد: محتارة !!! تيت (قال كلمة عيب : D)

رغدة : ايه ده يا اياد عيب اللي بتقوله ده

اياد: واللى انتِ بتقوليه ده مش عيب!!

محتارة فى ايه !! واحد مصاحبك مقدرش

اقول بيحبك بيقولك تعالى بيتى هيكون

عايزك هناك ليه هتقروا قرآن سوا واللى

هتصلوا جماعه

رغدة: انت قصدك ان ايمن مش كويس

اياد: انا مقصدش ايمن بس اى ولد يطلب

حاجه زى كده بيقى نيته مش خير

رغدة : اسمع بس انا ع.....

اياد قاطعها : خلاصة الفكسان اللى بتقوليه

ده انك لو روحتى هتبقى رخصتى نفسك

زيادة عن اللزوم وابقى اشربي بقى نتيجة

غلطك ، سلام

*

**

*

في شغل خالد :

خالد كان خلص شغل ونزل عشان يروح

وبعد ما ركب عربيته قرر انه يكلم ولاء ..

خالد: اذيك يا ولاء

ولاء : تمام يا خالد الحمد لله انت عامل ايه

خالد: بخير كنت عايز اتكلم معاكى فى
موضوع بس اتمنى يفضل بينا عشانك انتِ

ولاء : موضوع ايه

خالد : موضوع الخطوبة فى حاجه انتِ لازم
تفهميها

ولاء(بتحاول تخبى فرحتها): حاجه ايه

خالد: انى بعزك جداً وباحترمك جداً جداً انتِ
فعلاً عالية عليا بحكم الجيرة العشرة بس

.....

ولاء(بقلق): بس !! بس ايه يا خالد

خالد : بس انتِ زى خلود اختى

ولاء(بصدمة): اختك !!!! امال ليه اتقدمتلى

*

**

*

في بيت نيرة :

كوثر (جدة نيرة) : انا نفسى افرح بيك

واطمئن عليكى قبل ما اموت

نيرة: بعد الشر متقوليش كده

كوثر: طب انتِ متقدملك عرسين والاتنين

بصراحة احسن من بعض اختارى واحد

منهم ولا انتِ في حد تانى

نيرة: ولا تانى ولا تالت والله يا ماما بس مين

العرسال دول

كوثر:الاول اسمه مُعتصم محاسب في شركة

هو تبع ابوكى وابوكى هو اللى طلب منى

اكلمك عنه

نيرة: مُعتصم !! الاسم ده مش غريب عليا

اسمه مُعتصم ايه

كوثر : والله ما فاكرة يا بنتى

نيرة: والتانى !!

كوثر:محمد ابن خالك ممدوح

نيرة : ههههه محمد ابن خالى

كوثر : وبتضحكى ليه

نيرة: اصل محمد ده طول عمره بيتكسف

منى ومبيرضاش يتكلم معايا خالص

كوثر: اهو اللى بيتكسف كبر واتجرأ وبقى

عايز يخطب

نيرة: خلاص يا ماما ادينى بس وقت افكر

كوثر: ماشى يا بنتى ربنا يريح قلبك وفكرك

*

**

*

في سنتر كورسات :

احمد وفيروز خلصوا كورس ..

احمد: هتعرفي تروحي لوحديك

فيروز: لا الغول هياكلني اكيد يعنى اعرف

احمد: ابو استظرافك المهم انك هتروحي

لوحديك

فيروز: ماشى يا عم بس ليه

احمد: رايح اقابل كريم ابن خالك

فيروز(بلهفة):كريم !! بس انا لو روحت

لوحدي امك هتقلق يا عم وهتعامل مناحه

احمد: مانا لازم اقابله

فيروز: ليه يعنى خير

احمد: معرفش هو قالى عايز اقبالك ضرورى

فيروز: خلاص بقى اجى معاك ونروح سوا

احمد: افرضى عايزنى فى حاجه سر

فيروز: هطلب ايس كريم واقعد فى ترايبزة

لوحدى

احمد: هههههه لا مينفعش استحملى

وروحى لوحدك

فيروز: انت هتقابله فين

احمد: هو قالى هيعدى عليا هنا بعربيته

فيروز: يا اخى طب ما توصلونى بالعربية

وبعدين تخرجوا بدل ماخذ تاكسى

احمد: تصدق ماجتش فى بالى

فيروز : عشان انا مش في بالك

احمد : طب روى اقعدى جوا لحد ما يجي

فيروز: اوكى

-----*

-----**-----

*-----

في بيت نيرة ...

نيرة اتصلت ب فريده

نيرة: عاملة ايه دلوقتى

فريده: احسن الحمد لله هنزل الشغل بكرة

نيرة: استريحى كام يوم يا فريده

فريده: لا انا مبحبش قعدة البيت

نيرة: اللى يريحك يا حبيبتى ، كنت عايضة اخد

رأيك فى حاجه

فريده : خير

نيرة: انا متقدم لى عريسين

فريده: اتنين مرة واحدة ، طب انا اعرف حد

فيهم

نيرة: الاول مُعتصم مُحاسب ابن صاحب بابا

والتانى محمد ابن خالى ممدوح

فريده: مش محمد ده اللى بيشتغل مُترجم

فى شركة

نيرة: اه هو

فريده: طب انتِ عارفة مُعتصم ده

نيرة: اه بيتهيألى بس هو فى مُشكلة دلوقتى

فريده: مُشكلة ايه

نيرة: مُعتصم ده تبع بابا ولو رفضته بابا
هيقول امك هي اللي وزتك عشان تجوزي
ابن ابنها ولو وافقت ماما هتقولي عشان تبع
ابوكي

فريدة : لا لا مامتك مش هيفرق معاها
محمد من مُعتصم هي هتبقى عيزاكي
مبسوطه ومطمئنه عليكى بس قوليلي بقى
انتِ عايزة مين

نيرة: محمد ابن خالي طبعاً اللي نعرفه
احسن من اللي منعرفوش

فريدة : هو ده السبب بس

نيرة: دلوقتي ازاي اوافق عليه من غير ما بابا
يزعل

فريدة: بُصي يا ستى ، انتِ هتقولي لامامتك
انك موافقة على محمد بس مش عايزة

الصوت : اذيك يا فيروز !!٢

واصل قراءة الجزء التالي

الحلقة الخامسة عشر

فيروز: اياد !!!

اياد : انا عايز اقولك حاجه

فيروز: لو سمحت يا اياد امشى احمد واقف

بره ولو شافك

اياد يقاطعها : انا مش خايف منه انا دخلت

البيت من بابه على فكرة

فيروز : وانا رفضتك

اياد : ممكن اعرف السبب

فيروز : اولاً لان الانطباعات الاولى تدوم واكيد

انت فاهمني وثانياً لاني مبحبكش

اياد : وهتخبيني ازاي وانتِ متعرفنيش

فيروز : اياد انا لا عايضة اعرفك ولا احبك

وياريت تسبني في حالي كفاية اوى اللي

عرفته عنك من احمد ومن رغبة

(في الوقت ده كان كريم وصل واحمد قاله ان

فيروز جوا ودخلوا هما الاتنين يجيبوها

وشافوها مع اياد)

احمد : اياد !!! انت بتعمل ايه هنا

كريم بصوت واطى : اياد !!!!!

اياد : انا

احمد: انت ايه ، مش قولتلك مفيش نصيب

وملكش دعوة بيها ..(لفيروز) وبعدين انتِ

ايه اللي موقفك معاه (وشدها من دراعها)

اياد: اهدى يا احمد هى مكنتش عايزة توقف

معايا والله وبعدين انا مكملتش دقيقة

احمد: وحياء ابويا لو شوفتك واقف معاها

تانى ولا حتى بتبصلها مش هعديها لك يا اياد

(اياد مشى من غير كلام ، احمد بيبيص

لفيروز نظرة كلها غضب ، وكريم واقف

متضايق وغيران على فيروز)

فيروز: والله يا احمد ما اتكلمت معاه دقيقة

كامله هو قالى

احمد بعصبية: خلاص مش عايز اعرف قالك

ايه اللي حصل حصل بس اخر مرة اشوفك

بتكلميه

كريم : ولو اعترض طريقك بنظرة حتى

عرفينى

فيروز لكريم : ما سيادتك لو كنت جيت في

معادك مكنش كل ده حصل

كريم بابتسامة عريضة : مانا لو اعرف انك

هنا كنت جيت بسرعة البرق

فيروز بابتسامة اعرض : يا سلام ايه البكش

ده

كريم بحنية : لا والله مش بكش بتكلم جد

احمد : ياختى جميلة !! اجيلكوا شجرة واتنين

ليمون ولا نجيب المأذون على طول

(فيروز وشها احمر واتحرجت من كلام احمد)

كريم : ايه يا عم الفصلان ده بنت عمتى

وبرحب بيها

احمد: يالا بينا من ام المكان ده (وركبوا

العربية وراحوا كافيه)

كريم : بصوا بقى انتوا الاتنين انا عايز ابويا
وعمتى يتصالحوا

احمد : بس الحوار ده عدى عليه سنين

كريم : ماهو عشان عدى عليه سنين زمانهم
هديووا وبعدين مينفعش يفضلو ا كده احنا
المضرورين

احمد : مش عارف والله انا عمر الفكرة دى
ما خطرت على بالى

كريم : لازم نعمل كده ونفكر سوا

فيروز: كريم بيتكلم صح احنا لازم نصالحهم
على بعض

احمد : امممم طب هنصالحهم ازاي

كريم : وانا لو عارف هسألك

فيروز: انا عندى فكرة

كريم : ايه هي

فيروز : هقول لماما ان خالو عيان ولازم تزوره

احمد : بس خالك هو اللي غلطان في امك
ومفروض تجى منه هو سورى يا كريم بس
هي دى الحقيقة

كريم : خلاص نقول لابويا ان عمى هي اللي
تعبانه

احمد : امممم اوكى قول كده وبلغنا الاخبار

كريم : تمام(وقعدوا شوية وبعد كده روحوا)

-----*

-----**

*-----

تانى يوم الصبح فى شغل فريدة :

فريدة اتصلت ب خالد

فريدة : سلام عليكم

خالد : وعليكم السلام ورحمة الله وبركاته ،

اذيك يا فريدة

فريدة : الحمد لله انت عامل ايه

خالد: بصراحة زعلان انتِ فين من ساعة ما

كنا مع بعض

فريدة : معلش حصلت ظروف

خالد : ظروف ايه خير

فريدة : تعبت شوية وروحت المستشفى

خالد : تعبتى ومستشفى وانا معرفش يا

فريدة

فريدة : انا بقيت كويسة يا خالد الحمد لله

خالد : الحمد لله يارب دائماً ، هاا مفيش

جديد

فريدة : انا كلمت ماما وحكت لها وقاتلتى

اكلمك عشان تجى تقابل بابا

خالد (بفرحة) : بجد طب امتى

فريدة : شوف اليوم اللى يناسبك وانا هبلغ

بابا

خالد : النهاردة

فريدة : هههه لا مش للدرجه دى يوم

الخميس كويس

خالد : كمان يومين يعنى اوكى ماشى ولو

انه بعيد

فريدة : اوكى هنستناك على خمسة العصر

كده

خالد: طب متخليها ستة يكون المغرب أذن

فريدة : لا معلش خليها خمسة التوقيت ده

هيفرق معايا اوى

خالد : ممكن اعرف ليه

فريدة : لما تجى ان شاء الله هتعرف

وهكلمك تانى لما اتأكد من موافقة بابا

خالد : اوكى بس انا هاجى لوحدى

فريدة : وبالنسبة لاهلك

خالد: خلى المقابلة الاولى بينى انا وبياكى

بس ولما يوافق ان شاء الله هجيب امى

واخويا ونجى تانى

فريدة : اوكى هروح انا عشان شغلى وعشان

معطلكش عن شغلك

خالد: خدى بالك على نفسك ، سلام

*

**

*

في بيت خالد :

خالد : ماما انا هروح اتقدم ل فريدة

امينة : فريدة مين ؟

خالد : البنت اللي انا كنت قولتلك عليها ولا

انتِ لسه عايضة ولاء

امينة ما هما رفضوك اصلاً

خالد (بارتياح) : احسن

امينة : وهنروح امتى

خالد : انا هروح الاول يوم الخميس اقابل

ابوها ولما يوافق نحدد معياد تانى ونروح انا

وانتِ وايمن وعمى فؤاد

امينة : ماشى يا ابنى ربنا يكتبك اللى فيه

الخير ان شاء الله

ايمن : وانا كمان يا ماما ادعيلي

امينة : ويكتبك الخير يا ايمن يا حبيبي

خالد : راح فين كده

ايمن : رايح ل اياك

امينة : مش خالد اخوك هيخطب

ايمن : والله بجد

خالد : اه ان شاء الله

ايمن : الف مبرووك يا خالد

(هنا تليفون ايمن رن ، ايمن رد وحاول

ميوضحش حاجه من المكالمه)

ايمن : ايوة

رغدة: انت فين يا ايمن

ايمن : اهاا موجود

رغدة :ممكن تجى تقابلنى دلوقتى

ايمن : لا مش هينفع

رغدة : طب ولو قولتلك انى موافقة على

اللى طلبته

ايمن : طب ان شاء الله هشوف وهكلمك .

سلام يا معلم

ايمن : طيب انا نازل بقى عشان اياك

مستنينى سلاما

*

**

*

فى شغل فريدة :

نيرة : يالا بينا يا فريدة

فريدة : ممكن نروح نتغدى فى اى حطة عايزة
اتكلم معاكى شوية

نيرة : خير

فريدة : يالا بس وهنتكلم

(فى مطعم.)

نيرة : خير بقى يا بنتى

فريدة : هو انتِ هتوافقى على محمد ليه

نيرة : ليه يعنى السؤال ده

فريدة : اصلك قولتى امبارح كلمة كده فى
المكالمه بس انا مكنش عندى مزاج اتكلم

نيرة : كلمة ايه

فريدة : قولتى انك هتوافقى عليه من باب
اللى نعرفه احسن من اللى منعرفوش فى
حين ان ممكن يكون مُعتصم احسن من
محمد بس انا مش عيزاكي تبصى للجواز
من مُنطلق مين احسن او اللى نعرفه
احسن من اللى منعرفوش

نيرة : انا مش فاهمة حاجه يا فريدة انتِ
عايزة تقولى ايه

فريدة : عايزة اقولك اتجوزى اللى بتحبيه يا
نيرة

نيرة (باندهاش) : ايه ده !! مين اللى بيتكلم
الكلام ده ، فريدة !!!!

فريدة : وايه المشكلة ان لما اقول الكلام ده

نيرة : انت حبيتى خالد ؟

فريدة : حبيته !! مزنش ممكن اكون اعجت
او انبهرت بيه بس لسه موصلتش لحب
وبعدين خلىنا فيكى

نيرة : بصى يا فريدة ، انا ومحمد متربين
سوا بحكم وفاة امى وانا فى عمارة واحدة
وكنا قريبين اوى من بعض رغم انه خجول
بس لما دخلنا الجامعه محمد بعد معرفش
ليه ، من حوالى اربع شهور محمد رجع
يقربلى تانى بس بحدود عشان هو خجول
وانا بصراحة مرتحاله وكنت معجبة بيه او
يمكن بحبه الله اعلم بقى

فريدة : طب كويس اوى طمنتينى عليكى يا
بت انتى

نيرة: هههههه اطمنى قوليلى بقى اخبار
موضوع خالد ايه

فريدة : هيجى يقابل بابا يوم الخميس ولو
اتفقوا هيجيب اهله ويجي تانى ان شاء الله

نيرة : ان شاء الله يا حبيبتى يالا بينا بقى
عشان اتأخرنا(ومشيوا)

-----*

-----**-----

*-----

فى خلال اليومين دول

-فاطمة كلمت محمود عن خالد ووافق انه
يقابله

-كريم اقنع ابوه ان كفاية خلافات مع فاطمة
كده ولازم يصلحها ، وبالفعل راح زارها
وخلصت المشاكل اللى بينهم

-نيرة قالت لجدتها انها موافقة على محمد
بس تستنى شوية لحد ما ابوها يصرف نظر
عن مُعتصم

-ايمن لسه مش عايز يكلم رغده عشان
تقتنع اكثر انها تروح معاه الشقة

*

**

*

يوم الخميس فى بيت فريدة :

محمود : هو قال انه جاى امتى

فريدة : خمسة يا بابا

محمود : يا بنتى دى الساعة داخلة على

خمسة ونص

فاطمة : الغايب حجته معاه يا محمود

احمد : طب ممكن آكل ساندوتش لحد ما
يجى ولا المفروض افضل متمسمر فى
الكرسي كده وبعدين هو انا لازم اقبله
فاطمة : طبعاً يا حبيبي مش انت اخوها
الرجل

محمود : يعنى من اولها كده مواعيد بايظة

فاطمة قالت ل فريده بصوت واطى : ما

تكلميه يا فريده تشوفيه فين

فريده بعصبية : لا يا ماما مش هكلمه عايز

يجى اهلاً وسهلاً مش عايز يبقى اريح

هنا جت فيروز من اوضتها وقالت : الحقى

يا فريده الحقى+

واصل قراءة الجزء التالي

الحلقة السادسة عشر

فاطمة : فى ايه يا فيروز

فيروز:تعالى بس يا فريدة

فريدة : يووووه فى ايه ما تقولى

فيروز : قومى معايا

(وقامت فريدة مع فيروز ودخلوا بلكونة

اوضتهم)

فيروز : خالد جه تحت شوفت تحت بيركن

عربيته

فريدة : يخربيتك وقعتى قلبى

فيروز : انا كنت عيزاكى تبقى اول واحدة

تشوفيه

(بعدها طلعاوا الريسبشن تانى)

احمد : فيروز هو انت عارفة خالد مينين O.o

فاطمة : مش وقته الرجل طالع يالا يا ديدا

ندخل جوا

(دخلت فريدة وفيروز وامهم جوا ، ومحمود

واحمد استقبلوا خالد في الريسبشن وفيروز

واقفة ورا الباب بتشوفهم بيقلوا ايه ^_^)

خالد :معلش أتأخرت بس الطريق زحمة جداً

محمود : ولا يهملك يا ابني اتفضل

خالد : انا خالد ، ٢٧ سنة ومهندس معمارى ،

عايش فى المعادى مع والدتى واخويا الصُغير

، والدى متوفى وعندى اخت متزوجة

ومسافرة بره ، مرتبى

محمود : لا مُرتب ايه انا ميفرقش معايا

الكلام ده ، انا بس يهمنى اعرف انت متأكد

ان ظروف فريدة الصحية مش هتأثر عليكوا

قدام

خالد : حضرتك انا عارف ظروف فريدة قبل
ما اطلب منها انى اخطبها يعنى مش مثلاً
عرفت بعد ما طلبت فأخرجت ارجع فى
كلامى انا شوفت فريدة فى المستشفى
بالصدفة وروحت سألت عليها وعرفت كل
حاجه ومع ذلك اصريت انى ارتبطت بيها

احمد : معلىش بس فى السؤال ، بعد اذنك يا
بابا طبعاً ، هو ليه حضرتك مجبتش حد من
اهلك معاك ،

خالد : انا اتفقت مع فريدة على كده انى
هاجى الاول لوحدى وبعد ما تتفق ان شاء
الله اجيب اهلى

محمود : مفيش مشكلة الجيات اكران
شاء الله

(هنا أذن المغرب)

خالد : طيب ممكن ننزل نصلى المغرب

محمود (بابتسامة وراحة شديدة ل خالد) :

طبعاً فى مسجد فى اخر الشارع

(ونزل محمود وخالد واحمد المسجد يصلوا

المغرب ورجعوا)

محمود (دخل علي فاطمة وبناتها) : اطلعوا

اقعدوا معنا شوية

(خرجوا قعدوا شوية وخالد ومحمود اتكلموا

ومحمود عرف خالد اكثر وارتاحله وبعدها

خالد مشى)

بعد ما مشى....

محمود : الرجل شكله كويس بس برضه

هسأل عليه

فاطمة : ان شاء الله خير

محمود : طب انتِ ايه رأيك يا فريدة

فريدة(بابتسامة) : انا موافقة يا بابا ، خالد
شكله انسان كويس ومحترم

محمود : انا واثق اني لما اسأل عنه هسمع
اخبار حلوة

فاطمة وفريدة : ان شاء الله

-----*

-----**-----

*-----

تانى يوم بعد صلاة الجمعة فى بيت ايام :

ايمن : فى حد بيروح شقتك

اياد : محدش بيروحها غير انا وانت اصلاً

ايمن : انت اخر مرة روحت امتى

ایاد : مروحتش من زمان من یوم ما اثورنا
كان یوم زباله ومن یومها ، انت بتسأل لیه ؟

ایمن : ناوی اروح هناك

ایاد : نعم !!!

ایمن : فی ایه استغربت لیه ، حسستنی انها
اول مرة وانك معملتش كده

ایاد : بقولك يا ایمن انی بطلت كل ده ومش
منطقی خالص ان تبقى لسه مخلص صلاة
الجمعه وتقول كده انت بتصلی لیه

ایمن : ایاد یمكن انت ربنا هداك بطل الكلام
الفكسان ده واتكتم وادعیلی یا سیدی ربنا
یهدینی

ایاد : ربنا یتهدیک ، هتاخذ مین بقی معاك
المرة دی

ايمن : مش هتصدق

اياد : مين

ايمن : رغدة

اياد : هههههههه لا طبعاً مصدق الطيور على
اشكالها تقع ، بس هي وافقت بالسرعه دى

ايمن : دى اسهل مما تتصور اساساً

اياد : اممم مش يمكن تكون اتغيرت
وبتحبك بجد وهتعمل كده عشان مش
عايزة تزعلك

ايمن : ههههههههه انت متأكد انك مش
شارب حاجه ، يا ابنى البنت الكويسة
ميفرقش معاها زعل حد اهم حاجه
متعملش حاجه غلط

اياد : وجهة نظر بس بتهيألى مش البنت بس

المفروض الولد كمان

ايمن : فاكس فكك من الحوار ده ، مش

خالد هيخطب

اياد : الف مبروك ، هيخطب حد نعرفه

ايمن : لا انا اصلاً معرفهاش المفروض

هنزورهم عشان نقرأ فاتحة قريب ، المهم انا

هقوم اروح

اياد : اوكى بس ابقى عرفنى هتروح امتى

عشان لو حد كان رايح هناك

ايمن : اوكى يالا انا ماشى سلام

*

**

*

تانی یوم فی جامعۃ احمد و فیروز :

فیروز واقفۃ مع اصحابها لقیۃ کریم واقف
بعید ..

فیروز : ایہ دہ حضرۃ الظابط بیعمل ایہ هنا
کریم : جای اشوف احمد اصلہ واحسنی
موت

فیروز : اممم طیب هو واقف مع اصحابہ
هناک ، عن اذناک انا بقی

کریم : ایہ الہبل دہ رایحۃ فین ، دہ انا بقولک
واحسنی اوی اصلک انت متعرفیش هو
بالنسبۃ لیا ایہ

فیروز : هههههه مین دہ احمد !!

کریم : اممم احمد دہ حبیبی

هنا جه احمد

احمد : اذيك يا معلم بتعمل ايه هنا

كريم : كنت فى مشوار قريب من جامعتكم
قولت اجى اشوفكم ولو هتروحوا اوصلكم

واروح اشوف عمتى

احمد : طيب احنا خلصنا اصلاً يالا بينا

(ومشيووا)

- - - - -

اياد كان واقف مع رغدة ...

اياد : انتِ فعلاً هتروحي مع ايمن الشقة

رغدة : هو قالك

اياد : جاوبى على سؤالى

رغدة : عندك مانع

اياد : انتِ فعلاً طلعتى ارخص مما كنت

اتصور ، عموماً خليكى فاكرة انى حذرتك

وانتِ مسمعتيش كلامى وان جيتِ تطلبى
مساعدة او تشتكى مش هعمل حاجه غير
ان اشمتم فيكى سلام

رغدة : اياد يا اياد تعالى بس

(اياد وهو ماشى خبط فى كريم واعتذرله بس
كريم كان نفسه يقتله لانه بص ل فيروز نظرة
كلها حُب)

-----*

-----**-----

*-----

-فى خلال اسبوع كان اهل فريده سألوا على
خالد واهله وكان كل الكلام كويس جداً وفى
صالح خالد وابو فريده كلم خالد عشان يجى
هو واهله عشان الفاتحة

-نيرة ارتبطت ب محمد ابن خالها

- كريم وفيروز ييلمحووا لبعض

-----*

-----**

-----*

فى بيت فريده :

-خالد كان معاه مامته وايمين وعمه ، قرأوا
الفاحة واتفقوا على الخطوبة بعد اسبوعين
والفرح بعد تلت شهور

-----*

-----**

-----*

فى بيت خالد :

خالد: ايه رأيك يا ماما

امينة : بص بصراحة فى الاول كنت موافقة
عشان انت بتحبها مش اكر من كده بس
لما روحنا النهاردة ارتحت اوى ناس طيبين
ومُحترمين وتحسهم زينا كده

خالد : طب وفريدة

امينة : امورة ومحترمة وشكلها غلبانه اوى ،
ربنا يكرمك يا حبيبي ويتمم لكم على خير
ايمن : بس عارف يا ايمن اختها موووووووة
حاجه كده من الاخر اول ما شوفتها خوفت
تكون فريدة ههههه اصلها عجبتنى اوى

خالد : ما تحترم نفسك ياد انت

امينة : فى ايه يا خالد مش يمكن تكون
عجباة ونخطبها واهو الولدين يبقوا للبنتين

ايمن : والنبي كلامك سكر يا امه

خالد : ايمن ملكش دعوة ب فيروز انا ما
صدقته خطبت فريده مش عايز مشاكل
وفضايح بسببك معاهم

ايمن : حاضر يا عم الحبيب

خالد : انا داخل اكلم فريده

-- -- -- -- --

خالد : اذيك يا احلى فريده في الدنيا

فريده : الحمد لله يا خالد ، انت عامل ايه :

خالد : انا مبسوط اوى يا فريده بجد مش
مصدق اننا كلها كام شهر وتنجوز ، انا خايف
اموت من الفرحة

فريده : بعد الشر عليك متقولش كده

خالد : خايفة عليا

فريده بخجل : اكيد يعنى

خالد : ربنا يخليكى ليا

فريدة : كنت عايزة. اقولك على حاجه ، انا فى
الاول كنت موافقة عليك من باب التجربة
وعشان ارضى ماما بس ده ميمنعش ان
انبهرت بكلامك وافعالك يعنى كنت مُعجبة
بس فى حاجه حصلت منك خلت اعجابى
بيك يزيد اوووى وختلتنى اتمسك بيبك اكثر
وارتحلك اكثر واكثر

خالد : ايه هى ؟

فريدة : فاكر لما كنا بنتفق على معياد
مقابلة بابا

خالد : اه فاكر وانتِ اصريتى انه يكون
خمسة مش عارف ليه

فريدة : انا كنت عيزاك تجى قبل المغرب
عشان اشوف هتقوم تصلى المغرب ولا

هتنتطش ، بجد يا خالد كبرت في نظري اوى
لما كان كل همك تقوم تصلى :)

خالد : ممكن اقولك حاجه نفسى اقولها من
زمان اوووووووووووى

فريدة : قول طبعا

خالد : بحبك يا فريدة

فريدة مبتردش

خالد : فريدة روحتى فين

فريدة : احم انا بقول يادوب ننام احنا عندنا
شغل الصبح

خالد : ههههه مكسوفة يعنى ماشى يا ست
البنات تصبحى على الف خير

فريدة بخجل : وانت بالف خير . سلام

فريدة : اقولك سر . انا مبسوطة اوى يا نيرة

حاسة انى صغرت ١٠ سنين

نيرة : ربنا يسعدك كمان وكمان يا حبيبتى

نسيت اقولك اللى حصل فى مُعتصم

فريدة : خير

نيرة : بصى انا بصراحة توقعت ان بابا

هيتنرفز ويزعق زى كل مرة بس هو ومراته

كانوا طبيعيين جداً رغم انه قريب مرات بابا

فريدة : طب كويس اوى شكلك ظلماها

والله يا نيرة

نيرة : الظاهر كده

هنا تليفون نيرة رن ...

نيرة : الو .. انت بتقول ايه يا محمد .. طيب

طيب انا جاية بسرعة

نيرة ل فريدة : فريدة لو سمحتى خديلي

اجازة

فريدة : خيرا نيرة فى ايه

نيرة : ماما تعبانه اوى (ومشيت)

*

**

*

فى بيت خالد ...

ايمن اتصل ي ايااد ..

ايمن : فى حد فى الشقة دلوقتى

ايااد : انت رايح دلوقتى

ايمن : اه

ايااد : لا مفيش حد بس اول ما توصل ادينى

رنة عشان اعرف

ايمن : اوكى سلام

ايمن اتصل بـ رغدة واداهها العنوان بالتفصيل

وطلب منها تستناه تحت لو وصلت قبله

وبالفعل ، وصلت رغدة قبله واستنيتته

وبعدين طلغوا الشقة

بعد شوية الجرس رن ، ايمن حاول يبص

من العين السحرية بس اللي بره كان مدارى

عليها عشان ايمن ميشوف ،ايمن قرر انه

ميفتحش بس اللي بيخبط كان معاه نسخة

من المفتاح ...

وفعللاً فتح ودخل وكانت المفاجأة+

واصل قراءة الجزء التالي

الحلقة السابعة عشر

ايمن : خالد !!!

خالد : انت بتعمل ايه هنا

ايمن : دى شقة اriad

خالد : ودى تبقى مين ان شاء الله اخته

ايمن : لا دى

خالد : دى ايه !!!!

ايمن : انت عرفت مكانى منين ، اriad ال***

هو اللي قالك مكانى

خالد : المهم انك انت ال*** مش اriad

ايمن : البننت دى تبع اriad انا ماليش دعوة ده

مقلب هو عمله فيا

رغدة : انت فعلاً انسان واطى وقذر ، انا جيت

معاك انت وارياد مالوش اي علاقة اتفوووو

(ومشيت)

خالد : عشان تعرف انك قذر وبلاويك دى

هتوديك وتودينا فى داهية

ايمن : انت مالك بيا ملكش دعوة بيا هو انت

ابويا

خالد (شده من التى شيرت) : اه ابوك يا

ايمن وان كان ابوك مات قبل ما اربيك فانا

اللى هربيك

(.شد خالد ايمن من التى شيرت ونزله

وركبه العربية بالعافية وروحوا.)

فى البيت :

خالد : انا مش هقول لامك على اللى حصل

عشان متروحش فيها وانت كلب ولا تسوى

بس انت هتقعد فى البيت تذاكر عشان

امتحاناتك

ايمن : انت ملكش اى حق تحبسنى او
تكلمنى كده انا اعمل اللى انا عايزه ومحدث
له دعوة

خالد : لا ليا حق وهعمل اللى انا عاوزه
وهكلمك بالطريقة اللى تعجبني بلطجة
بقى ، لما انت لسه عيل وبتاخذ بنات شقق
امال لما تكبر هتعمل ايه هتفتح شقة
دع***

ايمن : انا حر

خالد : لا مش حر طالما هتضر نفسك واهلك
وسمعتهم تبقى مش حر انت هنا فى مصر
مش اوروبا

ايمن : انا.....

خالد يقاطعه : اخرس خالص واتنيل ذاكرلك
كلمه تنفعك ولا صلى ركعتين ل ربنا يمكن
يسامحك(وخرج)

-----*

-----**

-----*

في بيت نيرة :

خال نيرة : خير يا دكتور

الدكتور : السكر على عليها شوية

نيرة : دى هى مُحافضة خالص يا دكتور

وبتاخذ جرعات الانسولين في معادها

الدكتور : ممكن تكون انفعلت مش اكثر،

عموماً هى كويسة

خال نيرة : اوكى يا دكتور متشكرين جداً
(وخرج الدكتور)

نيرة : ايه يا ماما فى حاجة زعلتك ولا ايه

كوثر : خايفة اموت من غير ما اطمن عليكى

نيرة: يا مامتى يا حبيبتى مانا كنت رايحة
النهاردة اكلم بابا شوفتى بقى اديكى
عطلتينى

كوثر : لا متروحيش انتِ ابوكى عصبى
وممكن ينفعل عليكى انا هاخذ خالك
ومحمد ونروحله

نيرة : معلىش سبينى انا اروح لو جت منى
هيبقى احسن

كوثر : ربنا يكرمك يا بنتى يا حبيبتى
ويكملك على خير

*

**

*

تانی یوم فی الجامعه :

رغدة : مکنتش اعرف انک واطی کده

ایاد : واطی عشان بنقذک من ایمن وشره

رغدة : مش المفروض ان ایمن صاحبک

ازای تُعذر بیه کده

ایاد : ماهو عشان صاحبی کان لازم انقذه من

شر نفسه

رغدة : کان ممکن تقوله انک مش معاک

المفتاح لکن مش تفضحنا کده

اياد : وهو صعب يلاقى مكان تانى ، انا
مكنتش قادر اوقفك ولا اوقفه وكان لازم
اعمل كده عشان يفوق

رغدة : مش قادرة اصدقك يا اياد انت
فضحتنا

اياد : دى مشكلتك انتِ ، بس كان يمكن لما
ايمن ياخذ اللي هو عاوزه ويرميكي زى
الكلبه كنتِ قدرتي قيمة اللي عملته

رغدة : يرمينى !!!

اياد : يعنى يرميكي هى اللي وجعتك وكلبه
موجتعيش ، بصى يا بنت الناس انا مُقتنع
باللى انا عملته ومش زعلان من نفسي انا
انقذتكوا اتتوا الاتنين من الشيطان اللي
مسيطر عليكوا ومتخافيش مفيش فضايح
ده خالد اخو ايمن واستحالة يفضحه ، سلام

*

**

*

فِي بَيْتِ فَرِيدَةَ :

(-جرس الباب رن وفتح فاطمة-)

فاطمة : كريم اذيك يا حبيبي اتفضل

كريم : اذيك يا عمتو عامله ايه

فاطمة : نحمد الله ، ابوك وامك عاملين ايه

كريم : بخير الحمد لله

فاطمه : طيب يا حبيبي احمد وفيروز جوا

بيذاكروا ادخلهم

كريم : لا يا عمتى انا جاى لحضرتك انتِ

فاطمة : خير يا ابني ، تعالى بس نقعد

(وقعدوا)

كريم : بصى يا عمتى كده بدون مقدمات انا

عايز اخطب فيروز

فاطمة : فيروز بنتى

كريم : امال بنت الجيران

فاطمة : وانت عشان كده جبت ابوك

يصالحنى

كريم : لا يا عمته ده هو اللى كان عايز كده

فاطمه : يا كيمو ، عليا انا برضه

كريم : بصى المهم انكوا اتصالحتوا هالاه ايه

رأيك بقى

فاطمة : يا حبيبي انا معنديش مانع انت ابن

اخويا يعنى ابنى بس المهم فيروز انا هتكلم

معاها لو وافقت نكلم عمك محمود ونقرأ

فاتحة ان شاء الله

كريم : يارب توافق ان شاء الله هتوافق عن
اذنك بقى يا عمتى ادخل اسلم عليهم

-----*

-----**

*-----

فى شغل فريدة :

نيرة : فريدة ، فريدة

فريدة : ايوة يا بنتى فى ايه

نيرة : اللى واخذ عقلك يا عم

فريدة (بابتسامه خجل) : انا عايزة اقولك

على حاجه

نيرة : قولى يا ستى

فريدة : انا قررت اعمل العملية

نيرة : ايه !! بجد !! قولى والله

فريدة : ايه مالك مستغربة كده ليه

نيرة : انتِ عارفة احنا بقالنا قد ايه بنتحاييل

عليكى

فريدة: وادينى هعملها اهو :

نيرة : عشان خالد ؛)

فريدة : اقل حاجه اقدمهاله بعد كل اللى هو

عمله فيا ده غير حياتى كلها

نيرة : ربنا يخليكوا لبعض ويجمعكو على

خير

فريدة : بس هعملها بعد الفرح

نيرة : ان شاء الله ربنا يقومك بالسلامه يا

حبيبتي ، انا هروح لبابا النهاردة

فريدة : هتكلميه فى موضوع محمد

نيرة : اه هروح بعد الشغل ربنا يستر ان شاء

الله

فريدة : ان شاء الله خير يا حبيبتى ربنا

يكملك على خير

*

**

*

فى بيت اباد :

(.ايمن اتصل باباد.)

ايمن : انزلى يا اباد انا تحت بيتك (وقفل

الخط على طول)

اياد : خير يا ايمن ما تجى فوق

ایمن : خیر !! تصدق یاد ان انت ***** و
***** و ***** وانا عیل انی عرفت واحد
زیك

ایاد : یا حمار افهم انا عملت كده عشانك
كان لازم اعمل ای حاجه تفوقك

ایمن : وانت مال امك حد اشتكالك انا
مبسوط

ایاد : مبسوط دلوقتی لکن فی قدام ربنا مش
هتکون مبسوط

ایمن : شوف مین اللى بیتکلم ایاد ال *****
اللى كان هو بیجیب البنات

ایاد : ادیک قولت اللى كان ، وانا زى ما كنت
بفسدك یوم ما قررت ابقى کویس قررت
برضه اخلیك کویس معایا

ايمن : وبالحركة ال**** دى انت كده بقيت

كويس انت كده واطى و**** و*****

اياد : لم لسانك يا ايمن انا ساكت ومقدر

موقفك بس انت زودتها

ايمن : بص يا اياد من النهاردة كل واحد فينا

فى طريق وخليك فاكر انك انت اللى

مصونتش عشرة السنين اللى بينا

اياد : بكرة تعرف انى صوتتها وحميتك من

شر نفسك

ايمن : سلام يا معلم

*

**

*

بالليل فى بيت فريدة :

فاطمة : فريدة ، فيروز تعالوا اوضتكوا

عيزاكوا في موضوع

فريدة وفيروز : حاضر يا ماما

(بعد ما دخلوا جوا.)

فاطمة : جايلك عريس يا زوزا

فيروز (بتوتر وقلق) : عريس !!

فريدة (بلهفة) : بجد يا ماما مين

فاطمة : كريم

فيروز (بلهفة) : كريم ابن خالي

فاطمة بُخبث : اه كريم ابن خالك

فيروز : بجد يا ماما

فاطمة : مالك يا بت مش على بعضك كده

ليه

فيروز : لا انا على بعضى اهو

فريدة : هههههه خلاص يا ماما متكسفهاش

فاطمة : هههههه

فيروز : هو فى ايه مالکوا

فاطمة : مملناش ، هاللا ايه رأيك

فيروز (بارتباك): مش عارفة هفكر

فاطمة(بُخبث) : فکرى بس متتأخیرش فى

التفكير عشان هو قال انه مستعجل

(وخرجت فاطمة)

فريدة : انا حاسة انك مبسوطه اوى

فيروز : انا هطير من الفرحة بس اتكسفت

من ماما

فريدة : ربنا يسعدك

فيروز : يااااه انا مش مصدقة ان كريم

هيخطبنى

فريدة : بتحييه يا زوزا ؟

فيروز : بحبه اوووووى

فريدة : كبرتى يا زوزا وبتحبنى

فيروز : هههههه

(هنا دخلت فاطمة تانى.)

فاطمة : يعنى اقوله انك موافقة واكلم

ابوكى

فيروز : ماما !!!!

فاطمة : ههههههه لا بابا ، يالا على خيرة الله

*

**

*

في بيت ابو نيرة :

حسن (ابو نيرة) : خير يا حبيبتى

نيرة : عايزة حضرتك في حاجه كده بس

متتعصبش بالله عليك

حسن (حزنها) : متخافيش يا حبيبتى قولى

كل اللى في نفسك

نيرة : محمد ابن خالى ممدوح

حسن : سكتى ليه يا بنتى كملى

نيرة : متقدملى

حسن : هو اتقدم لمين

نيرة : هو قالى اكلم حضرتك لو موافق يجى

لحضرتك

حسن : انتِ موافقة !!

نيرة : اللى حضرتك تشوفه يا بابا

حسن : لا مش اللى انا اشوفه اللى انتِ

عيزاه انتِ اللى هتجوزى مش انا

نيرة : محمد كويس وابن خالى ومترين سوا

وانا اعرفه كويس احسن من الغريب

حسن : يعنى موافقة ؟

نيرة(بخجل) : اه

حسن : خلاص وانا كمان موافق ، خليه يجى

هو وخالك ممدوح نقرأ الفاتحه

نيرة(بفرحه): بجد يا بابا

حسن : بجد يا حبيبة قلب بابا اهم حاجه

عندى سعادتك

(وقامت نيرة حضنت بياها وباسته) ()

*

**

*

بالليل خالد اتصل ب فريدة :

خالد : اذيك يا فريدة

فريدة : الحمد لله وانت

خالد: تمام ، هو ينفع نخرج نتغدى بره بكرة

فريدة : مالك يا خالد صوتك متغير

خالد : مخنوق شوية

فريدة : فى ايه !!

خالد : مش قادر اتكلم دلوقتى ، استأذنى من

بباكى نتغدى بكره بره لو وافق كلمينى

فريدة : اوكى هكلمك

(فريدة قالت لمامتها تقول لابوها ووافق
بعد الحاح شديد من فاطمة.)

*

**

*

تانى يوم فى المطعم :

فريدة : مالك يا خالد انت من امبارح وانت
مش طبيعي

خالد : مخنوق من ايمن وتصرفاته

فريدة : ليه يعنى بيعمل ايه

خالد : طايش اوى يا فريدة لاغى مخه
وبيعمل اى حاجه تخطر على باله بدون
تفكير

فريدة : بس انت المفروض تتكلم معاه

بالراحه

خالد : لا نافع زعيق ولا تفاهم

فريدة : حاول تتفاهم معاه بالراحه وتحسسسه

انك صاحبه مش اخوه الكبير ايمن فى السن

ده بيبقى شايف نفسه كبير وميحبش حد

يكبر عليه او يوجهه حسسه انك صاحبه

خالد : ربنا يسهل ، وحشتينى على فكرة

فريدة : بلاش الكلام ده انا بتكسف منه

خالد : طيب خلاص متبصيش الناحية الثانية

مش هقول حاجه

فريدة : ماشى

خالد : بحبك

فريدة : يوووووه يا خالد بقى قولتلك

بتكسف

(بعد شوية ، جه حد على خالد

وفريدة.)

الشخص : اذيك يا فريدة !!

فريدة (ب ارتباك) :ا

واصل قراءة الجزء التالي

الحلقة الثامنة عشر

فريدة (ب ارتباك) : عبد الرحمن (اللى كان

متقدملها) !! الحمد لله وانت ؟

عبد الرحمن: انا بخير الحمد لله

فريدة : سورى نسيت اعرفكوا ببعض عبد

الرحمن ابن صاحب بابا ، خالد خطيبي

عبد الرحمن : خطيبك !!!!

خالد : اهلاً وسهلاً يا استاذ عبد الرحمن

تشرفنا اتفضل

عبد الرحمن : لا متشكر انا بس حبيت اقول

ل فريدة مبروك والف حمد الله على

سلامتك (ومشى)

خالد : انا شوفته قبل كده بس مش فاكر

فين !!

فريدة : دلوقتي هياخد عنى فكرة وحشة

خالد : اشمعنى يعنى ؟

فريدة : اصله كان متقدملى وانا قولتله انى

مش هتجوز خالص

خالد : يقول اللى يقوله ، ااه ااه ده اللى كان

واقف معاكى فى يوم تحت بيتك وكان

بيرغى كتير

فريدة : عرفت منين !!!

خالد : مانا كنت قاعد في عربيتي تحت بيتك

(؛

فريدة ابتسمت بخجل

(بعدها خالد وصل فريدة للبيت ، وروح)

*

**

*

بعد اسبوعين :

- خالد وفريدة اتخطبوا واتكتب كتابهم

- محمود وافق على كريم بس الخطوبة بعد

فرح فريدة ، وارتبطوا قدام اهااليهم

- محمد ونيرة اتقرت فاتحتهم

- ايمن شبه حابس نفسه

- ولاء حضرت خطوبة خالد عشان تثبت

لنفسها انها مش بتحبه

-عبد الرحمن بعث ل فريدة ورد بمناسبة

كتب الكتاب وقالها في الكارت (كان ممكن

تقولى انك مرتبطه من غير تحوير وانا كنت

هقدر عموماً ربنا يكملك على خير)

*

**

*

في بيت خالد :

(.خالد دخل على ايمن اوضته.)

خالد : بتعمل ايه

ايمن : بذاكر

خالد : طب ممكن اعطلك شوية

ایمن : اتفضل

خالد : بص يا ايمن ، كلنا بنغلط لاننا بشر
مش ملايكة وانت غلطت بس مش معنى
كده انك تفصل حابس نفسك

ایمن : یعنی اعمال ایه

خالد : ما تجی نبقی اصحاب نحکی
ونفضفض لبعض

ایمن : یاریت یا خالد بس انت طول عمرک
بتعاملنی انی العیل اللی لازم توجهه

خالد : مش انا قولتلك كلنا بنغلط انا غلطت
وادینی بصلح غلطی ، ها موافق نبقی
اصحاب

ایمن : موافق طبعاً

خالد : طيب هسيبك بقى عشان تشوف

وراك ايه

ايمن : اوكى

خالد : كلم اياك ، اياك بيحبك وانتوا اصحاب

هو كان خايف عليك

ايمن : حاضر هكلمه

خالد : ماشى (وخرج)

*

**

*

فى شغل فريدة :

نيرة : عندى ليكي خبر حلو

فريدة : خير

نيرة : هتجوز

-----*

-----**

*-----

في بيت خالد :

ايمن : اذيك يا اياد

اياد : وحشتنى يا معفن

ايمن : وانت اكثر

اياد : متزعلش بقى والله كنت خايف عليك

ايمن : خلاص حصل خير ما تجى نخرج

شوية

اياد : انا كنت رايح الكافيه العب بلياردو ما

تجى

ايمن : خلاص انا جاى (ونزله)

في كافيه :

كريم : يا احمد ما تكلم ابوك يا عم نقرا

فاتحه ونبس دبلتين

احمد : وهى هتفرق معاك فى ايه مانتوا

شبه مخطوبين

كريم : يا سلام ، ع الاقل قدام الناس نبقى

مخطوبين

احمد : فكك من الناس يا كريم انتوا كده كده

شبه مخطوبين وبعدين فرح فريده خلاص

قرب بعدها اتجوزوا ولا حتى اتحرقوا محدش

هيقولكوا بتعملوا ايه

(هنا جه ايمن ...)

ايمن : اذيك يا احمد اخبارك ايه

احمد : اهلاً يا معلم انا تمام وانت

ايمن : بخير . انا شوفتك فى الخطوبة

کريم : اه انا ابن خال احمد

ایمن : اهلاً وسهلاً طيب يا معلم انا قولت
اجى اسلم

احمد : طب ما تجى تقعد معانا

ایمن : لاكون تقيل ولا حاجه

احمد : لا تقيل ولا حاجه

کريم : يا عم تعالى ولو معاك اصحابك
هاتهم مفيش مانع

ایمن : اوکى هجيب صاحبى واجى

راح ایمن ل ایاد ...

ایاد : انت تعرف دول منين !!

ایمن : انت تعرفهم

ایاد : رد علیا بس

ايمن : ده احمد اخو فريدة خطيبة خالد وده
كريم ابن خالهم ، تعالى اعرفك عليهم

اياد : لا ما هما عارفتي

ايمن : انا مش فاهم حاجه

اياد : ده اخو فيروز البنت اللي انا حبتها وهما
رفضوني

ايمن : انت بتتكلم جد

اياد : اه والله بجد رفضوني عشان سألوا عنى
وسمعوا كل ما لذ وطاب

ايمن : طب انا هروح اعتذرلهم

اياد: لا يا عم تعالى نروح وانا يعنى هخاف
منهم

بعد ما راحوا

احمد بعصيبة : انت بتعمل ايه هنا

ایمن : فی ایہ یا احمد اهدی ، ده صاحبی

احمد : صاحبك !!

بعد ما قعدوا

ایمن : بص یا احمد انا عارف اللى حصل من

ایاد بس ایاد فعلاً اتغیر وشاری اختك و.....

کریم : معلش یا معلم للمقاطعہ ، بس

سیرة فیروز مینفکش تجی ، اولاً لان احمد

مش هیقبل سیرة اخته تجی کده

ایاد: بس احنا مقولناش حاجه وحشة احنا

بنتکلم فی خطوبة وجواز علی سنة الله

ورسوله

احمد : جواز !! ده بعینک انا معرفش لیه

بکرهک لله فی لله کده

كريم : اهدى يا احمد واسمعنى يا اباد للاخر
، زى ما قولتلك احمد مش هيقبل ان سيرة
اخته تجى فى الفاضية والمليانه ثانياً انا برضه
مش هقبل ان سيرة خطيبتى حد يجيها
وبعدين انت بتتكلم فى خطوبة وجواز قدام
خطيبتها فمينفعش

ايمن : هو انت خاطب فيروز !!

كريم : من ايام ما كنا اطفال

اياد : انا بعذر ومتأسف وصدقنى دى اخر
مره هجيب سيرتها حتى بينى وبين نفسى

كريم : تمام ، خلاص بقى يا احمد فُكها

(. ووقعدوا يتكلموا ويهزروا وشبه بقوا

اصحاب.)

*

**

*

في خلال فترة :

-نيرة ومحمد اتجوزوا وعاشت في نفس

العمارة اللى فيها مامتها

- فريدة كانت بتجهز لفرحها واستقالت من

شغلها

-خالد كان مشغول بتشطيبات الشقة

- كريم وفيروز اتقرت فاتحتهم و لبسوا دبل

-احمد ارتبط ببنت جارتهم

- اياد مازال ملتزم

- ايمن رجع للعك والطيش تانى

- رغبة بتراقب ايمن من بعيد ونفسها
ترجعله بس نزل من نظرها وخايفه منه+

واصل قراءة الجزء التالي

الحلقة التاسعة عشر

الحلقة التاسعة عشر

** النهاردة فرح خالد و فريدة **+

الصبح فى بيت فريدة :

فاطمة : ايه يا بنات مش هتروحوا الكوافير

فريدة : يا ماما احنا مستنين خالد هو اللى

هيجى يودينا

فيروز : طب كلميه شوفى اتأخر ليه

فريدة : هو قال هيعدى يجيب الفستان

الاول

فيروز : انا اول مرة اشوف فستان العروسة

يجى يوم الفرحة

فريدة : يا بنتى الخياطة لسه مخلصاه امبارح

، انا هروح اكلم خالد

(..اتصلت فريدة بـ خالد..)

فريدة : انت فين يا خالد

خالد : يا امه !! الناس بتقول الو سلام عليكم

اذيك يا حبيبي وحشتني كده يعنى

فريدة : الو سلام عليكم اذيك يا حبيبي

وحشتنى كده هااا بقى انت فين

خالد : ههههه انا جبت الفستان وجاى فى

الطريق بس الدنيا زحمة اوى

فريدة : طب خد بالك على نفسك وسوق

بالراحة

خالد : وحشتيني اوى ومبسوط اوى اوى

اوى اوى اوى وبحك موووووووت

فريدة : وانا بحبك اكثر ، بس عارف يا خالد

نفسى فى ايه

خالد : فى ايه يا حبيبتى

فريدة : نفسى زى ما ربنا جمعنى بيك فى

الدنيا يجمعنى بيك فى الاخرة

خالد : دنيا او آخرة عليا النعمة عمرى ما

هسيبك وراكى وراكى

فريدة : ربنا يخليك ليا وميحرمني منك

ابدأ ، عارف يا خالد انا مبسوطه اووى

عمرى ما كنت اتوقع انى هكون سعيدة كده

او مبسوطه اوى كده انا حاسة ان الفرحة

قلبى مش قادر يستحملها

خالد : ربنا يحفظك ويخليلى قلبك ده
عشان انا بموت فيه

فريدة : ما بلاش بموت دى انا مبحبهاش

خالد : بعيش فيه وبعيش ليه وهيعيش
معاه حلو كده يا ست البنات

فريدة : ههههه حلو جداً ، خالد انا قررت
اعمل العملية ان شاء الله بعد الفرحة

خالد : مش خايفة

فريدة : طول مانت معايا عمرى ما هخاف
تانى ابدأ

خالد : بحبك

فريدة : وانا كمان بحبك اوى ، يالا بقى
متتأخرش انا مستنياك

خالد : ماشى يا حبيبتى سلام

فريدة : لا اله الا الله

خالد : محمد رسول الله :

(عدى وقت وكان خالد لسه موصلش).

فيروز : كلميه تانى كده هنتأخر

فريدة : الموبايل بيلخبطه وهو سايق

فيروز : مالك يا فريدة

فريدة : مش عارفة حاسة بحاجه بتشكنى فى

قلبي ممكن تناولينى الدوا وكوباية مياة

فيروز : حاضر يا حبيبتى

*

**

*

بعد شوية

(محمود جاله اتصال وكان باين على شكله
ان في حاجه مش مطبوعة)

فاطمة : خير يا محمود

محمود : لا اله الا الله لا اله الا الله

فاطمة : في ايه محمود قلقتنى

محمود : خالد عمل حادثة واتنقل

المستشفى وحالته خطيرة جداً

فاطمة : يا مصيبتى يا مصيبتى

محمود : ربنا يسترها ، انا هاخذ فريده

واروحله

فاطمة (بتوسل) : ابوس ايدك يا محمود

متقولهاش حاجه البنت ممكن تروح فيها

محمود(حابس دموعه) : بس هى لازم تعرف

دى مستنياه ولازم تكون جنبه

فاطمة (ودموعها سبقاها) : ابوس ايدك
ورجلك متعرفهاش اعمل اى حاجه فى الدنيا
بس متقولهاش ان عريستها بيموت بالله
عليك يا محمود فريده مش هتستحمل
محمود : اللهم انى لا اسألك رد القضاء
ولكنى اسألك اللطف فيه

فاطمة (بانهييار وبكاء شديد) : يا حظك
الوحش يا بنتى يا اللى مش مكتوبلك
تفرحى يوم فى عمرك هتقولها ايه هتقولها
عريسك يوم فرحك عمل حادثه وبيموت لالا
لالا اوعى لالا يا حبيبتى يا بنتى

محمود : استغفرى ربنا يا فاطمة

فاطمة : استغفر الله العظيم استغفر الله
العظيم

(هنا جت فيروز بسرعة على ابوها وامها.)

فيروز(بدموع) : بابا فريدة اغمى عليها

ومبتدش ومش عايذة تفوق

محمود وفاطمة: هي عرفت

فيروز : عرفت ايه

محمود : ان خالد عمل حادثة

فيروز : هو خالد عمل حادثة

محمود : ابوة

فيروز : لا معرفتش بس فريدة شكلها تعبان

اوى

*

**

*

في المستشفى ...

(-خالد كان في العمليات وامه وايمن

مستنينه-)

في نفس المستشفى ...

(-بعد فحص فريدة الدكتور قال انها عندها

ازمة قلبية شديدة ولازم تنقل العناية

المركزة ومنع الزيارة-)

(-كان معاها ابوها وامها واخواتها-)

*

**

*

عند خالد :

الجميع : خيرا دكتور

الدكتور : احنا عاملنا اللي قدرنا عليه بس

لسه حالته خطيرة جداً لانه واخذ الخبطه كلها

في دماغه ده غير العمود الفقرى ، هنقله
العناية المركزة لو الليلة دى عدت على خير
يبقى فى امل

امينة (بانهيبار) : يا حبيبى يا ابنى ممكن
اشوفه يا دكتور

الدكتور : للاسف الزيارة ممنوعه بس لانك
امه انا ممكن اخليكى تشوفيه من بعيد بس
ياريت متنفعليش

امينة : حاضر بس اشوفه

(دخلت امينة تشوف خالد بس مقدرتش
تمسك نفسها لما شافته بالمنظر اللي هو
فيه وانهارت من العياط وخرجوها.)

* ----- *

عند فريدة :

محمود : روح يا ابني اطمن على خالد

واسأل عنه

احمد : هو هنا

محمود : اه انا جيت فريدة نفس

المستشفى عشان لما تقوم بالسلامه ان

شاء الله تكون جنب جوزها

احمد : طب انا هسأل في الريسبشن عن

مكانه واروحله

محمود : ماشى روح وطمنى

* ----- *

عند خالد :

احمد : ها يا ايمن ايه الاخبار

ايمن : اتنقل العناية المركزة والزيارة ممنوعه
الدكتور بيقول لو الليلة دي عدت على خير
يبقى فى امل انه ...

احمد : ان شاء الله هتعدى على خير
وهيعيش

ايمن : وفريده عامله ايه

احمد : فى العناية برضه ، ربنا يستر

ايمن : ان شاء الله خير

بعد شوية ...

لقيوا الممرضات والدكاترة بيجروا ورا بعض
ودخلوا عند خالد ، وبعد حوالى ١٥ دقيقة
خرج الدكتور ..

كلهم : خير يا دكتور

الدكتور : احنا عملنا اللي قدرنا عليه بس

ارادة ربنا فوق كل شىء البقاء لله

امينة : ابني مات ، خالد ابني مات ، مات ، مات ،

خالد مات ، اخوك مات يا ايمن ، ضهرى

وسندى مات ، (وصرخت صرخة اهتزت لها

قلوب كل اللي سمعوها) يااااا ابني

يااااا ابني (وفقدت الوعي)

* ----- *

عند فريدة :

فيروز : مالك يا احمد

احمد : خالد مات

فيروز : ايه مات !!!

احمد .. مردش

فيروز : مات امتى

احمد : لسه دلوقتى

فيروز عيبت وقالت : انا هروح اشوف مامته

ولو فى جديد عن فريده كلمنى انا مش

هتأخر عمومأً(ومشيت)

الدكتور خرج من عند فريده :

الكل : خير يا دكتور فريده بخير !!

الدكتور : الازمة القلبية المرة دى كانت

شديدة اوى ، واضح انها زعلت او فرحت

بزيادة

فاطمة بدموع : دى النهارده فرحتها يا حبة

عين امها

الدكتور (مصدوم) : للاسف قلبها المرة دى

مقدرش يستحمل الازمة و.....

فاطمة (وكأنها هتفترس الدكتور) : و ايه هاا

و ايه بنتى مالها !!!

الدكتور : البقاء لله ربنا يرحمها

فاطمة (وبدأت تفقد عقلها) : مين دى مين

دى اللى الله يرحمها مين دى

محمود(حاول يحتطنها وبدأ يبكى) : ادعيها

يا فاطمة

فاطمة : بنتى مش ماتت يا محمود بنتى

عايشة عايزة اشوفها اشوف فريده ، فريده

عايشة

(-وبعد اصرار فاطمه دخلت عند فريده-)

فاطمة (وحضنت فريده) : قومى يا فريده

قومى يا ضنايا قومى ردى على امك

قوليلهم انك عايشة مش انتِ عايشة مش

انتِ عايشة يا فريده (وبدأت تنهار اكثر وتهز

فيروز ل احمد : في ايه يا احمد ماما بتعيط
ليه

احمد ساكت ...

فيروز : هي عرفت ان خالد مات عشان كده
بتعيط ؟

احمد مبيروده ...

فيروز : انت ساكت ليه ، ده مقلب صح ،
فريده كويسة صح !!

احمد ساكت ولكن دموعه نزلت منه ...

فيروز (وبدأت تبكي بحرقة وتخبط احمد في
صدره) : رد عليا وقولي ان فريده كويسة رد
انت ساكت ليه ، متسكتش كده ورد عليا رد
يا احمد فريده فين كويسة صح

(-هنا صرخت فاطمة وقالت اسم فريده-)

فيروز : فريدة لا لا

احمد حزن فيروز : ربنا يرحمها (وبكوا

بحرقه سوا)

*

**

*

في مشهد انفطرت له القلوب وبكت فيه
الناس بحرقه ، خرج نعش خالد وفريدة سوا
من نفس المستشفى واتعمل لهم جنازة
سوا واتدفنوا في مدفن واحد

*

**

*

بعد مرور اكثر من سنة :

- نيرة انجبت بنتين توأم (فريدة ، نهى -اسم
مامتها-)

- كريم وفيروز اتجوزوا

- احمد خطب جارته

- ايمن ربنا هداها جداً واصبح انسان
مختلف تماماً

- اياد اصبح مُتدين جداً

- خلود رجعت مصر بعد وفاة خالد عشان
تفضل جنب امها وانجبت ولد (خالد)

- محمود وفاطمة وامينة عايشين على
ذكرى فريدة وخالد

*

**

*

كريم : انا هفضل احبك عمرى كله حبي
ليكى عمره ما هينتهى

فيروز : عارف يا كريم ، حب خالد وفريده هو
اللى عمره ما هينتهى ، اصلهم ماتوا وهما فى
اشد لحظات حبههم وفرحتهم ، دول هيتقابلوا
فى الجنة احسن من هنا بكتير عارف اخر
جملة قالوها لبعض كانت لا اله الا الله
محمد رسول الله، ربنا يرزقهم الفردوس
الاعلى

تمت النهاية